

Bible. Old Testament. Genesis.
Eskimo of Labrador. 1834.

MOSESIB AGLANGITA SIVORLINGIT

ASSINGITALO TUKSIARUTSININGIT NERTORDLERUTINGILLO
IMGERUSERTAGGIT.

THE BOOK OF GENESIS

TRANSLATED INTO THE
ESQUIMAUX LANGUAGE,

BY

THE MISSIONARIES

OF THE

UNITAS FRATRUM, OR, UNITED BRETHREN.

PRINTED FOR THE USE OF THE MISSION,

BY

The British and Foreign Bible Society.

LONDON:

W. M'DOWALL, PRINTER, PEMBERTON-ROW, GOUGH-SQUARE.

1834.

checked

MOSESIB AGLANGITA SIVORLINGIT.

KAPITEL I.

Sillaksub pingortitauninganik.

NELLIUNERIT pigiarneingane Gudib killak nunalo pingortipak.

2 Nunalo illēnarsimmajotun-ilaukpok sunatakaranelo, ittinerlo tāktub kollāngiarpa; Gudiblo Annerninget immaksoak kollāngiarpa.

3 Gudelo okarpok: Kaumajokarle! Kaumajokarpok tava.

4 Kaumajorlo ullernaigilugo, Gudib namagiva. Tagva kaumajok Gudib avitipa tāksoarmit.

5 Kaumajorlo uvlormik taiva, tāksoarlo unuamik tailugo. Tagva unnuksak uvlāksarlo uvlut sivorlerpāngēt sakkerpok.

6. Gudelo okarpok: Aulāngitokarle immaksuit akkorngæne, tamna aviktaujutiksaukovlugo immaksuit akkorngæne.

7 Tagva Gudib aulāngitok sennava, immaksoarlo aulāngitub attānētok avikpa immaksoarmit aulāngitub kollānetomit. Taimailerporlo.

8 Aulängitorlo Gudib killangmik taiva. Tagva unnuksak uvläksarlo uvlub aipanga sakkerpok.

9 Gudelo okarpok: Immaksuit killaub attänētut kattessorlit ingmigolilutik, ipterilingajok tækkuksaukovlugo. Taimailerporlo.

10 Ipteriliktorto Gudib nunamik taiva, immak-suillo ingmigoliningit immarbiksoarmik taisilune. Gudiblo tamedsa ullernaigilugo namagiva.

11 Gudelo okarpok: Nunab iviksukket pēror-tullo nutaijortuksatärtut nuitiligit; nappartullo paungalivaktut, attunit illusermiktut paungatärkovlugit, ingmingne nutaijortuksatakarlutik nuname. Taimailerporlo.

12 Tava nunamit nuilerput iviksukket pēror-tullo, nutaijortuksatärtut, attunit illusermiktut; nappartullo paungalivaktut, ingmingne nutaijortuksatakarlutik, attunit illusermiktut. Gudiblo tamedsa ullernaigilugo namagiva.

13 Tagva unnuksak uvläksarlo uvluk pingajuæk sakkerpok.

14 Gudelo okarpok: Kaumartuksennik sakki-jartokarle aulangitome killangme, uvlormiglo unnuarmiglo aviktitsijunnik, nellunaikutenniglo, nellunerniglo, uvlunnik Jarinniglo kaujititsijunnik.

15 Kaumartuksaukovlugit aulängitome killangme, nuna kaumarviokovlugo tapkonunga Taimailerporlo.

16 Gudiblo kaumajoksoæk magguk sennavak kaumajok angijok attanniotikovlugo uvlormut kaumajorlo mikkijok attanniotikovlugo unnuarmut, uvloritsello sennaveit.

17 Gudiblo tapkoa aulängitomut killangmu illiveit, kaumaikovlugit nunamik.

18 Attanniotikovlugillo uvlormut unnuarmullo

aviklugiglo kaumajorlo tāksoarlo. Gudiblo tamedsa ullernaigilugo namagiva.

19. Tagva unnuksak uvlāksarlo uvlut sit-tamanget sakkerpok.

20 Gudelo okarpok: Immaksoak sakkijartitsile immaksiutinnik aulājunnik omajunniglo, tingmitsenniglo, nuname aulāngitub killaub attāne tingijunnik.

21 Gudiblo arveāluit pingortipeit, immaksiutillo sunatuinait, omajut aulājullo, immaksublo sakkijartitangit, illunatik ingmikut adsiliksaulutik; tingmitsello esaroggit sunatuinait, illunatik ingmikut adsiliksaulutik. Gudiblo tamedsa ullernaigilugo namagiva.

22. Gudiblo saimauserpeit okarlunelo: Kinguvāksakarluse unnuksivalliatitse, immarmiglo immarbiksoarme najimmatitse; tingmitsello unnuksivalliarlit nuname.

23 Tagva unnuksak uvlāksarlo uvlut tellimanget sakkerpok.

24 Gudelo okarpok: Nuna sakkijartitsile omajunnik, attunit ingmikut adsiliksaulutik, nergjuttinnik nujuitunniglo nujoartunniglo, pamgortunniglo nunamētunnik, illunatik ingmikut adsiliksaulutik. Taimailerporlo.

25 Gudiblo nergjutit nujoartut pingortipeit, illunatik ingmikut adsiliksaulutik, nergjutillo nujutut ingmikut adsiliksaulutik, pamgortullo suinatuinait nunamētut, ingmikut adsiliksaulutik. Gudiblo tamedsa ullernaigilugo namagiva.

26 Gudelo okarpok: Innungnik adsiptingnik sennalaukta, adsiokovlugit uvaptingnut; tapkoa attanniojuksaukovlugit mingeritjennut immarbingmētennut, tingmitsennullo killaub attānētun-

nut, nergjutinnullo, nunamullo illunānut, pamgortunnullo tamainut nunamētunnut.

27 Innuglo Gudib adsiminut pingortipa, Gudemut adsiojuksaukovlugo pingortipa, argullo arnarlo pingortipak.

28 Gudiblo saimauserpak okautivlugiglo: Kinguvaksakarlutik unnuksivallialeritik, innuit nunamik najimmakovlugit, attannioleritiglo nunamut, nalegauleritiglo mingeritjennut immānētunnut, tingmitsennullo killaub attānētunnut, nergjutinnullo tamainut, pamgortunnullo.

29 Gudelo okarpok: Ahāk tagga tunnitsivigivaptik pērorsijennik sunatuinarnik, ingmingne nutaijortuksatārtunnik nunaksoarme illunane, nappartunniglo sunatuinarnik paungalivaktunnik, nappartunniglo ingmingne nutaijortuksatartunnik, nerkiksaukovlugit illiptingnut.

30 Nergjutinnullo nunamētunnut tamainut, tingmitsennullo killaub attānētunnut tamainut, pamgortunnullo nunamētunnut tamainut, taipkoa pērorsijennik sunatuinarnik nerrikovlugit. Tai-mailerporlo.

31 Gudiblo pingortitane tamaitarsuit ullernaigiveit; ahāglo, illunamassiatik idluartoksōlaukput. Tagva unnuksak uvlāksarlo uvlut pingasujoet sakkerpok.

KAPITEL II.

Sabbatemik, Paradiesemiglor, nulliarēngnerub pingortitauninganiglo.

TAGVA killak nunalo kattimmajoksoakottingillo tamaitarsuit innersimmalaukput.

2 Uvlullo Iningane Gudib pinniarnine sullinermut sorërpeit; uvlullo Iningane merngoërserpok sullinermunit tamainit.

3 Uvlullo Ininget tamedsa Gudib saimanarneliotipa, iysornaiviokolälo, uvlorme tamattomane Gude sullinermunit tamainit merngoërserlaurame, pinniarnermunit pingortitaminut, sullinermunit tamainit.

4 Taimak killak nunalo sakkijalerpuk, pingortitaulauramik nelliutome taipsomane, Gudib Nälekab nuna killaglo sennangmagik;

5 Nappartullo sunatuinait näternamëdlutik, mattoma sivorngagut perorlaungitut nuname, perortullo sunatuinait nätername, mattoma sivorngagut perorlaungitut. Gude Nälegak sillalukojingimet sulle nuname, innukalaungilarlonët perorsëviksiortomik.

6 Nunamille pujorak kangattarpok nuna illunät kausertilugo.

7 Gudiblo Nälekab innuk sennava nunab ilanganit, annernermiglo omanartomik kingangagut supporlune tapsomunga. Taimaglo innuk omanartomik tarneliotitauvok.

8 Gudelo Nälegak perorsëvingmik sennavok Edenme unanetome, innuglo sennajane nunakarkova tapsomane.

9 Gudelo Nälegak perorsaivok nunamit nappartunnik sunatuinarnik tækkominadlartunnik, nerkiksaktalingniglo mammaktunnik, innogutiblo nappartunga perorsëviub kerkanëtipa, illitarksinerublo ajungitomik ajortomiglo nappartunga.

10 Edenmillo köksoak pivok immertitsijok perorsëvingmik, tagvane avalerkokalerdlune köksoarnik sittamænnik.

11 Tapkoa sivorlinget Pison attekarpok, tamannalo nunab Hevilab illunāt avatāgut kōkpok, tagvanelo Goldekarpok.

12 Nunablo tapsoma Goldinga pivianartōvok; tagvanelo Bedellione karpok, ujararlo pivianartok Oniks tagvanēnivok.

13 Kōggub aipanga Gihon attekarpok, taman-na kernertet nunangeta illunāt avatāgut kōkpok.

14 Kōgguk pingajuæk Hedikel attekarpok, tamanna Assiriab kiglingane kōkpok. Kōggullo sittamanget Frate attekarpok.

15 Gudiblo Nālekab innuk pitipa perorsēvingmut Edenmētomut, sennajaukovlugo udsertor-taukovlugo tapsomunga.

16 Gudiblo Nālekab innuk perkova, okautivlugo: Nerrijuksauvotit nappartunnit tamainit perorsēvingmētunnit.

17 Illitarksineruble ajungitomik ajortomiglo nappartunganit nerrijuksaungilatit; uvlut nel-liennelonēt omanget nerriguvit tokkojuksaugavit.

18 Gudelo Nālegak okarpok: Namangilak innuk attausēnaugame; oma ikkajortiksanganik aipæksanganiglo sennajomavunga.

19 Gudib Nālekab ivsormit omajut tamaita nāternamētut, tingmitsello tamaita killaub attānētut sennagamigit, tapkoa innungmut pitipeit kannok tainiarmangagit nautsertoromavlune, kannorle innub (Adamib) omajut sunatuinait taijomalerpagit attekartuksaungmetta.

20 Innublo nergjutit tamaita nujoartut nujuitullo nāternamētut, tingmitsella killaub attānētut attunit attekartipeit; kissianele innungmut ikkajortiksamik aipæksamiglo nachvartaujokalaungilak.

21 Tagva Gudib NāleKab innuk (Adam) sin-
niktipa ittijomik, tamnalo sinnisimmavok; omalo
tullimangita illanget tiguva, innigilauktangalo
uvinekartipa.

22 Gudiblo NāleKab arnak sennava innub tul-
limanganit, omanget tigulauktane, ālalo tapso-
munga.

23 Tagva innuk (Adam) okarpok: Tagga sau-
niojut saunimnit pimmajut, uviniojorlo uvinimnit
pimmajok. Tamna taijaularpok angumit pijomik,
angumit pijaungmet.

24 Tamanna pivlugo atātane anānanelo angu-
tib kemmegomārpak, nullianelo ungagilugo, tap-
koalo maggut uvinigik attausiksauniarpuk.

25 Tammarmiglo Adam nulliangalo annora-
kalaungilāk, kangusugatiglo.

KAPITEL III.

*Adamib Evablo ajortulliarnigingnik. Tapkoa pitlartauning-
nik. Messiasib unertutigijauninganik.*

KUGLUGIARLE pingitsertornersaulaukpok nergju-
tinnit nāternamētunnit, Gudib Nalekab sennajan-
ginnit tamainit, tapsomalo arnak okarvigiva: Gude
taimak okausekalaukka illiptingnut, nerrijuksaun-
ginaptik nappartunnit perorsēvingmētunnit ta-
mainit?

2 Arnab tava kuglugiak okautiva: Nappartut
perorsēvingmētut paunganginnik nerrivakpoguk;

3 Kissianele nappartub perorsēviub kerkanētub
paungangit pivlugit, Gude okalaukpok: Omanget
nerriniaratik aktornagolonēt, tokkojuksaukonna-
tik.

4 Tagva kuglugiak arnamut okarpok: Tai-
maingilak illa, tokkoniatsengilatik.

5 Gudele nellunginame, uvlut nelliennie illiptik
omanget nerriguptik ijitik uititauniarmetta,
Gudetullo ilerniaraptik, ajungitomiglo ajorto-
miglo illissimmavlutik.

6 Arnablo nappartok tamanna tækkunāramiuk,
omanget nerrijominarasugællugo tækkominara-
sugiva, nappartok una kuvianarasugællugo, silla-
tõtitsijomik okautaungmet; oma paungangita il-
langanik tigusivok nerrivlunelo, oma illangalo
uiminut tunniva, tamnalo nerrigivok.

7 Tagva tamarmik ijigik uititaulerpuk annora-
kanginermingniglo tukkisilerdlutik; Feigeliksablo
millukattanginnik kattititsivuk, sailiteksamingnik
sennalutik.

8 Gudiblo Nalekab nippinga tussarpæk, pe-
rorsëvingme arvertartillugo uvlub niglalerningane.
Adamele nulliangalo ergutsivuk nappartut peror-
sëvingmëtut akkornganut, Gudib Nālekab kēnan-
get sāngane sakkijaromanatik.

9 Gudiblo Nālekab Adam kaikova okautilu-
golo: Nānekit?

10 Adamelo okarpok: Nippit tussarapko pe-
rorsëvingme sivorāvunga, annorakanginamalo
ijerasualaukpunga.

11 Gudib okautiva: Kia okautilaukpätit an-
norakanginernik? Nappartomit taipsomanget
nerrilaungilatit, nauk innertilaurapkit nerrinik-
sarnik?

12 Tagva Adam kiovok: Arnab aiparikojavit
uvamnut nappartub taipsoma paungangita illan-
ganik tunnitsivigingmanga nerrilaukpunga.

13 Gudib Nālekab arnak okautiva: Sög tai-

mailiorlaukit? Arnarle okarpok: Kuglugitsab taimak uiveringmanga nerrilaukpunga.

14 Tagva Gudib Nālekab kuglugiak okautiva: Taimailiorlauravit nergjutinnit tamainit, omajunnillo nāternamētunnit tamainit ominarnerpāngōvotit mannamit. Nārnut pamgortuksauvotit, ivsorlo nerkigilugo innōtillutit.

15 Omisuktigēngnarmiglo pititsijomavunga il lingnut arnamullo, kinguvāksarnut kinguvāksanginnullo. Arnable kinguvāksanget niakuit tullidlaromārpa, igvillo kingmingagut kējomārpet.

16 Arnamullo okarpok: Singaileruvit ānarnar-tomik ikpigititsomārpagit, āniadlarlutillo ernisugomārpotit, uivillo pijomajanga malligeksarivet, tamnalo nālegeksarivet.

17 Adamemullo okarpok: Nulliet nāleklugo nappartomit taipsomanget nerrilauravit, nauk in- nertilaurapkit nerriniksarnik, nuna tagva omi- narsijauvok pivlutit, siarklernermullo nerkiksarnik pinnasuartuksauvotit innōtillutit.

18 Dorneniglo Disteleniglo perortokaromār- pok, perorsijello nāternamētut ejeksarivettit.

19 Kēnavit kidsijarningane nerkiksarnik ēsi juksauvotit, igvit ablatsaujomārkārtinnæk senna- jaumavingnut; ivsogavit ivsungortuksaugivotit.

20 Adamiblo nulliane Evamik atserarpa, tam- na innōjut illunamassiatik anānagingmatsuk.

21 Gudelo Nālegak Adamib nulliangello an- noraksagingnik kissingnik sennavok, attitilugiglo makkoninga.

22 Gudelo Nālegak okarpok: Ahāk, Adam uvaptitun-īlertok, ajungitomiglo ajortomiglo illis- simmavlune. Mannale agganne issakonnagit, tigusikonnagolotauk omanartub nappartunget

paunganginnik, nerrinermullo tamakkoniga innölerkonnago issokangitomut.

23 Tava Gudib NäleKab aularkova perorsëvingmit Edenmit, perorsëviksiorkovlugo, nunamit pingmet.

24 Adamelo Gudib aulartinamiuk, perorsëviub Edenib ittervia udsertortaukova Kerubimut saviksoalijartomut ippiktomik, apkosinek nappartomut omanartomut attortaukonnago.

KAPITEL IV.

Kainib tokkotsininganik nukkaminik. Kainib kinguränginnik.

ADAMIBLE nulliane Eva uvinikattigingmago tamna singailerpok, Kainelo ernertariva, okarporlo: Angumik NäleKamit pivunga.

2 Mattoma kingorngane oma nukka Abel ernertariva. Abelelo mianersijungorpok, Kainele perorsëviksiortungorlune.

3 Nelliutub malliktingane Kaine tunnergutiksaminik perorsëviub perorsianginnit ätsilerpok NäleKab sānganut.

4 Abelibtauk saugakottiminit angajuklionerset koininersello äpeit. NäleKablo saimarsainerminut Abele tunnergutalo tækkunärpak.

5 Kainele tunnergutalo Gudib saimarsainerminut tækkunär-laungimago; Kaine ningalerpok angijomik, ningarningalo tækkuksaulerpok kēnangane.

6 Tagva Nälegak Kainemut okarpok: Sög ningarosukkit? Söglo kēnet ningarnermut tautorlukka?

7 Imaingilak? Ajungitulliguvit tava unganar-

potit; ajungitullingikuville, tava idluinerub kannidlarpätit ikliguktitsomavlutit, igville näletsennago pīt, attanniolerille tamattoōmunga.

8 Kainible nukkane Abel okausiksakarvigiva; mattoma kingorngagullo näternamēdlutik, Kainib nukkane Abel annaudlugolo tokkopa.

9 Nalekab tagva Kaine okarvigiva: Nukket Abel nāneka? Kaine okarpok: nellovunga; nuk-kara udsertoreksarivigo?

10 Okautivale: Sumik pinnialaukkīt? Nukkavit aunga nipliadlarpok uvamnut nunamit.

11 Mannamillo omigijauvotit nuname, tamedsa aitangavlune nukkavit aunga aggangnit pingmago.

12 Perorsēviksioralloaruvit namaktomik tunitsivioniangitotit nunamit. Saksartotut kemmājotullo illingajuksauvotit nuname.

13 Kainele okarpok Nālekamut: Idluitulliarnera angiluarmet issumagijungnērviojungnangilak.

14 Ahak, uvlome aulartigamga nunamit omanget, ijeriartortuksauvunga kēnavit sāngane, saksarlunga kemmājotun-īdlungalo nuname. Imāk illinganiarpungalo: uvamnik naipitsijub tokkolarpānga.

15 Nālekable okautiva: Aukak, imainiarporle: Kainemik tokkotsijok, idluitulliarnek tamedsa 7-torlune akkillertaujariakarpok. Nālekablo Kaine nellunailiva tokkotaukonnago kimut naipitinganut.

16 Kaine tava Nālekab kēnanganit aularpok, nunalo Nod unane, Edenib ungatane nunagilerdlugo.

17 Kainiblo nulliane uvinekattigingmago tam-

na singailerpok, Hanochelo ernertariva. Igluga-sengniglo iglulliorpok, tapkoa ernorme attingatut atserarpeit Hanock.

18 Hanochible ernertariva Irad, Iradib ernertariva Mahujael, Mahujaelib ernertariva Metusael, Metusaelib ernertariva Lamech.

19 Lamechele nullianikpok maggungnik; il-langæk attekarpok Ada, aipanga Zilla.

20 Adalo ernivok Jabalemik, omanget tup-pernik iglokartut, nergjutinniglo nujuittunnik mianersijut pivut.

21 Oma nukka attekarpok Jubal; tamna sivor-lerpauvok aggiarusijartunnit nipsausijartunnillo tamainit.

22 Zillaletauk ernivok Tubalkainemik, tamna illissimmalaukpok kannutjerinermik kikkittjeriner-miglo sunatuinarnik. Tubalkainiblo najanga at-tekalaukpok Naema.

23 Lamechiblo nulliængne Ada Zillalo okau-tivak: Illiptik Lamechib nulliagik okautsimnik tussaleritik, kammatsiarlutiglo sumik okarama: Angumik tokkotsilaukpunga, tamna ikkigivara, innuosuktomiglo tamna sorrogivara.

24 Kainemik tokkotsijok 7-torlune akkiniar-taujariakangmet, Lamechemik tokkotsijok 77-tor-lune akkiniartaujariakarpok.

25 Adamib nulliane ama uvinekattigingmago, tamna ernermik ernivok, tamna attekartipa Seth. Okarlune: Kainib Abele tokkolaungmago, Gudib kinguväksab assianik tunnitsivigivânga.

26 Sethelotauk ernertärpok ernermik, tamna attekartipa Enos. Nelliutome taipsomane Nâ-lekab attinga okautigijautainalerpok.

KAPITEL V.

*Patriarchit kinguvarèt attingita taijauninginnik Adamemit
Noa tikkilugo.*

TAMEDSA aglait innuit kinguvarëninginnik okälajut. Gudib innuk pingortinamiuk adsiliotipa ingminut.

2 Angullo arnarlo pingortipak, saimauser-lugiglo, innügniglo atseraitipak, taipsomane pingortitauvingne.

3 Adamelo Jarekardlune 130 nik ernertärpok ingmitut adsekartomik, tamna atserarpa Seth.

4 Mattoma kingorngagullo sulle Jarinnik 800 nik innölaupok, ernetärlune pannitärlarmelo.

5 Jaringita illunatik unnurningit 930 övut, tokkovorlo.

6 Sethib Jarekardlune 105 nik Enos ernertär-iva.

7 Mattoma kingorngagullo sulle Jarinnik 807 nik innölaupok ernetärlune pannitärlarmelo.

8 Jaringita illunatik unnurningit 912 övut, tokkovorlo.

9 Enosib Jarekardlune 90 nik Kenanernertär-iva.

10 Mattoma kingorngagullo sulle Jarinnik 815 nik innölaupok, ernetärlune pannitärlarmelo.

11 Jaringita illunatik unnurningit 905 övut, tokkovorlo.

12 Kenanib Jarekardlune 70 nik, Mahalaleel ernertäriva.

13 Mattoma kingorngagullo sulle Jarinnik 840 nik innölaupok, ernetärlune pannitarlarmelo.

14 Jaringita illunatik unnurningit 910 övut, tokkovorlo.

15 Mahalaleelib Jahrekardlune 65 nik Jared ernertäriiva.

16 Mattoma kingorngagullo sulle Jarinnik 830 nik innölaupok, ernetärlune pannitärlarmelo.

17 Jaringita illunatik unnurningit 895 övut, tokkovorlo.

18 Jaredib Jarekardlune 162 nik Henock ernertäriiva.

19 Mattoma kingorngagullo sulle Jarinnik 800 nik innölaupok, ernetärlune pannitärlarmelo.

20 Jaringita illunatik unnurningit 962 övut, tokkovorlo.

21 Henochib Jarekardlune 65 nik Methusala ernertäriiva.

22 Methusalalo ernertärigamiuk kingorngane Gude aiparilugo Jarinnik 300 nik sulle innölaupok, ernetärlune pannitärlarmelo.

23 Jaringita illunatik unnurningit 365 övut.

24 Gude aiparilugo innölaungmet, Gudib nuna mit ingminut pitipa, tækkojaujungnërlunelo.

25 Methusalab Jarekardlune 187 nik Lamech ernertäriiva.

26 Mattoma kingorngagullo sulle Jarinnik 782 nik innölaupok, ernetärlune pannitärlarmelo.

27 Jaringita illunatik unnurningit 969 övut, tokkovorlo.

28 Lamechib Jarekardlune 182 nik ernertärpok 'autsemik.

29 Tamnalo atserarpa Noa, okarlunelo: Tap-soma mannigoromärpätigut kappiasungniptingne sullijeksaptingnelo nuname, ominarsijaujome Nā-lekamut.

30 Mattoma kingorngagullo sulle Jarinnik 595 nik innölaufpok, ernetärlune pannitärlar-melo.

31 Jaringita illunatik unnurningit 777 övut, tokkovorlo.

32 Noab Jarekardlune 500 nik, Sem, Ham, Jafetelo ernertäriveit.

KAPITEL VI.

Ullitornivaksub okautauninganik.

INNUILLE unnuksivallialermetta nuname, tapko-nungalo pannit erniangöngmetta;

2 Gudib kittorngangita innuit panningit kem-mergolerpeit pinnarnarasugilugit, issumaming-niglo nellit nulliariveit.

3 Tagva Nālegak okarpok: Innuit annernima nippinga tappagitsainarpæt, uviniogamik. Man-namit Jarinnik 120 nik sulle kamagingitsertoro-mavakka.

4 Nelliutome taipsomane attannioluktokalauk-pok nuname; Gudib kittorngangita innuit pan-ningit nulliaringsmagit, kittorngakarlutiglo tap-konanget, innuit pitsartojoksuit tattamnartok-suillo sillaksoarme tapkonanget pivut.

5 Nālegarle tækkogame innuit uivëtoksöning-innik nuname, omættingitalo issumangit pin-nasuarningillo idluiluktoksöngmetta sorëratik;

6 Tagva kakkialerpok pingortitsinerninik in-

nungnik nuname, tamedsalo kiksarutigiva omæt-timine.

7 Okarlunelo: Innuit pingortilauktakka pējar-omavakka nunamit, innuit kissētaungitulle, nerg-jutittauk, pamgortullo tingmitsello killaub attā-nētut aglæt, tapkoninga pingortitsinimnik kak-kialerama.

8 Noale Nālekab saimarsainerminut nāpkigiva.

9 Tamedsa Noab kinguvāngit: Noa angut idluartok, pitlareksaulaungilak, Gude aiparilugo innōtsainalaukpok nelliunermine.

10 Ernertārlaukporlo ernernik pingasunnik, Sememik, Hamemiglo, Jafetemiglo.

11 Nunale asserorsimmalaukpok Gudib ijiki-ta sakkængne; piungiluktoālungmiglo tettæd-lune.

12 Tagva Gudib nuna ullernaigiva, ahäglo, asserorsimmalaukpok, uviniliojut illunamassiatik innonitik asserortilaungmattigik nuname.

13 Tagva Gude Noamut okarpok: Uviniliojut illunamassiatik naggatiksandet nelliutivok kēna-ma sāngane, nuna piungiluktoālungnik tettæmet tapkonandet pijunnik; ahäglo, asseroromavakka nuna illagilugo.

14 Umiaksoarmik kejungmik sittijomik sennalerit, takamanelo iglunnik sennalutit, kotsorlugillo illuagut sillatagullo.

15 Imäglo sennaleruk: tukkimut tallitut igloinartut 300 nik, sennimut tallitut igloinartut 50 nik, kungmullo tallitut igloinartut 30 nik.

16 Tapsoma känganelo igalarmik sennakovagit tallitut igloinartut angitigijomik. Upkuarle sennaneret kerkāne sennajeksarivet. Ikkiarēktil-

ruglo pingasunnik kollerëktunnik, illanget allerpäme, aipanga kerkäne, pingajuæk kolläne.

17 Ahägle, ullitornevaksoarmut nuna tikki-taukojomavara, uviniliojut illunamassiatik annernekartullo killaub attäne asserorlugit. Illunamassiatik nunamëtut nunguteksauvut.

18 Igville angervigijomavagit, umiaksoarmullo aijariakarpotit, ernitillo, nulliello, ernivit nulliangillo illagilugit.

19 Umiaksoarmullo itterkojikovagit omajunnik sunatuinarnik, uvinilingnit tamainit, attunit aiparëngnik attautsïngnik, angumiglo arnamiglo, omatsainarkovlugit najugarne.

20 Tingmitsennit kalliñe kattigëngitunnik, nergjutinnillo kallinne kattigëngitunnik, pamgortunillo sunatuinarnit nunamëtunnit kallinne kattigëngitunnik; tapkonanget illunainit, attunit aiparëk attautsïk, ittertuksauvut illingnut, omatsainarkovlugit.

21 Igvillo nerkiksennik sunatuinarnik, nerkiksauvaktunnik neksartuksauvotit, kattersorlugillo najugarne, tamakkoa ejeksaukovlugit illingnut illangnullo, omajunnullo tamainut.

22 Noablo Gudib perkojangit tamaita pin-niarutigilugit näletsiarpeit.

KAPITEL VII.

Ullitornevaksub nelliuninganik.

NÄLEKAB Noa okautiva: Illatit tamaita illagilugit itterit umiaksoarmut, igvit idluartorigapkit sãmne nelliutome tamattomane.

2 Nergjutinnit ivsornaitunnit sunatuinarnit attunit aiparēnik 7 nik, angumiglo nullianganiglo ittertitsit illingnut, nergjutinillo ivsornartunnit attunit aiparēngnik attautsingnik, angumiglo nullianganiglo.

3 Taimaktauk tingmitsennit killaub attānētunnit, attunit aiparēnnik 7 nik, angutaunermiglo arnauninganiglo, kinguvākset nungutaukonnagit nunaksoarme illūnāne.

4 Uvlut 7 it nākpetta sillalukojijomagama nuname uvlut 40 git unnuello 40 git nāvlugit, omajut nuname sennajakka illunaita nungutit-somagapkit.

5 Noable Gudib perkojangit tamaita pin-niarutigilugit nāletsiarpeit.

6 Ullitornevaksuble tikkininga nunamut nel-liutingmet, Noa Jarekalaukpok 600 nik.

7 Umiaksoarlo ittervigiva erninne, nullianelo, ernime nulliangillo illagivlugit, ullitornevaksub pitjutigællugo.

8 Nergjutinnit ivsornaitunnit, ivsornartunnillo, tingmitsennillo, pamgortunnillo tamainit nunamētunnit,

9 Itterput umiaksoarmut aiparēklutik, angullo arnarlo, sorlo NāleKab (Noa) perkungmago.

10 Uvlulle 7 it nālermetta ullitornevaksoak tikkimarilerpok nunamut.

11 Noa Jarekartillugo 600 nik, takkib aipang-et uvlungita 17 ningane, uvlorme tamattomane, ittersālub puailavingit illunatik aitangalerput, killaublo mattungit illunatik angmalerput.

12 Sillalukalarmelo nuname, uvlut 40 git, unnuello 40 git nālugit.

13 Uvlorme tamattomane, Noa, erningillo

Sem, Ham, Jafetelo, Noablo nullianga, erning-italo nulliangit pingasut itterput umiaksoarmut.

14 Taimaktauk nergjutit nujoartut sunatunait adsigēngitut, nergjutillo nujuitut sunatunait adsigēngitut, pamgortullo sunatunait, pamgorpaktut nuname, adsigengitut, tingmitsello sunatunait adsigēngitut, tingijungnartullo illunatik, esarokartullo illunatik.

15 Tapkoa illunatik aiparēklutik itterput Noab umiaksoanganut, uvinilingnit tamainit, omartomik annernelingnit.

16 Ittertullo tapkoa angutaulaukput arnauv-lutiglo uvinilingnit tamainit, sorlo Gudib (Noa) perkungmago. Nālekablo upkuak pallangerpa kingorngagut.

17 Tavale ullitornevaksoak tikkilerpok, uvlut 40 git nālugit, immaksuillo angijorolerput, umiaksoarlo pochelarktipæt nunamit.

18 Taimak angitigijomik immaksuit sugalulu-armetta angijororlutik nuname, umiaksoak kāngane poktavok.

19 Taimak angitigijomik immaksuit sugaluluarmettalo, kakket kingiktorsuit illunamassiatik killaub attānētut ulludsaulaukput.

20 Immaksub ittijoksōninga kakket ulludsaumajut kānginne, tallitut igloīnartut 15 nik ititigijomik nauserkajauvok.

21 Tava uviniggit illunamassiatik aulajut nuname, tingmitsello, nergjutillo nujoartut nujuitullo, pamgortullo pamgorpaktut nuname, innuillo illunatik ippidlarput.

22 Illunamassiatik, omartomik annernekartut pannerpaktome, tokkolerput.

23 Taimagle illunamassiatik nunamētut nung-

utaulaukput, inuillo, nergjutillo, pamgortullo, tingmitsello killaub attänētut, tapkoa illunamasiatik nunamit pējartaumavut. Noakut kissimik, najortingillo umiaksoarmētut amiakōvut.

24 Nunaksoarle immaksoarmut uvlunnik 150 nik ulludsaumalaukpok.

KAPITEL VII.

Ullitornevaksu sorërninganik.

TAGVALE Gudib Noa issumagilerpa, tapsoma najortingillo umiaksoarmētut omajut nergjutillo tamaita erkarmilugit, akkunaksoakarkojivok nunamut, immaksoarlo tinnivallerpok tava.

2 Ittijoksublo puailavingit killaublo mattungit simiktaulerput, sillaluksoarlo killangmit sorërkojauvok.

3 Immab tava nuna kemmegiartorpa, kētaunersaulilarmelo, uvlut 150 git nāngmetta.

4 Takkit 7 ningeta uvlungita 17 ningane umiaksoak ikkarēpok Araratib kakkangane.

5 Immagle miklilitsainarpok takkit 10 ninget tikkilugo. Takkit 10 ningeta uvlungita sivorlerpāngane kakket kāngit sakkijartainarput.

6 Uvlut 40 git nāngmetta, Noab igalak umiaksoarmētok sennajane makperpa.

7 Tullugarlo annitipa, tamna tingitsainarpok sivumut uttimullo nuna immakarungnērkārtinago.

8 Mattoma kingorngagut Taube annitipa, kaujititaujomagame immakarungnērmangæt nuname.

9 Taubele tamna miviksaminik naipitsinginame, tapsomunga umiaksoarmut uttillerivok, imnakalaungmet sulle nunaksoarme illunane. Tagvale Noab agganne issaklugit tamna tiguva pilugolo umiaksoarmut.

10 Sullele uvlut 7 it assinginnik uttakkerkärune ama Taube umiaksoarmut annitipa.

11 Sekkinerle kangivalertillugo tapsoma tikkipa, sunaubvalo, nappartub orksuliub millukat-tangita illanget neksarpa kingmiarlugo. Tapsomunale Noa immab tinnilerninganik kaujititauvok.

12 Sullele uvlut 7 it assinginnik uttakkerkärivlune ama Taube umiaksoarmut annitiniva, tapsomale uttervigijungnërpa.

13 Noa Jarekartillugo 601 nik, takkib sivorliub uvlungita sivorlerpångane, nuna immairutivok. Tagva Noab umiaksub känga përpa tækkolunelo nuna ipterililernet.

14 Tagvale takkib aipanget uvlungita 27 öningane nuna ipterilimarikpok.

15 Gudiblo Noa okarvigiva, okarlunelo:

16 Umiaksoarmut annilerit, igvit nulliello, ernitillo, ernivillo nulliangit illagilugit.

17 Onajullo sunatuinait najugarnëtut, uvinilingnit sunatuinarnit, tingmitset, nergjutillo nujuitut, pamgortullo sunatuinait, pamgorpaktut nuname, tapkoa annilit illagilutit; aulatitselo nuname, kittorngileritselo unnuksivalliarluse nuname.

18 Tagvale Noa annilerpok erninne nulli-anelo, ernermelo nulliangit illagilugit.

19 Taimaktauk nergjutit nujoartut sunatui-nait, pamgortullo sunatunait, tingmitsello suna-

tuinait, illunatiglo pamgorpaktut nuname, tapkoa annilerput umiaksoarmit, illunatik attunit adsimingnut.

20 Noable Altare sennava Nālekamut, tigu-sivlunelo illanginnik nergjutinnit sunatuinarnit ivsornaitunnit, tingmitsennillo sunatuinarnit ivsornaitunnit, ikkoalaklugillo tunnergutigiveit Altareme.

21 Nālekablo tippegiktok naimaleramiuk, omamigut okausekarpok: Mattoma kingorngane nuna ominarsititsomērtara innuit pitjutigællugit; innub omættæt kajungilärningit ajortoksöngmetta sorrusiönerminnit. Mannamillo omajut tamaita nungutitsomērtakka sorlo pinnialaurama.

22 Nunakarngane tamät pērtortukset kattersoiviglo, itje kiæglo, aujak okkiorlo, uvlok unnuarlo sorērniatsengilet.

KAPITEL IX.

Gudib angersimmanine sokkosijuitipa ajagutak nellunaiikutang-örtulugo.

GUDIBLO Noa erningillo saimauserpeit, okarvigilugillo: Kinguvaksakaleritse unnuksivalliarluselo, nuna innukarkovlugo illunane.

2 Nergjutit illunamassiatik nunamētut, tingmitsello killaub attänētut, aulajullo illunamassiatik nunamētut erksigijeksarivāse kvaksarutigiluselo, mingeritjello immarbingmētut tamaita tunnijauvut aggapsingnut.

3 Aulajut omajullo illunamassiatik nerkiksauvut illipsingnut, taimaktauk perorsijennik tungu-iortennik tunnitsivigivapse.

4 Nerkele omatillugo aunärtillugolo nerkik-sariniarassiuk.

5 Timipse aunga erkarsutigilugo akkinniarutig-ijomagapkotauk nergjutinnut tamainut; innublo innosinga akkinniarutigijomavara innungmut kimmullonēt, kattangutigingmago.

6 Nelliet innub aunganik kovisijok, tapsoma aungjatauk innungmut kovijaujomārpok; Gudib innuk adsiminut sennalaungmago.

7 Kinguvaksakaleritse unnuksivalliarluselo, omaridlaritselo nuname, unnuksivalliarkogapse nuname.

8 Ama Gudib Noa erningillo okarvigigiveit:

9 Ahāk, angervigivapse, kinguvaksasselo pingmilugit,

10 Omajullo tamaita najortapsingnētut, tingmitset, nergjutillo nujuitut, tamaitalo nergjutit nujoartut najortisse nuname, illa illunamassiatik umiaksoarmit annilauktut, omajut nellillonēt nunamētut illautilugit.

11 Tagvale angervigivapse imāk: mattoma kingorngane ullitornevaksub immaksoanganut uviniggit illunatik asserortauniarungnērmetta, mattoma kingornganelo ullitornevaksoakarniarungnērmet nunab asserortautiksanganik.

12 Gudelo okarpok: Tamedsa angernima kausimmaninget nellumaikuta pivlunga, pivluselo, najortisselo omajut tamaita pivlugit, nelliutunne tamaine:

13 Ajagutakottimnik illijilaukpunga nuvujenut, tamedsa angernima nellunaikutariva pivlunga, nuna pivlugolo.

14 Nuvujenniglo sakkijartitsiguma nunab kol-

tuinait, illunatiglo pang
koa annilerpuit umiaksoar
simingrut.

20 Noable Altare ser
sivlunelo illangianik ne
ivsornaitunnit, tingmits
sornaitunnit, ikkoalaklu
tareme.

21 Nalekablo tippegi
migut okausekarpok:
nuna ominarsititsomërt
innub omættæt kajungit
sorrusionerminit. M
nungutitsomërtakka s

22 Nunakarningan
soiviglo, itje kieglo, .
arlo sorërnatsengilet.

KAR

Gudib angertunngis

GUDIBLO Noa erum
lugillo: Kinguval
nuna innukarkovlugit

2 Nergjutit illuna
mitsello killaub at
siatik nunamërut erk
luselo, mingeritjello
nijauvut aggapsingnut

3 Aulajut omajulla
vut illipsingnut, taima
i-rtennik tunnitsivig

lāne ajagutakottiga tækkuksautiniarivara nuvu-jenne.

15 Tagva angernera erkaumajomavara piv-lunga pivluselo, omajullo tamaita, uviniggit suna-tuinait pivlugit, mattoma kingorngagut ullitorne-vaksoakarniarungnërmet uviniggit illunatik asse-rortautiksangennik.

16 Tamanna pivlugo ajagutakottiga nuvujen-nëniarpok, uvangalo tækkosarlugo, erkaumalar-para Gudib angerninga sokkosijuitok omajunnut uvinilingnut nunamëtunnut tamainut.

17 Tamedsale Gudib okautigivatauk Noamut: Tamedsa nellunaikutauvok angernera pitjuti-gællugo, illilauktara pivlunga, uviniggillo tamai-tarsuit nunamëtut pivlugit.

18 Noab erningita umiaksoarmit annilauktut attingit imaiput: Sem, Ham, Jafet. Hamele Ka-naanib atätagiva.

19 Pingasut tapkoa Noab erneriveit, tapkonu-na nunaksoak innukalerpok illunane.

20 Noale perorsëviksiortainalerpok, Weinelik-senniglo illijikattarlune.

21 Weinemiglo immidlarame tallapok, iglomi-nelo kebbiksimmanane innangavok.

22 Hamible Kanaanib atätanget atätame us-singaninga tækkogamiuk, okautigiva kattangu-tingminut sillatänetungnut.

23 Tava Semib Jafetiblo annoramik tigusivuk, tuimingnullo illivlugo, tunningavlugolo ulligiar-torpæk atatængmik ussinganinga; kēviarvigivæ-glo attængämik ussinganinga tækkojomana-go.

24 Noale sinnigutigilauktaminit Weinemit tup-

palerame, tussalarmelo illiorvionerminik ernængme nukgangængnut;

25 Okarpok: Ominarsile Kanaan, tamna kivgæksaule kivgennut tamainut kattangutikita akkorgængne.

26 Ama okarivok: Gude nakorijaule Semib Nâleganga; Kanaanelo kivgaule tapsomunga.

27 Gudib Jafet kinguvâksakartiliuk unnuktunnik, inniksakartiliuglo Semib iglunginne; Kanaanele kivgaule tapsomunga.

28 Noale ullitornevaksu kingorgane innölaupok Jarinnik 350 nik.

29 Innösinget illunät Jaringit 950 ölauput, tokkovorlo.

KAPITEL X.

Noab erningita kittornganginnik kinguvanginniglo.

TAMEDSA Noab erningita Semib, Hamib, Jafetiblo kittorngangit. Kittorngakalerpullo ullitornevaksu kingorgane.

2 Jafetib tapkoa kittorngariveit: Gomer, Magog, Madai, Javan, Tubal, Mesech, Tirasele.

3 Gomerible tapkoa kittorngariveit: Ascenas, Rifat, Togarmalo.

4 Javanib tapkoa kittorngariveit: Elisa, Tarsis, Kitim, Dodanimlo.

5 Tapkonanget nellojut kikkertangit innukalertitauvut nunagijanginne, attunit ingmigolingajunnik okausekarlutik kinguvångonermingne, innukaftigëngnermingnelo.

6 Hamib tapkoa kittorngariveit: Kus, Mizraim, Put, Kanaanlo.

7 Kusible tapkoa kittorngariveit: Seba, Hefila, Sapta, Raema, Sabtechalo. Raemable tapkoa kittorngarivak: Scheba, Dedanlo.

8 Kusible Nimrod erneriva. Tamna attanniojoksölerpok nuname;

9 Omajoksiorteovlunelo sõngojoksölerpok Nālekab sakkāne. Taimaitomik okartokajõngovok: Taimna sõngojoksövlune omajoksiorteövak Nālekab sakkāne Nimrodetut.

10 Taipsoma attanniovinget nunangita sivorlerpāngit attekarpit imāk: Babel, Erech, Akad, Kalnelo, Sinearib nunangane.

11 Nunamit tamattomanget Assur pivok, tamnalo iglulliorpok Ninivemik, Rehobotemik, Irmik, Kalamiglo.

12 Taimaktauk Ressenmik Niniviub Kalablo akkorngængne. Iglugaseksuit tapkoa angidlarput.

13 Mizraimib tapkoa kittorngariveit: Ludim, Anamim, Leabim, Naftuhimlo.

14 Patrusim, Kasluhimlo. Tapkonanget Filisterit Kaftorillo pivut.

15 Kanaanible Zidon erneriva erniangokārtok, Hethelo.

16 Jebusi, Emori, Girgosilo,

17 Hevi, Arki, Sinilo,

18 Arvadi, Zemari, Hamatilo kittorngariveit. Tapkonanget Kanaanemiut kinguvangita unnurningit pivut.

19 Tapkoalo nunangita kiglingit Zidonmit Gerrar apkosarlugo Gasamut, Sodom, Gomorrало, Adamalo, Zoboimlo tikkilugit, Lasamullo illingavut.

20 Hamible tapkoa kittorngariveit, kinguvar-
ëngillo, okauserijangillo, nunangillo, innukatting-
illo illautilugit.

21 Semele Jafetib angajugliub nukkanga kit-
torngakarivoktauk, Eberib kittorngangita illu-
natik tamna atātagivæt.

22 Tapkoalo Semib kottorngariveit: Elam,
Assur, Arfachsad, Lud, Aramlo.

23 Tapkoale Aramib kittorngariveit: Uz, Hul,
Geter, Maslo.

24 Arfachsadible Sala kittorngariva, Salab
Eber kittorngariva.

25 Eber ernekarpok maggungnik. Tapkoa il-
langæk attekarpok Peleg, tapsoma nelliuningane
Sillaksu innungit siamartitaulermetta; oma nuk-
kanga attekarpok Jaketan.

26 Jaketaniblo Almodad, Salef, Hazarmavet,
Jaralo,

27 Hadoram, Usal, Dikelalo,

28 Obal, Abimael, Sebalo,

29 Ofir, Hevila, Jobalo kittorngariveit. Tap-
koa tamaita Jaketanib kittorngariveit.

30 Messablo nunanga Sefar kakkak taunanētok
tikkilugo nunagilaukpæt.

31 Semible tapkoa kittorngariveit, kinguvar-
ëngillo, okauserijangillo, nunangillo innukatting-
illo illautilugit.

32 Tapkoale tamaita Noab erningita kinguvā-
giveit, kinguvarēngit innukattingillo illautilugit.
Tapkonanget innuit unnuksivalliaut nuname ul-
litornevaksu kingorngagut.

KAPITEL XI.

*Nuvogusermik Babeleme. Okautsit adsigengittitauninginnik.
Semib kinguvareninginnik.*

SILLAKSOARMIU^{LLE} illunamassiatik okautsinnik adsigēktunnik attorlaukput.

2 Tapkoale taunnunga ingeraramik, nunatsiamik kakkakangitomik naipitsivut, Sinearib nunangane, tamedsalo nunagivæt.

3 Okarkattigēlutiglo: Atte, igaliksennik sennalaukta ikkoalaklugillo. Tagvalo igalikset ujarkettitut, macharlo kattutiksarilugo attorpeit.

4 Okarlutiglo: Atte, iglugaseksoarnik nuvoguseksoarmiglo iglulliorlaukta, nuvua aktoakovlugo killangmut, erkaumajautsainaromamut pijomärtome; siamartilaujomärpallaigapta nunennut tamainut.

5 Nālegak tagva akkarpok, iglugaseksuit, nuvoguseksoarlo, innuit kittorngangita sennajangit ullernaigilugit.

6 Nālegarlo okarpok: Ahāk, innugaseksuit tapkoa adsigēkput, adsigēktomiglo okausekarput ingmingnut, imaitomiglo sennanasuarput, kajusimmanermingnelo tamakkoa sennajomavlugit katsungainiarput.

7 Atte, akkarlaukta kannunga, okausingillo adsigēgungnērtilugit sokkoserlaungmilavut; okarkattigēngnermingnik tussākonnagit.

8 Tamattomuna NāleKab innuit tagvanget siamartipeit nunennut tamainut, iglulliorungnērtuksauvlutik iglugaseksoarnik.

9 Taimaitomik iglugaseksuit atserartauvut

Babelemik, Nālekab tagvane innuit okausingit adsigēgungnērtimagit, tagvanget siamartilaitalo nunennut tamainut.

10 Semib tapkoa kinguvarēgiveit: Semib Jarekardlune 100 nik Arfachsad ernertāriva, Jaringnik maggungnik ullitornevaksob kingorngane.

11 Mattoma kingorngagullo sulle Jarinnik 500 nik innōlaukpok, ernetārlune pannitārlarmelo.

12 Arfachsadib Jarekardlune 35nik Sala ernertāriva;

13 Mattoma kingorngagullo sulle Jarinnik 403 nik innōlaukpok, ernetārlune pannitārlarmelo.

14 Salab Jarekardlune 30 nik Eber ernertāriva.

15 Mattoma kingorngagullo sulle Jarinnik 403 nik innōlaukpok, ernetārlune pannitārlarmelo.

16 Eberib Jarekardlune 34 nik, Peleg ernertāriva;

17 Mattoma kingorngagullo sulle Jarinnik 430 nik innōlaukpok, ernetārlune pannitārlarmelo.

18 Pelegib Jarekardlune 30 nik, Regu ernertāriva;

19 Mattoma kingorngagullo sulle Jarinnik 209 nik innōlaukpok, ernetārlune pannitārlarmelo.

20 Regub Jarekardlune 32 nik, Serug ernertāriva.

21 Mattoma kingorngagullo sulle Jarinnik 207 nik innōlaukpok, ernetārlune pannitārlarmelo.

22 Serugib Jarekardlune 30 nik Nahor ernertāriva.

23 Mattoma kingorngagullo sulle Jarinnik

200 nik innölaupok, ernetärlune pannitärlarmelo.

24 Nahorib Jahrekardlune 29 nik, Tara erner-täriua.

25 Mattoma kingorngagullo sulle Jarinnik 119 nik innölaupok, ernetärlune pannitärlarmelo.

26 Tarab Jarekardlune 70 nik, Abram, Nahor, Haranlo ernertariveit.

27 Tarab tapkoa kinguvarëgiveit: Tarab Abram, Nahor, Haranlo ernertariveit. Haranible Lot ernertäriua.

28 Haranele tokkovok anguta Tara innötillugo, innulervivinermine, Ureme, Kaldæab nunangane.

29 Tagvane Abram Nahorelo nullianikpuk. Abramib nullianga Saraimik attekarpok, Nahoriblo nullianga Milkamik attekarpok, Haranib pan-nia, tapsomale Milka Jiskalo pannigivak.

30 Saraile kittorngisuiname kittorngakalaungilak.

31 Tagvale Tarab ernine Abram, ernermelo Haranib erninga Lot, ukkoanelo Sarai ernorme Abramib nullianga aularkettigivlugit neksarpeit Uremi Kaldæamëtomit, ingerajomagame Kanaanib nunanganut; Haranlo tikkinamitsuk tagvane nunakalerput.

32 Taralo Jarekalaukpok 205 nik, tokkovorlo Haranme.

KAPITEL XII.

Abramib kaijojauninganik, ingeraninganiglo Kanaanib nunanganut, tujormioninganiglo Egiptenme.

NÄLEKABLO Abram okautiva: Nunagitsainartarnit illangnillo aularit, atätavit iglunga kemmeklugo, nunamut unertutigijomärtamnut illingnut.

2 Innugaseksoangortitsomavagit saimarlutillo, akkillo okautigijaukojomavara angijomik, saimarsaijungortitsomavlutillo.

3 Illingnik saimarsaijut saimaromavakka, illingniglo okautekaluktut okauserlugvigijomavakka, illikkullo kinguvarët nuname illunamasiatik saimarviojomärput.

4 Taimaitomik Abram aularpok, NäleKab okausingit malliklugit, Lotiblo aipariva. Abramele Jarekalaukpok 75 nik Haranmit aularame.

5 Tagvale Abramib nulliane Sarai, Lotelo nukame erninga illaukovak, perkuttitiglo angulauktattik, kittorngattiglo pigilauktattik Haranme neksarlugit, aularput ingeralutiglo Kanaanib nunanganut. Tikkinamik nunamut tapsomunga,

6 Abram ingeralerpok Sichemib nunanganut, Moriblo nappartunginnut. Taipsomane Kanaanemiut nuname tamattomane nunakangmetta.

7 Nälekable Abram sakkervigiva, okautilälo: Kinguväksettitt nunamik tamattominga tunnitsivigijomärpakka. Tagvanelo Altaremik sennavok, Nälekamut sakkertiminut.

8 Mattoma kingorngane tagvanget aularivok kakkamut, iglugaseksuit Bethelib killianëtomut, tagvanelo tangmalerpok, Bethel kangilerivlugr

Ailo taunanerdlerivlugo. Nālekamullo Altare-mik sennavok, Nālekaḅ attingalo okautigiva.

9 Abram tagvanget ama aularivok, ingeralunelo sekkinerdlit erkānut.

10 Tagvanele kāngnartoksoakaluarmet Abram attersārpok Egiptenmut, taikane tujormiojomav-lune, kāngnartoksub angininga pivlugo nuname tamattomane,

11 Egiptenib erkā tikkinamiuk nulliane Sarai okautiva: Ahāk, kaujimagama kēnavit pinnarnar-ninganik.

12 Tagvale Egiptenmiut tækkogunitit okar-niarput: Tapsoma una nulliariva; uvamniglo tok-kotsiniarput, igvillo perkutiginiarpätit.

13 Nægliklara, najagijagit okautiginga, piv-lutit idluigijaukonnanga, innoseralo sapputijau-kovlugo pivlutit.

14 Abramele Egiptenmut tikkimet, Egipten-miut arnak kēnatsiariktok tamna tækkovæt.

15 Angajokaksuillo Faraomētut tækkogamit-suk, kaujijautipæt tapsemunga. Taimaitomik Faraub iglunganut äpæt.

16 Tamnā pivlugolo Faraub Abram ajungitul-liarvigikattarpa. Abramelo perkutekalaukpok saukennik, tuktuvangniglo, siutekoktojuillo angu-tinginnik arnanginniglo, Kamelinniglo, kivgaka-larmelo angutinnik arnenniglo.

17 Nālekable Tarao iglomiokattingillo kap-pianartoksöjunnut sugiarpeit, Sarai Abramib nul-lianga pitjutigællugo.

18 Taimaimet Faraub Abram kaikova ingminut okautilālo: Sög taimailiorvigilaukinga? Sög okautingilarma tamna nulliarigangne?

19 Sög tamna najagilugo okautigiviuk? Ta-

manna pitjutigællugo issumakalaurama una nulliarijomavlugo. Mannalo ahâk, nulliet tagga, piuk, aularkattigilugolo.

20 Farauble kivganne perkoveit, Abram nulliangalo, najortingillo tamaita kannilarlugit, apkotingeta illangane.

KAPITEL XIII.

Abramib avilerninganik Lotemit kattangutiarsungminit.

TAGVA Abram nulliangalo aularpuk Egiptenmit, perkutitiglo tamaita neksarlugit, Lotelotauk illa-gilugo sekkinerdlinut ingeravok.

2 Abramele akluidlalaupok nergjutinnik Silberemiglo Goldemiglo.

3 Sekkinerdlinut ingeralune Bethelib erkânut, nunagilauktaminut mattoma sivorngane, tikki-lerpok, Bethelib Aiblo akkorngængnut.

4 Nunamut taipsomunga sennavigilauktami-nut Altaremik. Tagvanelo NâleKab attinga okautigiva.

5 Lotele Abramib ingerarkattinga saugakut-tekarivok, nergjutinniglo tupperniglo.

6 Nunalo namalaungilak tapkoa nunakattig-ëngnigingnut; tamarmik perkutekaramik unnuk-tovaksoarnik, taimaitomik nunakattigëklutik sap-perpuk.

7 Mianersijullo nergjutekottinnik, Abramib kivgangit, Lotiblo kivgangit akkerartortigëkat-tarput. Kanaanemiullo Peresiterillo nunakat-tigiveit.

8 Taimaitomik Abramib Lote okautiva: Omæt,

akkerartortigēngniarannuk, kivegavullo akkerartortigēngniaratik kattangutigēkamnuk.

9 Nuna illunāt, nane nunakaromamangarpilonēt issumangnut attoreksaukovara illingnut! Omæt, nunakattigēgungnērlauluk. Saumingmut issumakaruvit, tallerpingmut pinnialarpunga; tallerpingmullonēt issumakaruvit, saumingmut pinnialarpunga.

10 Lotible Jordanib erkā illunāt tækkosarlugo ullernaigitsiarpa. Sodomib Gomorrablo nunangæk, Nālekamut asserortaukärtinnago, imiliksōlaukpok, Zoarib nunanga tikkilugo, Nāleka perorsēvingatut, Egiptenib nunangatun-
idlune.

11 Taimaitomik Lotib Jordanib erkā illunāt nunagijomavlugo anneriva, taunungalo ingeralune. Tava kattangutigēk nunakattigēgungnērlutik avipuk.

12 Abramible Kanaanib nunanga nunagiva, Lotiblo tapsoma iglugaseksoangita erkæt nunagilugo, Sodomemele tangmarlune.

13 Sodomemiulle uivētoksōlaukput, idluituliadlarpullo Nālekamut.

14 Mannale Lot Abramit avingmet, Nālegak Abramut okarpok: Uitalerit kemmergolugolo nuna illunāt, nunagijarnit avunga, aungalo, taunungalo, paungalo.

15 Nuna tamedsa tækkojet illunāt tunnijomagapko illingnut kinguvāksarnullo sokkoserniængitomik.

16 Kinguvāksettillo unnuksivalliatitsomavakka sanniktitut nuname. Sanninniglo nunamētunnik kittitsijungnartokarpet, tapsomatauk kinguvāksavit unnurningit kittitsungnariveit.

17 Taimaitomik oppallungerit nunalo inger-avigilugo, tukkimullo sennimullo, illingnut tun-nijomagapko.

18 Taimägle Abramib tuppine nūpa, nuna-kariartorlune tikkipok nappartolingmut Mamremut, Hebronemētomut, tagvanelo Altaremik sen-navok Nālekamut.

KAPITEL XIV.

Lotib piulijauninganik Abramemut. Abramiblo saimartauninganik Melchisedekemut.

NELLIUTOME taipsomane Amrafele attanniotillugo nuname Sineareme, Ariochelo attanniotillugo Ellassareme, Kedor Laomorlo attanniotillugo Elame, Tidealo nellojut attanneringsmatsuk,

2 Tapkoa unatadlarput Beramut Sodomuut attanningenut, Birsamullo Gomorramiut attanningenut, Sineabemullo Adamamiut attanningenut, Semebermullo Zeboimiut attanningenut, Belamullo Zoarmiut attanningenut.

3 Tapkoa Siddimib naksangane tikkikattigēkput. Immarbik tarriolik tagvanēpok manna.

4 Jarille 12 it nālugin tapkoa illunatik Kedor Laomor attannerilaukpæt, Jaremele 13 me attanniojungnērtilaukpæt nālegungnerlugo.

5 Taimaitomik Kedor Laomorib attannillo oma illsennarijingita illagēklutik Jareme 14 me taipkoa tikkipeit, unatadlarlutiglo, innukpaillo Astarot Karnaimētut, Sussimiullo Hamemētut, Emimiullo Kiriataimib nāternanganētut salagiveit.

6 Horiterillo Seirib kakkanginne, Faranib nā-

ternanga innukajuitub kannitanganētok tikki-lugo.

7 Mattoma kingorngane sanguvlutik Mispatib immektarvia Kades tikkipæt, Amalekiterillo illu-namassiatik, Amoriterillo Hazezon Tamarme nu-nakartut salagiveit.

8 Tagva Sodomium attanninget, Gomorramiullo attanninget, Adamamiullo attanninget, Ze-boimiullo attanninget, Belamiullo Zoarmiut tai-jauvaktut attanninget, tapkoa illagēklutik oppal-lungaijakattigēlerput unatadlaromavlutik Sid-dimib naksangane.

9 Kedor Laomormut Elamiut attanningenut, Tidealmullo nellojut attanningenut, Amrafelmullo Sinearmiut attanningenut, Ariochemullo Elassar-miut attanningenut; tagva attannit sittamæt un-atadlarput attannernut tellimænnut.

10 Siddimiblo naksangane sunatuinarne ma-chakadlalaupok. Sodomium Gomorramiullo at-tannigik tagvane sālajijauvuk nungutaukasæklu-tiglo; amiakungillo kemmālerput kakkennut.

11 Sālakartulle Sodomium Gomorramiullo perkutingit nerkiksangillo tamaita neksarlugit aularput.

12 Lotelo Abramib kattangutiārsua tapsoma perkutingillo neksarpeit aularlutiglo, Sodomium nunakattigingmagit.

13 Tagvale kemmājut illangeta Amoriterit il-langeta Eskolib Aneriblo kattangutikita tamanna okautigiva Abramemut tujormijamut Mamrib nap-partungita akkorngæne iglokartomut. Tap-koale Abram illænnarivæt.

14 Abramele tussarame kattangutiārsungme

aksarnigauninganik; kivganne 318 ojut iglunga-
nēlo perorlauptut sakkuksalitipeit illagilugillo ip-
koa unangmiveit Dane tikkilugo.

15 Kivgannelo maggoililugit unnuangolertil-
lugo illagilugit unatadlarvigiveit salagilaitalo,
kemmätipeillo Hoba tikkilugo iglugaseksuit Da-
maskusib saumieta tunganētut.

16 Perkutillo tamaita uttertypeit, taimaktauk
Lote kattangutiärsune perkutingillo uttertiniveit,
taimaktauk arnet, innuillo.

17 Mannale uttilermingmet unatadlarnernit
Kedor Laomoremūt, attannernullo tapsoma illa-
gijanginnut, Sodomemiut attanningeta pachrearpa
näternamētillugo Koenigub naksanganik taijame.

18 Melchisedegle attanniviojok Saleme kakkō-
jamik Weinemiglo kaitsivok. Tamnalo Gudemut
kotsingnerpāmētomut ajochertuijungortitaujok.

19 Tapsoma saimaupa okautilugolo: Abram,
Gudib kotsingnerpāmētub killangmik nunamiglo
perkutiggub saimarlitit!

20 Gudelo kotsingnerpāmētok nakorijaule,
tapsoma omigijittit tunnilaungmagit aggangnut!
Abramiblo tamna perkutime illunatik unnurning-
ita tellimaujoennik tunnitsivigiva.

21 Sodomemiulle attanningeta Abram okau-
tiva: innukottimnik pekkarlanga, perkutinnigle
pekkalermīt.

22 Abramible Sodomemiut attanninget okau-
tiva: Aggakka pitipakka Nalekamut Gudemut
kotsingnerpāmētomut, killangmik nunamiglo
perkutelingmut,

23 Tigusijomanginama sumiglonēt, ungerutik-
samiglonēt aglæt, okariakarkonnæk Abramib ak-
luititauninganik illingnut.

24 Angutille innuosuktut nerkiksennik nungut-silaungmetta, angutillo Aner, Eskol, Mamrelo il-lagilauktakka tapkoa kissimik piksamingnik il-langiutititaujariakarput.

KAPITEL XV.

Abramib okperninget idluarijauninganik. Tapsoma kingu-vangita illinganinnik.

TAMATTOMA kingorngane Nalegak tækkotitjutikut okausekarpok Abramemut, okarlune: Abram, si-voraniarnæk, sapputsauvigivarma akkillertauju-tigilungalo.

2 Abramele okarpok: Nalegak, Nalegak, su-mik tunnitsivigijomavinga? uvanga kittornga-karnanga innögama; pimaklertokotigale iglumne Elieser Damaskusemiok ernekarpok attautsemik.

3 Abramelo ama okarivok: Kinguväksakart-ingilarma; ahaglo, kivgama erninga kingormgu-tigilago!

4 Ahaglo, Nalekab okautiva: Tamna king-ormgujijuksaungilak illingnut, timingnille pijok kissiet kingormgujijuksarilugo.

5 Iglomillo annikova, okautilugolo: Killak ar-lorvigiuk, uvloritsello kittilugit pīt, kittitsung-narkigit? Imaglo okautiva: tapkotitunak kingu-vaksettīt-ītsomärput.

6 Abramib Nalegak okperiva, tamanna pivlugo dluariva.

7 Okautivalo: Uvanga Nalegauvunga aular-titigijet Uremīt Kaldæametomit, nuna tamedsa tunnijomagapko illingnut perkutaukovlugo.

8 Abramele okarpok: Nalegak, Nalegak, suna nellunaikuteksarivigo, tamedsa pigijomārapko.

9 Nalekablo okautiva: Tuktuvak Jarekartok pingasunnik, tuktungajorlo Jarekartok pingasunnik, saugarlo Jarekartok pingasunnik, Taubeār-suglo Taubiaraglo, tapkoa tagvungartikit.

10 Tapkoa tamaita tagvungartipeit, kop-pilugillo aviksarpeit, aviksimmajullo attunit ak-kilerēktilugit illiveit, tingmiarārsugle koppingilæk.

11 Tingmitset kelluit mivigiveit, Abramible aulartipeit.

12 Sekkinerle nippilernet Abram sinnisilerpok ittijomik; ahaglo, kvaksarnerub täksublo tikkivigivæk.

13 Tagvale Abramut okarpok: Mattominga kaujititsomavagit, kinguvaksettīt tækkorngartaujomārmetta nuname perkutigingitamingne, taikanelo kippalotitaujomārput kappiasuktitaujomār-lutiglo Jarit 400 dit nālugit.

14 Uvangale nunakattigēt taipkoa nalegeksari-jangit erkartoromārpakka; mattoma kingorngane aularomārput perkutekarlutik unnuktovaksoar-nik.

15 Igvillo ullapirsautekarlutit angajokānut pijomārpotit, Jaritillo unnudlarpetta, illuvertaujomārpotit.

16 Kinguvarēlle sittamait kingorlereklutik in-nosingit nuname nālerpetta, taipkoa ama tagvung-aromarivut, Amoriterit idluitulliarningit nungung-imetta sulle.

17 Tamannale sekkinnek nippilernet tädlalarmelo, ahāk, iserluk kieksautemit pivok, ikkumak-sublo aviksimmajut ikkitipeit.

18. Uvlorme tamattomane Nalekab Abram an-gervigiva okarlune: nuna tamedsa tunnijomavara kinguväksarnut, Egiptenib köksoanganit Fratib köksoanga tikkilugo.

19 Keniterit, Kinisiterillo, Kadmoniterillo,

20 Hetiterillo, Feresiterillo, innukpaillo,

21 Amoriterillo, Kanaanemiullo, Gergesiterillo, Jebusiterillo.

KAPITEL XVI.

Hagarib ernertarninganik Ismaelemik.

SARAI Abramib nullianga kittorngisuipok. Tam-nale kivgakarpok arnamik Egiptenmiomik Hagar attelingmik.

2 Saraiblo Abram okautiva: Ahäk, Nalekab kittorngisuitimanga singaijungnatsengitunga. Nägliklara, kivgara illingnut piuk, tapsomuna kittorngakartitaujomärpallukama. Abramib Saraib okausingit nälekpeit.

3 Tagva Saraib Abramib nullianget kivgane Hagar Abramemut uiminut tunniva, nulliarëkov-lugik; tapsomanele tikkitainarninginnit nunamut Kanaanemut Jarit tellimaujortut nälaukput.

4 Abramiblo Hagar nulliaringmago singailer-pok. Tapsomale singainine nellojungnëramiuk, angajokäne pingijainermut nachogiva.

5 Taimaitomik Sarai Abramemut okarpok: Pivlutit idluitomik tukkisijuksauvunga; kivgara arnak tunnilauktara illingnut, tapsomale singain-erminik kaujilerame nachogikölerpänga. Nalegak erkartuilerle akkunaptingne.

6 Abramele Saraimut okarpok: Ahäk kivgavit

nalegeksarivātīt, issumangnik pinniarvigilauruk. Saraible taimna pingijaitsungnērtitsomangmago, kemmekpa.

7 Nalekable Engelinget taimna innukangitome immektarviub senniane, immektarvingmele apkome Suremut illingajome naipipa.

8 Tapsoma okautiva: Hagar, Saraimut kivgaujotit! nakit pivīt, namungarniarpillo? Tamna kio-vok: angajokāmnit Saraimit kemmālaukpunga.

9 Nalekablo Engelinget okautiva: Uttilerit angajokānut, nikkanarsarillo tapsoma aggangin-nut.

10 Nalekablo Engelinget okautiva: Kingu-vaksettit unnuksivalliatitsomavakka, unnumut kit-tiksaungitojomārput aglæt.

11 Ama Nalekab Engelinget okautigiva: Ahāk singlarērpotit, ernermiglo ernijomārpotit, taim-nale Ismaëlemik atserareksarivet, Nalekab ajuler-nīt tussalaungmago.

12 Taimna innungoromārpok nujoartotun-īdlune, illunaita sorsuwigijomārpeit, illunatiglo sorsuwigijomārpæt, kattangutinnelo illunaita nu-nakakattigijomārpeit.

13 Hagariblo okautjime, Nalekab attinga taiva: Igvit Gude tækkovarma! Okarama: Tamāne illa tækkunārlauktiga tækkolaukpara.

14 Taimaitomik immektarvik tamna omanar-tub tækkunārtima immektarvinga taiva; immek-tarvigle tamna Kadesib Barediblo akkorngæng-nepok.

15 Hagarelo ernermik ernivok Abramemut, Abramiblo ernek tamna Hagarib erniarijanga Is-maëlemik atserarpa.

16 Abramelo Jarekarpok 36 nik taipsomane, Hagarib Ismaële erniaringmago.

KAPITEL XVII.

Kippimmanerub pigiarninganik. Isaakib okautauninganik.

ABRAMELE Jarekarmet 99 nik, Nalekab sakker-vigiva okautilälo: Uvanga Gudeovlunga ajugak-angitotövunga, sakkamne arvertarit idluartolutillo.

2 Angerkattigijomavagillo pivlunnuk unnuksivalliatitsomalarpillo.

3 Tagva Abram pamangavok opigomut. Gudiblo sulle okarvigiva, okautilälo:

4 Ahak uvangaujunga angerkattigivagillo pivlunnuk, igvillo nunakattigëksuit unnuktut atätajomärpätit.

5 Taimaitomik Abramemik attekারণnërko-vagit mannमित, Abrahamemigle attekarkovagit, uvanga pingortilaurapkit atätaukovlutit nunakattigëksoarnut unnuktunnut.

6 Uvangelo unnuksivalliatitsomavagit, illik-kullo nunakattigëksuit pingortitsomavakka, il-lingnillo attannersuit pijomärputtauk.

7 Angerneralo pivlunnuk kinguväksettillo pivlugit sokkosijuititsomavara, tapkoa kinguväk-sanginnelo angernek tamna naksauingitomut il-lingakovlugo, imägle: Gudigivarma kinguväksavillo Gudigijomärpänga.

8 Nunalo tujormiovigijet, tamedsa Kanaanib nunanga illunät, perkutautsainarkovlugo tunnijomavara illingnut kinguväksarnullo; Gudigijomärpängalo.

9 Gudelo Abrahamut okarpok: Tagvale angernerera, igvit kinguväksavillo kingunerne nalet-sainarlitsuk, taipkoa kinguväksangitalo akkornganëtsainarle.

10 Angernerale nalegeksarijasse pivlunga pivluselo, kingunernelo kinguvaksettit pivlugit imai-pok: Angutiärsuit tamaita akkunapsingne kippijeksauvut.

11 Illipsele uvinipse aminget nuvua kippijek-sarivasse. Tamedsa angernerub nellunaikutanga pivlunga pivluselo.

12 Angutiärsuit nelliet uvlokarpet sittamaujortunnik kippijeksarivasse kinguvaksapsingne tamaine. Taimaktauk kivgasse illunatik illipsingne innulertut, tækkorngartennillo sunatuinarnit pissiarijaujut, kinguväksapsingnit pingitut kippijaujariakarput.

13 Tagva uvinipsingne angernerera sakkertuksauvok, angernek naksaungitomut illingakovlugo.

14 Angutiärsuit nelliellonët kippijaungipet uvingingme aminget nuvuagut, innuk temna pëjartaujomärpok innukattiminit, angernerera tappagi-laungmago.

15 Gudelo Abrahamut ama okarivok: Nulliet Sarai mannarnit Saraimik taijaujungnërkovara illingnut, Saramigle attekarkovara.

16 Uvanga pitsartutitsomagapko, tapsomunalo ernermik tunnitsigijomavagit, tamna pitsartutitsomagapko, nunakattigëksuillo, nunakattigeksuit unnuktut attanningillo omanget pijomärput.

17 Tagva Abraham pamangavok, kungalerlunelo, illumigullo okarpok: Uvanga Jarekartunga 100 nik nutärärsungmik tunnitsiviojomärkik, Saralo Jarekardlune 90 nik ernekaromärpa?

18 Abrahalo Gudemut okarpok: Kannoktõk Ismael innõle sängne.

19 Tagva Gude okarpok: Ahaila, Sara nulliet ernermik ernijomärpok illingnut, taimna Isaangmik atserareksarivet, angernera naksaungitok tap-somunga sokkosijuititsomagapko, kinguvaksanginnullo pijomärtome.

20 Ismael pivlugolo tussalaurivagittauk: Ahak, pitsartutilaukpara, unnuksivalliatitsomavaralo unuktovaksõkovlugit kinguvaksangit. Attanner-nik 12 nik ernekaromärpok innugaseksoangortit-somavaralo.

21 Angerneralo sokkosijuititsomavara Isaangmut Sarab ernerijomärtanganut, achago nelliutome tamattomane.

22 Okarvigijungnërpa manna, Gudelo Abrahamit kungmuarpok.

23 Tagva Abraham ernine Ismaël kivgannelo innulertut najortamine, pissiarijannelo, angutillo iglominëtut tamaita tigulugit uviningita aminget nuvuatigut kippimaveit uvlorme taipsomane, Gudib okausingit malliklugit.

24 Abrahalo Jarekarpok 99 nik uviningme aminget nuvua kippimagamiuk.

25 Ismaëlele oma erninga Jarekarpok 13 nik uvininget aminget nuvua kippijaungmet.

26 Uvlorme attautseinarme illunatik kippimajauvut, Abrahalo, erningalo Ismaël.

27 Angutillo illunatik iglunganëtut, tagvane innulertut pissiarijaujullo tækkorngartennit illunatik, taipkotitunak kippimajaugivut.

KAPITEL XVIII.

Abraham angerviupsarninganik Isaangmik, tapsoma okuutsauninganiglo Sodomib asserortauniarninganik.

NALEKABLO sakkervigiva Mamreme napartolinge-me, iksivatillugo iglorme sillatäne uvlub kiækadlarningane.

2 Uitagamele, ahäk, angutit pingasut omunga kaijut tækkoveit. Tækkogamigille iglorme sillatänit akpangerdlune pachreartorpeit, okkungav-lunelo tapkoa sänginne.

3 Okarlunelo: Nalegak, ijikpit sängængne saimarteksauleruma, kivget kängerniarnago-tök!

4 Immermik kaitsijokarniarpok illipsingnut, ittikasselo ubvarlugit; napartublo oma attäne kikkalauritse-tök!

5 Kakkojamiglo kaitsijomavunga illipsingmut, nekoksijutiksapsingnik, nerrijarërupse kissiane ingerarnialauritse. Tamanna pivlugo kivgapsingnut tikkilaurapse. Tapkoa okarput: Taimailiorit sorlo okaravit.

6 Abraha mannakut iglominut itterpok, Saramullo okarlune: Tuavitit, sennaukamik öktutit pingasut tettætut immermut akkulugit, sennalugolo kakköjaliorit.

7 Tuktuvangnullo aisalerpok nochatsiamik aiklerlune, kivgaminullo tunniva, tapsomale tuavilune nerkiksangortipa.

8 Punnermiglo, immungmiglo, nochavinermiglo äkiksortaminik kaitsilune illijivok tapkoa sänginnut, napartublo attäne säpeit, taipkoalo nerrivut.

9 Taipkoale okautivæt: Nulliet Sara naneka? Kioveit: Iglomëpok.

10 (Illanget) okarpok tagva: Achago ama tik-kitsomärivunga illingnut, illa innögama, ahäk, nulliet Sara ernekaromärpok. Tamanna Sarab tunnuanëtub kammane iglub upkuanganëdlune tussarpa.

11 Tamarmiglo Abraham Saralo innutokaulerpuk, imagle: Sara arnet illusingittitut illingajungnërlaukpok.

12 Taimaitomik Sara ingminik ijevok okarlunelo: Ningiungogama manna, uigalo itöngmet uvinekattigëmut illingajuksauvik?

13 Tagva Nalegak Abrahamut okarpok: Sög Sarab tamanna ijutigivauk? okarlunelo: Issumavit ernijuksaujorëllunga sulle, nauk ningiungolertunga?

14 Nalekamulle sumiglonët ajornartokarpa? Achago nelliutome tamattomane tikkitsomärivunga illingnut, Saralo ernekaromärpok tava.

15 Sara missiarpok okarlunelo: Ijölaungilanga, sivorägame. Nalegarle okarpok: Taimaingilak, ijölaukpotille.

16 Angutit nikkovilerput tava, Sodomemullo ingeralutik; Abrahablo illagiveit kannilaromavlugit.

17 Nalegarle okarpok: Kannok angigutsijungnarkik Abrahamut, pinniaromärtamnik.

18 Tapsomanget nunakattigeksuit pitsartudlartut pijomärmetta, nunakattigeksuillo nunamëttut illunamassiatik tapsomane saimautsaujomärmetta.

19 Kaujimagama, tapsoma kittorngænne iglo-miokattinnelo kingunermine perkojomärmagit, Na-

lekab apkotingane arvertarkovlugit, idluartul-liarkovlugillo; Nalekab angernine Abrahamut namaksitikovlugo.

20 Nalegarlo okarpok: Sodomemiut Gomorramiullo pivlugit kachudlartokangmet angijomik ajortulliarningillo okumailuadlarmetta.

21 Taimaitomik akkaromavunga taipkonunga, tækkojomavlungalo, kachudlarnermut tussalauktamnik tamainik taimailiormangætta taimailiungimangættalonët kaujijomagapkit.

22 Angutiglo taipkoa tunnulerpuk, Sodome-mullo ailerlutik, Abrahale nokangalerpok Nalekab sāngane.

23 Abrahablo najutsiarlugo okautiva: idluartut idluitullo illagëktilugit asseroromävigit?

24 Iglugaseksoarne tamakkonane idluartokarajarpelle 50 nik, taipkoatauk asseroromavigit, iglugaseksuillo ivlerijomangilettit idluartut 50 git pivlugit, taimak unnuktigijunnik akkorngænnetokaralloarpet?

25 Taimailiorungnatsengilatit, tokkolugit idluartut idluitullo illagëktilugit, idluartut idluitutitut illingatidlugit. Taimailiorungnatsengilatit sillaksoarmiunnik erkartuijotögavit, taimak erkartorniængilatit.

26 Nalegak okarpok: Idluartut 50 git nachvalerupkit iglugaseksoarne Sodomeme, tava tapkoa pivlugit iglugaseksuit tamaita ivlerijomavakka.

27 Abraham kiovlune okautiva: Ahäk illerasunanga okalaralloarpungale Nalekamut, nauk ivsotuinaujunga argsaularmalo.

28 Idluartulle taipkoa akkorngænnëtut tellimænnik ikkinersaugalloarpettalonët 50 nit, tap-

koa tellimæt pivlugit iglugaseksuit illunät assero-
romavigit? Okautiva: Tapkonane 45 git nach-
valerupkit asseroromangilakka.

29 Amalo okautigiva: taipkoa akkorngænne
40 git nachvartaujungnængimangætta. Okar-
porle 40 git pivlugit taimailiorvigijomangilakka.

30 Abraham okarpok: Ningarniarnæktök Na-
legak ama okarmigama sulle: 30 git nachvartau-
jungnængimangætta taipkoa akkorngænne. Okar-
porle: Taipkonane 30 git nachvalerupkit taimai-
liorvigijomangilakka.

31 Okarporlo: Ahäk illerasunanga okaleral-
loarpungale Nalekamut. Taipkoa akkorngænne
20 git nachvartaujungnångimangætta. Kiovorle:
20 git pivlugit asseroromangilakka.

32 Okarporlo: Ningarniarnæktök Nalegak at-
tauseinarmik sulle okarniarama: Tellimaujortut
nachvartaujungnångimangætta taipkoa akkorng-
ænne. Okarporle: Tellimaujortut pivlugit as-
seroromangilakka.

33 Nalegarlo aularpok okautsinne Abraha-
mut sorëramigit; Abrahalo uttilerivok iglominut.

KAPITEL XIX.

Sodomib asserortauninganik. Lotib piulijauninganik.

ENGELIK magguk taipkoa Sodomemut tikkipuk
unnulertillugo, Lotele Sodomeme upkutsab silla-
täne iksivavok. Tækkogamigigle nikovipok pa-
chreartorlugik, okkungavlunelo tapkoa sägingne.

2 Okarlunelo: Ahäk, Nalegakka ittilauritik
kivgaptik iglunganut, sinniktarlauritiglo tagvane,
ittikettiglo ubvartaulaulit, taimaiglo uvlarorlutik

ingeraleritik apkotiptingne. Tapkoa okarpuk: Aukak, iglut akkorngænnenele kissiane unnuaksioromavoguk.

3 Katsungaitomigle kennuaringmagik kippi-lungilæk, iglunganullo itterpuk. Nerkiksamiglo äkiksoilune tapkungnunga, kakköjamiglo sernakangitomik sennavok; nerrivuglo tagvane.

4 Sinnigviginiartamingnut innangalerkärtin-nagik, Sodomemiut kailutik iglo illumavæt, in-nuosuktut innutokaujullo, innuit illunatik iglun-nit tamainit kailutik;

5 Lotelo kaikovæt okautivællø: angutik taipkoa unnuame tamattomane illingnut pijuk, nanekæk? Uvappingnut annitikik illitarijomagaptigik.

6 Lot annilerpok tapkonunga, upkuarlo tun-nungmut parngnanërlugo.

7 Okarlunelo: kattangutigët okokse, taimailiornerlungniarase.

8 Okokse, pannekarpunga maggungnik, tapkoa angumut illitarijaulaungilæk sulle, tapkoa annitilugik tunnijomavakka illipsingnut, issumapsing-niglo pinniarvigissigik; angutigle tapkoa aktor-niarnagik, tamanna pivlugo ittilauramik iglumnut.

9 Tapkoale okarput, Maungalerit! Ama okar-ivut: Tujormijatölutit attanniojomavit? At-tauk, piluartomik taipkungnanget kappiasuktit-somavaptigit. Angullo Lot pagvisarpæt angijomik. Tuavidlarmettalo upkuak pitsartunermut angmartitsomavlugo;

10 Angutik taipkoa sillatänut issaklutik, Lote amuarpæk ingmingnut iglomut, upkuarlo parngnanërpæk.

11 Angutillo illunatik iglub upkuanget sil-latanētut takpētitaumarilerput, illunatik mikkijut angijullo, merngortudlarpulle, upkuak nachvar-lugo ajuleramitsuk.

12 Angutiglo Lotemut okarpuk: Tagvane ningauksakaruvit ernerijarniglo pannigijarniglo, kimiglo illingnut illingajomik, iglugaseksoarne-tokarpet, taipkoa tagvanget aulartikit.

13 Iglugaseksuit tapkoa asserorniaraptigik, ta-manna pitjutigilugo kachudlartut nippingit angid-larmetta. Nalekab sāngane; tapsomale tillivätiguk asserortaukolugit.

14 Tagvale Lot annilerpok ningauksænge, panningme uiksagik okautilugik: parngnailutik aularitik iglugaseksoarnit tapkonanget; Nalekab iglugaseksuit tapkoa asserorniarthagit. Taip-koale mittekklutik ijeridlarpæk.

15 Kaulermelle Engelik Lot tuavikovæk okau-tilālo: Parngnaisalerit, nulliello pannikiglo mag-guk tamanētuk neksarkik, igvittauk pijaukonnæk iglugaseksoarmiut idluitulliarninginnut.

16 Nokangalermelle angutik tapkoa Lot, nul-liangalo pannigiglo aggangittigut tiguveit, tes-siorlugillo aulartipeit; iglugaseksuille avatānetil-lugit kemmekpeit. Nalekab Lot nungutaukojo-mangimago.

17 Aulartimakkolo Nalegak okarpok: Innötsit piuliuk, keviarnæglo, nokanganiarnæktauk ta-mattoma erkæt illunāne. Kemmālerit kakkamut, nungutaukonnæk.

18 Lotible okautiva: Taimainiarnanga-tōk Na-legak;

19 Ahak kivget nāpkigijauviksarsingmet ijik-pit sāngængne, nāpkiningnūt sakkertitet uvam-

nut, innösera piuligangne, angijororletök; kak-kame piulijauviksarsijungnangilanga kannoëtomut tikkitauguma tokkonajarpunga.

20 Ahägle tagga iglugaseit kannitomëtut, kemmälunga aivigijeksarijakka, ikkitotuello, tagvane piulijauviksarsijomavunga, ikkitogalloet, tarniga innökovlugo.

21 Okautiva tagva: Ahak, mattomingatauk kippilungilagit, pivlutit iglugaseit okautigijettit mumigomangilakka.

22 Tuavitit piulijauviksarsilerillo tagvane, pin-niarungnanginama sumik tikkikärtinnæk taipkonunga. Taimaitomik iglugaseit tapkoa Zoaremik taijauvut.

23 Lotelo Zoaremut tikkisimmangmet sek-kinek nuisimmalerpok.

24 Tagva Nalegak sillalukojivok orksorumik ikkomamiglo Sodomemut Gomorramullo killangmit, Nalekamit tamedsa pivok.

25 Iglugaseksuillo tapkoa erkälo illunät mumikpeit, innuillo iglugaseksoarnëtut tamaita, perorsijello nunamëtut nungulugit.

26 (Lotib) nulliangale keviarame tarriomut ab-latsaulerpok nappajotun-ilerdlune.

27 Abrahale uvlarärsotillugo makkipok, sāngavigilauktaminut Nalekamut ailune.

28 Sodomib Gomorrablo nunangæk tækku-sarpa, nunablo tamattoma erkä tækkolugo, ahäglo, tagga iserluksoak nunamit kangattarpok, iserluktut kieksautemit pijotut.

29 Gudible iglugaseksuit nunab tamattoma erkäne assessoramigit Abraha erkaumava, Lotelo iglugaseksoarnit mumiktaminit aulartipa, Lot taipkonane nunakalaungmet.

30 Lotelo Zoaremit aularpok, kakkarlo nunagilerpa panningne illagilugik.

31 Angajugliojorlo nukaminut okarpok: Atätavuk innutokaulerpok, angutekarungnërporlo nuname uiksaptingnik, sorlo pivangmet sillaksoarmiunne tamaine.

32 Atte atätavuk Weinemik immertilaulavuk tuttiklugolo, kinguväksamik pekarkovlunnuk atätaptingnit.

33 Taimaitomik atätatik Weinemik immertipæk unnuame tamattomane. Angajugliublo atätane aivigiva tuttigëlugolo; tapsomalo tuttiktime makkingalonët missigingilæk.

34 Uvlängolermet angajuglek nukaminut okarpok: Ahäk ikpeksak atätaga tuttilaukpara, unnuame tamattomanetauk Weinemik immertilaulavuk, igvit aivigikovlugo tuttiklugolo kinguväksamik pekarkovlunnuk atätaptingnit.

35 Taimaitomik unnuame tamattomanetauk atätatik Weinemik immertipæk, nukardliublo tuttigiarioriva, tapsomalo tuttiktime makkingalo missigingilæk.

36 Tagva Lotib pannigik tamarmik singaititaulerpuk atätamingnut.

37 Angajuglerlo ernermik ernivok, tamna atserarpa Moabemik. Tamna atätauvok Moabiterinnut uvlok tamanna tikkilugo.

38 Nukardlerlo ernermiktauk ernivok, tamna atserarpa Ammimik. Tamna Ammonib kit-torngangita illunatik atätagivæt uvlok tamanna tikkilugo.

KAPITEL XX.

Abrahamib nunakarninganik illinganinganiglo Gerareme.

ABRAHALE tagvanget aularpok, sekkinerdlit nungenut ingeralune, Kadesiblo Suriblo akkorngængne tangmalerpok, tækkorngartaulerporlo Gerareme.

2 Nullianelo Sara okautigiva: Tamna najagivara. Tagva Abimelechib attanniub Gerareme tilliklerlune, tamna aijaukova.

3 Gudible unnuangölermet Abimeleche sinnektomatillugo sakkervigiva, okautilålo: Ahåk tokkojuksauvotit arnak tamna aijaukojet pivlugo; angutib nulliarimgmago.

4 Abimelechible aktorlaungila, okarporlo: Nalegak, innuit idluartut tokkotsomavigit?

5 Nangminek okalaungilak uvamnút: Tamna najagivara? Tamnalotauk okarpok: Tamna anigivara? Taimak pinniarlaukpunga omættimut issumalingassuærtomut, aggangnullo passijeksaungitunnut.

6 Gudiblo sinnektomanikut okautiva: Kaujimavungatauk omamut issumalingassuærtomut taimak pinniaravit. Taimaitomik sapputilaukpagit ajortulliarkonnæk uvamnút, innertilaukpagillo aktuërkonnæk tapsominga.

7 Mannale angutib nulliane pigiliuk, tamna nellautaijõngmet, tapsomalo tuksiarutigilitit innõtsit kellujaukovlugo, pititsomangikungnele omunga, kaujilerit tava, igvit tokkojuksaugavit illatillo illunatik.

8 Abimelechib uvlarärsotillugo makkiname, kivganne tamaita kaikoveit ingminut, tamakkoalo tamaita okautigiveit tapkoa siutinginnut, angutillo taipkoa sivöralerput angijomik.

9 Abimelechible Abrahatauk kaikova okautilälo: Sög taimailiorvigivittigut? Sukut iagullo idluitulliarlaukik illingnut, taimaitoälungmik ajortoksoarmik uvamnut innukottimnullo pititsijomagavit? Pinniareksaringitarnik pinniarvigilaukparma.

10 Abimelechiblo Abraha ama okautigiva: Suna pitjutigiviuk taimailioravit?

11 Abraha okarpok: Issumakalaurama, nuname tamattomane Gudemik nalektokarmangæt nellonadlarmet; nulliara pivlugo tokkotaunajarpallukkama.

12 Sæglonangatauk okarpunga tamna najagigapko, atätama pannigingmago, anānamale pannigingila, uvangalo nulliarivara.

13 Gudible aulartimanga atätama iglunganit, okautivara: Illanakarnermut uvamnik okautigilaungminga, annigigamga, namullonēt tikkikum-nuk.

- 14 Tagva Abimelechib sauket tuktuvaillo kivgello angutit arnello kaikolugit tunniveit Abrahamut, Saramiglo nullianganik sattorsitipa.

15 Okarlunelo: Ahäk nunaga issumangnut ilingavok, nunakalerit nanelonēt namagijarnik.

16 Saramullo okarpok: Ahäk annit kënaujen-nik tausendinnik tunnitsivigilaukpara; ahak tamakkonunga täluteksakarpotit ijingnut, illunaita illingnētut illunanēmiullo pitjutigællugit; tai-maglo issumagijaunerpok.

17 Abrahable Gude tuksiarvingingmago, tagva Gudib Abimeleche nulliangalo kivgangillo innuliveit kittorngakartilugillo.

18 Nalekab arnet Abimelechib iglunganētut tamaita kittorngisuitilaungmagit Sara Abraham nullianga pivlugo.

KAPITEL XXI.

Isaakib innulerninganik. Ismaelib aulartitauninganiglo. Abrahamib angerninganiglo Abimelechmut.

NALEKABLO Sara issumagiva okautsine malliklugit, pinniarpalo, sorlo okausekalaurame tapso-munga.

2 Saralo singailerpok, ernermiglo ernivok Abrahamut innutokauningane, nelliutome taipso-mane, sorlo Gudib okautigilaungmago.

3 Abrahablo ernine Sarab erniarijanga tap-somunga, atserarpa Isaangmik.

4 Uvlullo sittamaujoane kippiva, perkojaunine Gudemut malliklugo.

5 Abraha Jarekarpok 100 nik erninga Isaak innulermet.

6 Saralo okarpok: Gudib ijorosoalagitipānga; mattomingalo tussartut illunatik ijorosutiginiari-vānga;

7 Ama okarivok: Kia Abraha okautigijungnar-kauk, Sara amāmatitsijungnarmet nutakkamik, tamnalo ernermik ernilaungmet Abraham innutokauningane?

8 Sorrusiarsuglo aglissilerpok, amāmagung-nailarmelo. Abrahalo Isaakib amāmagungnaiti-

tauninget uvlungane nerrimareksaksoarnik äkiksoivok.

9 Sarablo Hagarib Egiptenmiub erninga, erniarilauktanga Abrahamut, tapsoma mittautekarninga tækkova;

10 Abrahamullo okarpok: Kivgak tamna, erningalo aulartikik uvaptingnit; kivgab tapsoma erninget ernera Isaak kingormgujukattigijek-saringimago.

11 Okautsille tamakkoa Abraham namagingileit angijomik, ernine pivlugo.

12 Gudible okautiva: annusingorniarnæk ernit kivgello pivlugik. Sarab okausinginnik illingnut nalegit; kinguväksarnik taijak Isaangmit pijomärmet.

13 Kivgab erningatauk innugaseksoangortitso-magivara igvit kittorngarigangne.

14 Tagva Abraha uvlarörlune kakköjamik pib-laujamiglo immalingmik tigusivok, illijilunelo Hagarib tuinganut, nukapiarlo taimaililugo aulartiläniglo. Ingeralerlune tava Bersabamut innukajuitomut pivok.

15 Publaujane immekarungnaimet nukapiak napartub attänut innangatipa.

16 Aiunelo karkjub tupvingatut kanningitigijomik, oma nellänut ingilerpok, okarame: Nukapiab tokkolerninga tækkolugo sapperpunga. Oma nellänut ingilerpok nipliadlarlunelo keasivok.

17 Tagva Gudib nukapiab nippinga tussarpa. Gudiblo Engelinget killangmit Hagar nipliarvigiva, okautilälo: Hagar suvit? Sivöraniarnæk! Gudib nukapiab innangajub nippinga tussalaungmago.

18 Nikovilerit nukapiarlo illingnut pititsuk, aggangnullo tessioruk, tamna innugaseksoangor-titsomagapko.

19 Gudiblo ijigik uitimagik immektarviksamik tækkovok. Tapsomunga ailerpok, immermiglo kallusivlune publaujaminut, nukapiarlo immer-tipa.

20 Gudiblo nukapiak illagiva, tamna perorlune innukajuitok nunagiva, pittiktarnermik illissim-matsialerpok.

21 Innukajuatorlo Faran nunagiva, anānangalo nullieksamik tapsomunga aiklerpok Egiptenib nunanganit.

22 Nelliutome taipsomane Abimelechib sor-suktukset angajokanget Fikol aiparællugo, Abraha okautijartorlugo okarvigiva: Gude aiparivet pin-niarnerne tamaine.

23 Taimaitomik manna Gudib sāngane anger-viginga, idluilioromatsenginavit uvamnullonēt kit-torngamnullonēt, kattangutiārsumnullonēt, nāp-kigitsainarlutale, sorlo uvanga pinnialaurapkit, pinniarkovlutittauk uvamnut, nunamullo, tagvane tækkorngartaugavit.

24 Tagva Abraha okarpok: Angeromavunga.

25 Abrahablo Abimelech suangava, immektar-vik pivlugo, tamedsa Abimelechib kivgangita pit-sartunermut aksarlaungmatsuk.

26 Abimelechible kiova: Kina taimailiortok nellovara; igvittauk tamattominga kaujitalaungi-larmalonēt; sivorngagut tamanna tutsalaungi-tara, uvlome kissiane.

27 Tagva Abraha saukennik tuktuvangniglo tigusivok tunnilaitalo Abimelechেমut, tamarmiglo angerkattigēkpuk tava.

28 Abrahablo saugarsuit 7-it ingmigoliveit.

29 Tagva Abimelech okarpok Abrahamut: Suna pitjutigiviuk, saugarsuit 7-it tapkoa ingmigoligangne?

30 Kiovale: Saugarsuit 7-it aggamnit tigujek-sarivettit, tapkoa nellunaikuteksaukovlugit uvamnut, immehtarvik tamedsa poagrejarlaurapko.

31 Taimaitomik nuna tamedsa Bersabamik taijauvok, tamarmik angervivigingmakko ingmingnut.

32 Taimaglo angerkattigēmarikpuk Bersabame. Tamattomanele Abimelech Ficholelo sorsuktukset angajokānget aularpuk ingerarmilutiglo ama Filisterit nunangenut.

33 Abrahale napartunnik nappartitsivok Bersabame, tagvanelo Nalekab Gudib issokangitub attinga okautigiva.

34 Akkunillo tækkorngartaulaupok Filisterit nunangene.

KAPITEL XXII.

Isaakib tunnergulauninganik. Kristusib unertutigijauninganik.

MATTOMA kingorngagut Gudib Abraha öktorpa, okarvigilugolo: Abraham! Kiovalo: Manēpunga.

2 Okautivalo: Isaak ernetuet nægligijello neksarlugo ailerit Morijab nunanganut; taikanelo tunnergutautileruk ikkoalajeksaukovlugo, kakket illangeta kängane okautigijomärtamne illingnut.

3 Tagva Abraha uvlarörlune siutekoktojokottine iksivaviktarpa, kivgæglo magguk, erninelo Isaak illaukoveit, kejungmiglo ikkoalatiksamik koppisivok, aulalerlune ingeravok taikunga Gudib okautigijanganut tapsomunga.

4 Uvluk pingajuængne Abraham arlorlune tik-
kiniartane kanningitomētok tækkova.

5 Kivgængnelo okautivak: Manēleritik siute-
koktojob mianerilugo, uvanga nukapiarlo tak-
paunga aijomavoguk, tuksiarkattigēlaukardlun-
nuk tikkitsomārivoguk illiptingnut.

6 Abrahamlo kejuksset tunnergutemut ikkoala-
jeksamut tiguveit, nangmartaukoveillo ernermi-
nut Isaangmut, nangminerle ikkomamik saving-
miglo aggangminut neksarpok, taimaidlutik pis-
sukattigēlerpuk.

7 Tagvale Isaak atātaminut Abrahamut okar-
pok: Atātak! Abraham kiova: Ernik manēpunga.
Ama okarivok: Ahāk ikkoma kejuillo manēput,
saugarle tunnergutiksak ikkoalajeksak naneka?

8 Abraham kiova: Ernik, Gudib issumaminik
saugak unertotigijomārpa tunnergutiksaukovlugo
ikkoalajeksamut; tamarmiglo pissukattigēkpuk.

9 Takpaungalo Gudib okautigijanganut tap-
somunga tikkinamik, Abraham Altare sennava
tagvane, kējuillo illiveit mattoma kānganut, er-
ninelo Isaak kelleksorlugo Altarib kānganut ke-
juillo kangenut illiva.

10 Aggannelo issakpeit, saviglo tiguva ernine
tokkotsomavlugo.

11 Tagva Nalekab Engelinget killangmit ni-
pliarvigiva okarlunelo: Abraham! Abraham! Ki-
ovale: Manēpunga!

12 Okautiva: Nukapiak aggangnut aktorniar-
nago pīt āniatinagolo. Mannale kaujimmagama
naletsiarnernik Gudemik, ernetuello ivleringi-
nangne pivlunga.

13 Abraham tava keviarame tuktungajok ang-
usallok naksuminut nāsimmajok orpit akkorn-

ænne tækkova, aivigilugolo, angusallok tiguva, tunnergutautipalo ikkoalajeksamut ernine simerlugo.

14 Abrahablo nuna tamedsa atserarpa: Nalegak tautukpok. Tamaña pivlugo sulle uvlome okartokarpok: Kakkame Nalekab tækkoviane.

15 Nalekab Engelinget aipanganik Abraha nipliарvigiva killangmit.

16 Okarlunelo: Nalegak okarpok: Attera tailugo angerlaukpunga, taimailiolauravit ernetuello ivleringinangne,

17 Kinguvaksettit saimautitsomavakka, unnuksivalliatitsomalugillo uvloritsettut killangmētutitut, siorkettitullo immarpiksub kiglingane; kinguvaksavillo omigijimik upkuaksoangit perkutigijomärpeit.

18 Kinguvaksarnullo innukattigëksuit illunamassiatik nuname saimartaujomärput, igvit nippiga nälelaurangne.

19 Taimagle Abraha ama uttilerivok kivgængminut, aularkattigëklutiglo ingeralerput Bersabamut, nunakarlutiglo tagvane.

20 Taimailiorniub kingorngane Abraha okautsaulerpok: Ahak, Milkatauk nukangnut Nahoremut ernernik erninerivok.

21 Tamedsa attingit, Uz erniangokärtok, Buselo tuglia, Kemuello, Sirienmiut atätagijanget.

22 Kesedelo, Hasolo, Pildaselo, Jedlafelo, Betuello.

23 Betuelible Rebekka kittorngiariva; sittamaujortut tapkoa Milkab erniariveit Nahoremut Abraham nukanganut.

24 Pannervgangalo Rehumamik attelik, kittorngakarpoktauk Tebamik, Gahamik Taasemik akamiglo.

KAPITEL XXIII.

Sarab innojungnärningarik, illuvertauninganiglo.

SARA Jarekalaukpok 127 nik, taimak unnuktigijunnik Jarinnik Sara innölaupok.

2 Saralo tokkolerpok iglugaseksuit anginerpānginne Hebron attelingne, Kanaanib nunangane. Tagva Abraham kiksarutigijartorpa, keajutigilālo.

3 Mattoma kingorngane tokkungajokotime inninganit makkilerpok, okarijartorlunelo Hetib kittornganginnut, okarlune:

4 Tækkorngartauvlunga akkunapsingne nuna-kakattigigapsingalo, illuerviksamik illipsingnetomik uvamnut kittorngamnullo tunnitsivigisinga; tokkungajokotiga samne innangajok illijartorungnarkovlugo.

5 Tagva Hetib kittorngangita Abraha kiovæt, okautilālo:

6 Tussarittigut Attannek; Attanniolutit pitsartunekartotit akkunaptingne, taimaitomik tokkungajokotit illijartorlauruk illuerviptingnut idluarnerpāngojunnut nelliettalonēt akkunaptingnetub innerniængilatit illuviksanganut tokkungajokotit illijartoromagungnelonēt.

7 Tagva Abraham nikkovilerpok, okkungav-lunelo innuit tagvanētut, Hetible kittorngangita sānginne.

8 Okarkattigilugillo okarpok: Perkogupsinga tokkungajokotiga, samne innangajok, illijartolerupko; tagva tussalaurissinga, Efronelo Zoarib erninga kinnuvigijartorsiuk pivlunga.

9 Tamna kairosukotiminik perorsëvingme kiglinganetomik maggolimmajomik Makpelametomik kaitserkovlugo uvamnut. Tapsoma kënaujennut akkillertaulune uvamnut, akkainga namagilugo perkutautilinga mattominga, illuerviksarijomag-apko akkunapsingne.

10 Efroniblo Hetib kittorngangit illagiveit. Efronib Hetiterib Abraha kiova, Hetib kittorngangit tussartillugit, illunatik iglugaseksuit upkoaksoangagut ittertut annijullo sänginne, okarlunelo:

11 Aukagle, Attannek, tussarlaungmingale. Uvanga perorsëvingmik kairosungmiglotauk mat-tomanëtomik pillipagit, unertuarivakka illingnut, innukattima kittorngangita sänginne tokungajokotit illuvertaukovlugo.

12 Tagva Abraha okkungavok nunakattigët tapkoa sänginne,

13 Efronemullo okarpok, nunakattigët tapkoa tussartillugit, okarlunelo: Mattominga tunnitsivigijomagumga kennuarivagit, perorsëvik akkilerlugo kënaujet tunnilärtakka illingnut pilaukit, tava tokkungajokotiga illijartoromavara tagvunga.

14 Efronib Abraha kiova okarvigilugolo:

15 Attannera, tussarlaungmingatök. Perorsëvik tamedsa akkekarpok Silberimik kënaujen-nik (Sekelinnik) 400 nik; tamedsa pijariakortog-ingitavuk. Tokkungajokotit illijartolauruk tagvunga.

16 Abrahah Efrone nalekpa, kënaujenniglo tunnitsivigiva, sorlo okalaungmet Hetib kittorngangit tussartillugit, imägle: Silberemik Sekelinnik 400 nik, sorlo taipkonane akkiksakajong-tta.

17 Tava Efronib perorsëvinga Makpela^mëtök kairosuk maggolimmajok Mamrib nelläne perku-tautitauvok Abrahamemut, kairosuk pingmilugo, napartullo perorsëvingmëtut illaliudlugit.

18 Hetib kittorngangit iglugaseksuillo up-kuaksoangagut annijut ittertullo tækkunärtillugit.

19 Mattoma kingorngane Abraham Sara nul-liarilauktane illijartorpa perorsëviub kairosunga-nut maggolimmajomut Makpela^mëtomut Mamrib nellanëtomut, tamedsa Hebron taijak Kanaanib nunangane.

20 Perorsëviglo kairosuglo tamattomanëtök, Hetib kittornganginnit pititaumarikpuk, Abrah-amut illuverviksakotinganut

KAPITEL XXIV.

Isaakib nullianingninganik Rebekkamik.

ABRAHAM innutokaulerlune Jaringit unnuktoksö-lerput, Nalekablo pitsartutilaukpa illinganingine tamaine.

2 Abrahamlo kivgame innutokaunerpänget ig-lomine, pimaklertokotine perkutiminut tamainut, okautiva: Aggangnut sibviara tapsilauruk,

3 Nalekablo killangmut nunamullo Gudiojub sângane angerviginga; nullieksarsikonnæk ernimnut Kanaanib panninginnit nunakattigijamnit.

4 Innuleryivininulle illamnullo ingeralerit, taikanget nullieksamik ernimnut Isaangmut aik-lerit.

5 Kivgab okautiva: Arnable malligomangip-panga nunamut mattomunga, kannok tagva? Ernit neksareksarivigo uttertilugo nunamut au-larvigilauktarnut ipsomunga?

6 Abrahah okautiva: Taimailiorniarnæk illa, ernera uttertiteksaritsengilet taikunga.

7 Nalekab, killaub Gudinget atåtama iglunganit, innulervivinimnillo aulartinaminga, tapsoma okarvigigaminga, angervigilungatauk, okarlune: Nuna tamedsa tunnijomavara kinguvaksarnut, tapsoma Engeline sivunikkut tillilarpa, taikane nullieksarsijungnarkovlutit ernimnut.

8 Arnable malligomangippattit, pitlartautiksarsingilatit angernit pivlugo. Kissianele ernera uttertiteksaringilet taikunga.

9 Kivgab tava agganne illiveit Abrahah angajokäme sibvianganut, angervigilugolo tamattominga.

10 Kivgablo Kamelit tellimaujortut angajokäme Kamelekottinginnit tiguveit ingeralunelo, sunatuinaillo angajokäme perkutinginnit neksarlugit aularpok ingeralunelo Mesopotamiamut Nahorib iglugaseksoanginnut.

11 Iglugaseksuit kannitangenut tikkisimmagame, Kamelit kikkarkoveit immektarviub senniane, unnulertillugo, nelliutome tamattomane arnet tikkipangmetta, immektarlutik tagvanget;

12 Okarlunelo: Nalegak, Gudiojotit angajokamnūt Abrahamut, nellipsarlaungminga uvlome, näpkigosungnillo sakkijartilauruk angajokamnūt Abrahamut.

13 Ahäk mane immektarviub senniare nængerpunga, iglugaseksuillo innungita pannigit anilärput immermik kallujartorlutik.

14 Uigasuillo illangenik kaijokalerpet, tapsumunga okaleruma: Immektautit mannileruk immertilaungmingalo, tamnalo okarpet: Immilaurit, Kamelekottitittauk immertitsomagivakka; tam-

na annerigangne, nullieksaukovlugo kivgarnut Isaangmut, kaujititaukovlungalo tamattomunga, nāpkigosungnernik angajokāmnut.

15 Okālajarērkārtinnago sulle, ahak, Rebekka Milkab erninget Betuelib panninga kailerpok tava, immehtautine tuimiklugo; Milkale Nahorib Abrahāb nukanget nulliarilaukpa.

16 Innuosuktorlo tamna kēnatsiarikpok, uiga-sōvlune sulle, angumullo illitarijaulaungilak. Tamna attersarpok immehtarvingmut, immehtautine ullipkinamiuk majoralerivok.

17 Kivgab tava tuavilune nellipsarpa, okarlunelo: Immehtautingnit immiluārsungmik immilangatok.

18 Tapsomalo okautiva: Immilaurit, Attanera; immehtautinelo mannakut aggangminut tiguva, immertilālo.

19 Immertijarēramiugle okautiva: Kallujomavungatauk Kamelekottitit pivlugit, illunaita immerugungnērkovlugit.

20 Tuavilunelo immehtautiminit immermik kovisivok immehtatarvinginnut, amalok akpangermilune kallusivok, kallusikattarlunelo Kamelekottinginnut tamainut.

21 Angutible tattamminiāriva nippekaranelo kaujiti laujomamut, ingeranine idluarijaungmangæt, idluarijaungimangællonēt Nalekamut.

22 Kamelit illunatik immerērmettale, angutib pinnarnarsaut Golde, Sekelib koppangatut okumaitigijok, tajæglo magguk Sekkelit Goldit tellimaujortutitut okumaitigijuk tigulugit, tunniveit tapsoma agganginnut.

23 Okarlunelo: Kia pannigivātīt? Tamattomunga kaujiti laungminga. Atātavit iglungane sinniktarvekarungnaralloarkita?

24 Tapsoma okautiva: Milkab Nahoriblo er-nikita Betuelib pannigivānga.

25 Ama okautigivalo: Ivikkarpok nerkiksakalarmelo unnuktunnik uvaptingne, sinniktarviksakarporlo namaktomik.

26 Angutib tava okkungalerlune Nalegak opigidlarpa.

27 Okarlunelo: Nalegak, angajokama Abrahamib Gudinga nakorijaule, tapsoma nāpkinining-nine miksekarninelo allarlaungimagik angajokāme; Nalekab nangminek tessiorlaungmanga apkome angajokāma nukanget iglunganut.

28 Uigasugle akpangerlune angeralerpok, tamakkoalo tamaita okautigilugit anāname iglungane.

29 Rebekkalō annekarpok Laban attelingmik; Labaniblo akpangerlune angut tamna immektarvingmētok nellipsarpa.

30 Tapsoma pinnarnarsaut tajæglo najarme agganginne tækkogamigit, Rebekkalō najarme okausingit tussaramigit, unipkarmet: Taimak angutib okautilaukpānga; tagva angut tamna nellipsarpa, ahāglo, Kamelit señiēenne nængerpok immektarvingmēdlune.

31 Okautivalo: Kaisālaurit itterlutillo saimartaujotit Nalekamut, sōg sillame kikkarkit? Iglo idluarsitilaukpara, inniksarsiorlaukpungalo Kamelekottingnut.

32 Tagva angut tamna iglomut ittertipa, Kamelillo annungit perpeit, ivingnik nerkiksenniglo tunnitsivigiveit, immermiglo kaitsilune, tapsoma ingerarkattingitalo angutit ittigangit ubvartaukovlugit.

33 Nerkiksamiglo kaitsivok tapsomunga. Tam-

nale okarpok: Nerrijomangilanga, perkojaunimnik okarkärnanga. Okarporle: Atte okalerit.

34 Okarpok: Abrahah kivgarivānga.

35 Nalekablo angajokāga saimauserlaukpa angijomik, pikkariksitiłalo, saukenniglo, tuktuvangniglo, Silberemiglo, Goldemiglo, kivgenniglo angutinnik, kivgenniglo arnennik, Kamelinniglo, siutekōktojuniglo tunnitsivigilaukpa.

36 Taimaktauk Sara angajokama nullianga ernermik ernilaukpok angajokāmnut innuto-kauningane; taimnale perkutiminik tamainik tunnitsivigilaukpa.

37 Angajokāmalo angerkolaukpānga ingminut, okarvigilungalo: Nullieksarsikongilagit ernimnut Kanaanib panninginnit nunakakattigijamnit;

38 Atātamale iglunganut illamnullo ingeralerit, taikanget nullieksamik erminnut aiklerit.

39 Okaramale angajokāmnut: Arnable mal-
ligomangippanga, kannok tagva?

40 Tagva okautivānga: Nalekab tessiortima arvertarnimne, Engeline sivunikkut tillilārpa, ingerarnillo idluarsitiłārpa, taikane nullieksarsijungnarkovlutit ernimnut illamnit atātamalo iglunganit.

41 Illamnullo tikkikuvit pitlartautiksarsingilatit angernit pivlugo, taimna angerutinago kip-pilukpattit, pitlartautiksarsingilatit angernit pivlugo.

42 Tagva uvlome immehtarvingmut tikkinama, okarpungalo: Nalegak Gudiojotit angajokamnut Abrahamut, tamaunga ingeragama, ingeranera idluarijautitsomagungne,

43 Akāk, tamāne immehtarviub senniane nængerpunga. Uigasuillo illangenik kaijokarpet

kallujartortomik, tapsomungalo okaleruma: Immiluärsungmik immertilaunga immektautingnit;

44 Taimnalo okarpet: immilaurit, Kamelekottitittauk immertitsomagivakka; arnak taimna annerijaungmet Nalekamut, nullieksaukovlugo angajokama erninganut;

45 Okautsinnik taimaitunnik okälajarërkärtinanga sulle omættipkut, ahäk, Rebekka kaivok tava, immektautine tuimiklugo, attersalerporlo immektarvingmut kallusilunelo. Tagva okautivara: immertilaunga.

46 Tapsomalo immektautine tagvainak tiguva tuiminit, okarlunelo: Immilaurit, Kamelekottitittauk immertitsomagivakka. Tagva immilaukpunga, tapsomala Kamelittauk immertiniveit.

47 Apperigapko okarlunga: Kia pannigivätit? Kiovänga: Nahorib Milkablo ernikita Betuelib pannigivänga. Tagva pinnarnarsaumik kaunganut tajængniglo agganginnut pititsivunga.

48 Okkungavlungalo Nalegak opigivara, Nalegarlo nakorilugo angajokama Abrahamib Gudinga, tapsoma apkome idluartome tessiorlaungmanga, angajokama nukkanget panninganik aiklerkovlunga taipsoma erninganut.

49 Illipsele illanakarnermik nertornarnermiglo sakkertitsijomagupse angajokämnut, kaujitisinga; taimaingipelle kaujitylaungatauk pititse, pinniareksama illinganinganik nellojungnërkovlunga.

50 Labanib Betueliblo kiovæk, okarlutiglo: Tamedsa Nalekamit pivok, taimaitomik sumik okarungnangitoguk illingnut ajortomiglonët ajungitomiglonët.

51 Rebekka tagga sängnëpok, neksaruk, inge-

rarkattigilugolo, angajokavit erninganut nulliek-saukovlugo, Nalekab okausingit malliklugit.

52 Okautsit tapkoa Abrahamib kivganget tus-saramigit, okkungalerpok Nalekab sängane.

53 Pivianartoksuillo Goldit Silberillo annor-ällo tigulugit tunniveit Rebekkamut, anningale anänangalo tauvlukutiksennik tunnitsivigivak.

54 Tagvale tamna ingerakattigillo angutit nerrivut immerlutiglo, sinniktarlutiglo tagvane. Kaulermingmelle makkilerput, tamnalo okarpok: aularkolersingatök angajokämnut.

55 Taipsomale anninga anänangalo okarpuk: Uigasuk uvloksiorle sulle attautsemik tellimau-jortunniglonēt uvaptingne, kingorngane aular-kojomagalloarpaptigit.

56 Tagvale okautiveit: Nokangatiniarassinga, Nalekab ingeranera idluarsitilaungmago. Angerarkolersingatök angajokämnut.

57 Tagva okarput: Uigasuk kaikolavut ap-perilugolo, kannok issumakarmangæt.

58 Rebekkalö kaikovæt apperilugolo: Angut tamna ingerakattigijomaviuk? Tamna kiovok: Ahaila ingerakattigijomavara.

59 Taimaitomik Rebekka kattangutikita pairi-jigilauktanga illautilugo ingerakovæt, Abrahamb kivganga, tapsoma ingerakattigillo illagilugit.

60 Rebekkalö saimarlugo innötsiarkovæt okau-tilugolo: Kattangutigigaptigit, illingnit pijomär-tokarle tausendeokattartunnik, kinguväksavillo omigijimik upkuaksoangit perkutigiligit.

61 Tagva manna Rebekkab kivganne illagi-lugit parngnailerpok, tapkoalo iksivalutik Kame-lit känginnut kivgak tamna mallikpæt. Kivgablo Rebekka neksarlugo ingerakattigiva.

62 Isaagle pissuklune kaivok immektarvingmit, omanartomik tækkosartomiglo atserartaujomit, (sekkinerdlit nunanginne nunakaramele).

63 Unnulermello näternamut pissulaukpok tuksiaromavlune, uileramelo Kamelit tikkilertut tækkoveit.

64 Rebekablo uidlune Isaak tækkogamiuk, mannakut Kamelemit akkarpok.

65 Kivgamullo okarpok: Angut tamna pachreartivut nätername kinauva? Kivgak okarpok: Tagga angajokāra. Tagva tälutane tiguva, matugilālo.

66 Kivgablo Isaak pijokalauktuñik pinniarlauktaminik tamainik unipkarvigiva.

67 Isaakible Rebekka ittertipa anānagilauktame Sarab iglunganut, illelliorlugolo nulliariva, nægligilālo. Tagva Isaak mannigortaulerpok anāname tokkoninget kingorngane.

KAPITEL XXV.

Abraham nullianipsarninganik Keturamik. Ismaelib Isaakiblo ernigingnik.

ABRAHA ama nullianikivok Ketura attelingmik.

2 Tapsomale Simron, Jaksanelo, Medan Midianelo, Jisbak Suahlo tapsomanget erniariveit.

3 Jaksaniblo Seba Dedanelo erniarivak. Dedanible Assurim Latusim Leumimelo kittorngariveit.

4 Midianible Ephā, Ephēr, Hanoch, Abida, Eldaalo kittorngariveit. Tapkoale tamaita Keturab kittorngariveit.

5 Abrahamlo perkutiñe tamaita tunniveit Isagmut.

6 Kittorngannele pannervgaminit pigilauktanne pilliutinnik tunnitsivigiveit, aulartilaitalo ernerminit Isaangmit, innövlune sulle, nunamut taunanëtomut ingerakoveit.

7 Abrahable innosinget Jaringita unnurningit 175 övut.

8 Annernengerlunelo tokkovok innutokaunerme ullapirsarnartome, itogame Jarinnelo unnudlartillugit, innukattiminullo illelliudsauvok.

9 Ernikitalo, Isaakib Ismaeliblo, illijartorpæk kairosungmut maggolimmajomut, Makpelamëtomut, Efronib, Zoarib Hetiterib erninget, perorsëvinganut, Mamrib nellanëtomut.

10 Perorsëvingmut, Abrahab pissiarilauktanganut Hetib kittornganginnit. Tagvunga Abraha, nulliangalo Sara tamarmik illijartortauvuk.

11 Abrahab tokkoninget kingorngane Gudib Isaak, tapsoma erninga saimarpa. Isaaglo nuna-karpok immektarvingme omanartomik tækkosartomiglo atserartaujome.

12 Ismaëlible Abrahab erninget, Sarab kivganget Egiptenmiub Hagarib, tapsomunga erniarilauktanget kinguvängit imaiput;

13 Ismaëliblo kittorngangita attingit imaiput; tapkonangelo kinguvängit atserartauvut: Ismaelib ernerikärtanga Nabajot, Kedar, Abdeel, Mibsamelo,

14 Misma, Duma, Masalo,

15 Hadar, Tema, Jetur, Nafis, Kedmalo.

16 Tapkoale Ismaëlib kittorngariveit attingillo iglorosinginne iglugaseksoanginnelo illautilugit 12 öjut, attanniovlutik innukattimingnut.

17 Ismaëliblo Jaringit 137 ölaukput, anner-

nengerd lunelo tokkovok, innukattiminullo illeliudsauvok.

18 Taipkoalo nunakalaukput Hefilamit Sur tikkilugo Egiptenib erkäne, apkome Assirienmut torartome. Taimnale sivorliovlune kattangutiminit tamainit tokkovok.

19 Isaakible Abraham erninget kinguvängit imaiput: Abraham Isaak erneriva.

20 Isaagle Jarekalaukpok 40 nik Rebekka Betuelib Sirienmiub Mesepotamiamētublo panninga, Labaniblo Sirienmiub najanga nulliarigamiuk.

21 Isaakible Nalegak kennuvigiva nulliane pivlugo, tamna kittorngisuimet. Nalekablo tussarpa, Rebekkalu nullianga singailerpok.

22 Maggoliaksæk nānganētuk ingmingnut apölermennik, okarpok: Taimaipet, sōg singailerkik? Nalegarlo apperijartorpa.

23 Nalekablo okautiva: Innukattigëksuit maggoit nāngnēput, innüklo adsigëngituk nāngnit annijomärput, innukattigëksuillo attautsīt salakaromärput aipaimingnik, anginersablo mikkinersak kivgartoromärpa.

24 Erniviksangale nulliutingmet, ahäk, maggoliaksakalaukpok nāngane.

25 Përkärtorle aupallängajövlune merkokarpok kissiktut, tamna Esau atserarpæk.

26 Mannakut nukkanga përpok angajume Esaub kingminganik tigumiarlune, tamna Jako atserarpæk. Tapkoa erniangöngmennik Isaak Jarekarpok 60 nik.

27 Nukapitsægle tapkoa innuosuleramik, Esau omajoksiortioli larmelo perorsëvilliortiolerpok. Jakole idluartovlune nütsengilak iglomit.

28 Isaakiblo Esau nægligiva nerkiksarsikattarame tapsoma pilauktanginnit; Rebekkable Jako nægligiva.

29 Jakolo nerkiksamik ikkoalangmet; Esau näternamit tikkiname merngortorpok.

30 Jakomut okarpok: Nerkiksak aupalluktak nerrilaulago merngortudlarama. Taimaitomik Edomemik taijaugivok.

31 Jakoble okautiva: Erniangokärnīt pissiarilago uvlome.

32 Esaub kiova: Ahäk, tokkojuksatuinauvunga, erniangokärnera suksarivigo?

33 Jakob okautiva: Tagva uvlome angerviginga. Tapsomalo angervigiva, taimak erniangokärninelo niorvgutigiva Jakomut.

34 Tagva Jakob kakkōjamik nerkiksamiglo perorsijennik tunnitsivigiva, tamnale nerrivok immilarmelo, nikovilerporlo annilunelo. Taimagle Esaub erniangokärnine nachogiva.

KAPITEL XXVI.

Isaakib ingeraninganik, nunakarninganiglo, idluigijauninganiglo.

KÄNGNARTOKSUBLE nunakattigēt tikkipeit, Abrahamib nelliuninganit piluatomik. Isaaglo ingeralerpok Abimelechmut Filisterit attanningenut Gerareme.

2 Tagvane Nalekab sakkervigiva, okautilälo: Ingeraniarnæk Egiptermut, nunamele okautigijamne illingnut erkovagit.

3 Nunametamattomanetækkorngartatun-ilerit; uvanga illagijomavagit saimarlutillo, illingnut kinguvaksarnullo nunet tamakkoa tamaita tun-

nijomagapkit, angernerilauktaralo atātangnut Abrahamut sokkosijuititsomavara.

4 Kinguväksettillo unnuksivalliatitsomavakka uvloritsettut, kinguväksarnullo nunet tamakkoa tamaita tunnijomavakka. Kinguväksarnullo in-nukattigöksuit nunamētut illunamassiatik saimautsaujomärput.

5 Abrahamb nippiga nalengmago, idluarnerijakalo perkojakkalo, illiornikkalo innatsinikkalo mallitsainarmagit.

6 Taimaitomik Isaak Gerareme nunakalerpok.

7 Innuillo taikanētut nullianganik appersoi-jarandet okarpakpok: Tamna najagivara. Sivoragigamiuk okarne: Tamna nulliarivara, is-sumakarame: Rebekka pilvlugo tokkonajarpānga kēnatsiaridlarmet.

8 Uvlunnik unnuktokasangnik nunakalaungmet tamattomane, Abimelech Filisterit attanninget igalakut tækkolerpok tukkisilunelo Isaakib illannakarninganik nulliaminut Rebekkamut.

9 Tagva Abimelechib Isaak kaikova okautilālo: Ahāk tamna nulliarivet illa. Sōgle okalaukīt tamna najagivlugo? Isaakib kiova: Issumakalaurama tokkotauniarasugællunga tamna pitjutigællugo.

10 Abimelechib okautiva: Sōg taimailiorvigivittigut? Innuitt illangeta nulliet tuttigi-jaratorpago patsitiksarsinajalaukpotit okumaitoælungmik uvaptingnut.

11 Abimelechible innukottinne tamaita innerterpeit okautilaitalo: Nelliellonēt angumik ominga nullianganiglo aktiojok, tamna tokkotek-sauvok.

12 Isaaglo nuname mattomane karngatitsivok,

Jaremelo tapsomane perorsijennik hunderteokat-tartunnik kattersivok, Nalekab saimarmago.

13 Tamnalo akluititaulaukpok, pivalliatsainalarmelo, pingijaininga angidlalaukpok.

14 Perkutekadlaramen nergjutinnik unnuktunnik mikkijunnik angijunniglo, kivgakalarmelo unnuktunnik; tamanna pivlugo Filisterit omigid-larpæt.

15 Immektarvillo oma atätanget kivgangita poagrejaviningit tamaita Abraha Isaakib atätanga innotillugo sulle, tapkoa asserorpeit sauvlugillo ivsunnut.

16 Abimelechib aglæt okautiva: Aularit uvaptingnit, söngoluadlaravit uvaptingnut.

17 Taimaimet Isaak tagvanget aularpok, tangmarlunelo Gerarib naksangane.

18 Immektarvillo atätanget Abrahamb nelliutiningane poagrejartaulauktut, Filisterillo asserortangit Abrahamb tokkoninget kingorngane, taipkoa ama poagrejartaukogiveit, atserarlugillo attinnut taipkonunga sorlo atätanget atserarlaungmagit.

19 Isaakib kivgangita naksarmëtauks poagrejartutiks puailaviks immilik issungitomiks nachvarpæt.

20 Mianersijulle Geraremëtut akkerartutigivæt Isaakib kivganginnut, okarlutiglo: Immek tamna perkutigivavut. Tamanna pivlugo immektarvik tamna Esekemik taiva, akkerartorkattigëngmetta tamna pitjutigællugo.

21 Tagva immektarviub assia poagrejarpæt, tamna akkerartutigigivæt; tamanna pivlugo Sitnamik atserarpa.

22 Tagvanget aularivok, immektarviub assia

poagrejarpa, tamnale akkerartutigingilæt; tamanna pivlugo tamna Rehobotemik atserarpa, okarlunelo: Manna Nalekab igvikliojungnërtipätigtut aglissitilutalo naname tamattomane.

23 Mattoma kingorngane tagvanget aularpok, Bersaba tikkilugo.

24 Nalekablo unnuame taipsomane sakkervigiva, okautilälo: Atätavit Abraham Gudigivānga. Šivoraniarnæk illagigapkit, saimaromagapkillō, kinguvāksettillō unnuksivalliatitsomagapkit, kivgara Abraha pivlugo.

25 Tagvanele Altaremik sennavok, Nalekablo attinga okautigiva, tangmarlunelo tagvane, kivgangitalo immektarviksak poagrejarasuarpæt.

26 Abimelechiblo aivigiva Geraremit, Ahusatiblo taipsoma illanarijinet, Ficholiblo sorsuktukset angajokänget.

27 Isaakible okautiveit: Sög tikkipise uvamnut? nauk omigilunga aulartilaukpapsinga illip-singnit.

28 Tapkoa okarput: Ijptingnut uitajunnut tækkovogut Nalekab illagingmattit. Tamanna pivlugo okalaukpogut: Sokkosijuitolingmik pivlunga pivlutillō kajusijomavogut, angerkattigijomavaptigillō tamattominga.

29 Imägle: idluiliorkonnæk uvaptingnut, sorlo uvagut aktorlaunginaptigit, assianiglo pinniarlaunginapta illingnut, ajungitomik kissiane, ullapirsäumulle aularkogaptigit. Igville manna Nalekab saimartanga-ipotit.

30 Tagva nerrimareksennik äkiksoivok, tapkoalo nerrilerput immilarmiglo.

31 Uvlararsötillugole makkilerput, angerkattigēkpullo ingmingnut; Isaakiblo aularkoveit, lapirsartaulutiglo aularput tapsomanget.

32 Uvlorme tapsomane Isaakib kivgangita tikkipæt okautilugolo immektarvingmik poagregalauktamingnik, imäglo okautivæt: immermik nachvalaukpogut.

33 Tamna Sabamik taiva, taimaitomik iglugaseksuit Bersabamik taijauvut, uvlomemut tikkilugo.

34 Esau Jarekarama 40 nik Judith Berib Hetiterib panninga, Basmatelo Elonib Hetiterib panninga nulliaritainarpak.

35 Tapkoale Isaak Rebekkalu kiksartitsainarpakit.

KAPITEL XXVII.

Jakob saimartauninganik atätaminut, omigijauninganiglo Esau-mut.

TAIPSOMANELO Isaakib innutokaulerame, ijingnelo takpëtermennik, ernine Esau angajuklek kaikova okautilugolo: Ernik! Kiovale: Mänepunga.

2 Okautivalo: Ahäk itolerpunga, tokkoviksaralo nellovara.

3 Taimaitomik sakkutit; pittiksit karkjutillo tigulugit näternamut ailerit, omajoksiorlutillo piksamnik.

4 Nerkiksalliorlutillo namagijeksarijamnik, kaitsilutillo uvamnut nerrikovlunga, tarnimnut saimartaukovlutit tokkokärtinnanga.

5 Rebekkable okautsit tapkoa, Isaakib okausingit ernernimnut Esaumut tamaita tussarpeit. Esaulo näternamut aivok omajoksioromamut kaitsijomamullo.

6 Tagva Rebekka okarpok Jakomut ernermi-

nut: Ahäk atätavit okausingit angajugnut Esau-
mut tussalaukpakka, okalaungmet:

7 Omajoksiolerit piksamnik nerkiksalliorlutil-
lo uvamnut, nerrikovlunga, saimartaukovlutillo
uvamnut Nalekab sängane tokkokärtinnanga.

8 Taimaimet ernik nippiga tussaruk, perkojak-
kalo illingnut nalekit.

9 Nergjutekottinnut kattimmajunnut ailerit,
angusallungniglo maggungnik aiklerit, atätavit
nerkiksanganik, namagijanganik taipkungnanget
äkiksoikovlunga.

10 Nerkiksamiglo mattominga kaitsijuksau-
votit atätangnut, nerrikovlugo, saimartaukovlutit
tapsomunga tokkokärtinnago.

11 Jakoble anänane Rebekka okautiva: Ahäk,
angajuga Esau merkokarpok, uvangale merkok-
angilanga.

12 Taimaitomik atätama tapsiktorpallukpānga,
uivērijaunasugilunelo uvamnut nautsertolarpānga;
ominautiksalliolarpunga tagva, saimanartorlo pit-
sennago.

13 Tagva anänanget okautiva: ernik ominarlok
tamanna uvamnut illinganiarpok, nippiga nalet-
sialeruk, aiklerijartolerit tapkungninga uvamnut.

14 Tagva aiklerijartorpok tapkungninga anän-
aminut kaitsilune. Tagva anänanga nerkiksallior-
pok atätanget namagijanganik.

15 Ernermelo angajukliub Esaub annorangit
änanaunerpæt, najortigijanne iglome tiguveit, tap-
koningalo ermine nukardlek Jako attitipa.

16 Angusallugle kissigingnut aggangit immu-
serpeit, kongesingalo merkokangitok kongeser-
userdlugo.

17 Nerkiksamiglo kakkõjamik illakarlune pijar-
ẽrlauktaminik ernerme Jakob agganginnut tun-
nijivok.

18 Atātanelo ittervigiva okarlunelo: Atātaga!
Tapsoma kiova: Mānepunga; ernik kinauvit?

19 Jakob atātane okautiva: Esauovunga er-
nerikārtet; pinniarlaukpunga okautsitit mallik-
lugit; makkilaurit, iksivalutillo nerrilaurit ner-
kiksamnik, saimartaukovlunga tarningnut.

20 Isaakible ernine okautiva: Ernik, kannok
illingava taimak annikitomik pilaurangne? Kio-
va: Nalekab Gudivit mattominga pillingmanga.

21 Tagva Isaakib Jako okautiva: Maungalerit
ernik tapsigomagapkit kaujijomavlunga, erner-
jagit Esauongmangarpit, tamnaungimangarpillo-
nēt.

22 Taimaitomik Jako Isaangmut atātaminut
pivok; tapsilauramiuglo okarpok: Nippit Jakob
nippingatun-īpok, aggaktille Esaub aggangittitun-
īput.

23 Illitaringilālo, aggangit Esaub angajoet
aggangittitut merkokarmetta, saimarpalo.

24 Okautivalo: Ernerivigit, Esauovit? Kiova:
Ahaila, tamnauvunga.

25 Tagva okautiva: Atte ernik nerkiksamik
pilauktarnit kaitsilerit uvamnut tarnimnut sai-
martaukovlutit. Tagva ātsivigiva tamattominga,
tamnalo nerrivok, Weinemiglo ātsivigiva, tamna-
lo immerpok.

26 Isaakiblo atātanget okautiva: Ernik kai-
lerit, kunniklungalo.

27 Savigilugolo kunnikpa. Tagva annorang-
ita tippinget naigamiuk saimarpa, okarlunelo:

Ahāk, ernerma tippinga näternaub tippingatunipok, Nalekab äkiktangatun-ïdlune.

28 Gudib killaub missuksoanginnik, nunablo orksuanik kakköjeksenniglo Weininniglo unnuk-tovaksoarnik tunnitsivigilitit.

29 Innukattigeksuit kivgartoreksarivätit, in-nuillo ittigangnut pamaktuksauvut. Attannio-lerit kattangutingnut, anānavillo kittorngangita pamavigijeksarivätit. Illingnik okautekaluktut okauserlugviojomärput, illingniglo saimarsaijut saimarviojomärput.

30 Isaakible okautsinne saimanartut Jakomut nāngmagit, Jakolo atätaminit Isaangmit annik-ammertillugo, tava angajoa Esau omajoksioring-minit tikkipok.

31 Tamnatauk nerkiksamik äkiksoivok, ät-silarmelo tamattominga atätaminut, okautivalo: Atätaga, makkilaurit nerriluttilo ernerpit pilauk-tanganit, tarningnut saimartaukovlunga.

32 Tagva atätanget Isaakib kiova: Kinauvit? Okarpok: Esauovunga ernerikärtet.

33 Tagva Isaak angijoksoarmik kvaksarpok, okarlunelo: Kina? Omajoksiorte kaitsilauktok uvamnut naneka? Taipsoma kaitanginnit tamai-nit nerrilaukpunga tikkerkärtinnæk, saimalauk-paralo. Taipsomalo saimartauninga sokkosijui-pok.

34 Esauble atätame okausingit tamakkoa tussaramigit, nipliavok angijomik, angijoksoar-miglo kiksartitauvlune; atätaminullo okarpok: Atätäk, uvangatauk saimartaulangatök illingnut.

35 Okarporle: Nukket pingitsertorlune kai-laukpok, saimanartorlo pëjarpa illingnit.

36 Tagva okarpok: Tukkelingmik attekarpok Jakomik, maggoertorlune manna uiverilaung-manga. Erniangokärnera pëjarlaukpa uvamnit; ahäglo, manna saimanartomiktauk uvamnit pëjai-vok. Okarlunelo: Kikkita kangilatit saimanartomik pijeksamnik?

37 Isaakib kiova okautilälo: Attanningortilaukpara illingnut, kattangutingillo tamaita kivgangortilaukpakka tapsomunga, kakköjekseniglo Weinemiglo piksakartilaukpara: Kannok tagva ernik pinniartuksauvik illingnut?

38 Esau atätaminut okarpok: Atätäk, saimanartomik attauseinarmik pekarkit? Atätäk, uvangatauk saimartaulangatök illingnut; nipliadlalerporlo keasivlunelo.

39 Tagva atätanget Isaakib kiova, oka rlune Ahäk iglokaromärpotit ajoksarnangitomik nuname, killaublo missuksoanginnik pänget pijunnik ajoksaromängilatit.

40 Sakkutit attorlugit nerkiksarsioremärpotit, nukkello kivgartoreksarivet. Pijomärtomelo igvitauk attanniojomärpotit, tamna nalegungnërlugo.

41 Esaublo Jako omigilerpa, saimanartok atätanganit pigijanga pitjutigællugo; omættimikullo okarpok: Killamik nelliutsomärpok atätama kiksarutiksanganik, nukkara Jako tokkotsomagapko.

42 Rebek kale ernerme angajukliub Esaub okausinginnik makkoninga okautsaugame; tilliklerlune ernine nukkardlek Jako kaikova, okautilälo: Ahäk, angajuvit Esaub sillugvigivätit tokkotsomavlutit.

43 Mannalo nippiga tussaruk ernik: Opalungëlerit kemmälutillo ovanget annimnut Labanemut Haranemëtomut.

44 Taipsomanelo erkovagit angajuvit ningar-osungninga illingnut sorërkärtinnago.

45 Ningaumaviojungnërkärtinnæk tapsomunga, puigorkärtinnagolo pinniarvionerminik illingnut; taimaipet tillikleromärpunga, taikanget aijaukovlutit. Sög tamaptingnik attautsekut aksartau-jariakarkik?

46 Rebekablo Isaak okautiva: Hetib panningita najortanginne innösera arriulerpara. Jakoblo Hetib panningita illanget, nunakattigët tamanëtot panningittitun-ütut, nullianikpago; innösera suksarivigo?

KAPITEL XXVIII.

Jakob tækkotitauninganik killaub majorarvinganik ingeranermine.

TAIMAITOMIK Isaakib ernine Jako kaikolugolo saimarpa, perkolugolo okautiva: Nullianingniarnæk Kanaanib panninginnit.

2 Opallungailerille ingeralerit Mesopotamiamut Betuelib, anänavit atätanget iglunganut, taikanelo nullianilerit Labanib anänavit anninget panninginnit.

3 Gudible ajugakangitotöjub saimarlitit, kinguväksaliortilutillo unnuksivalliatilutillo illingnit nunakattigëksuit unnuktovaksuit pikovlugit.

4 Abrahablo saimarvioninganik igvit kinguvaksettillo illagilugit tunnitsivigilitit, nuna tækkorngartauvigijet, Gudiblo tunnijanga Abrahamut perkutautiliuk illingnut.

5 Taimak Isaakib Jako aulartilugo ingerakova Mesopotamiamut, Labanemub Betuelib erning-

anut Siriame, tapsomalo Esaublo anānakita Rebekkab anninganut.

6 Esaule manna tukkisilerame Isaakib Jako saimalaungmago aulartilugolo Mesepotomiamut taikane nullianikovlugo, saimaramiuglo innerterlugo okautingmago: Nullianingniarnæk Kanaanib panninginnit;

7 Jakoblo atātane anānanelo nalengmagik, aularamelo Mesopotamiamut.

8 Tukkisileramelo atātame Isaakib Kanaanib panningit idluaringimagit.

9 Ismaēlemut aivok nullianiklunelo Mahalatemik Ismaēlib Abrahamb erninget panninganik, Nabajotib najanganik nauk pannervgakarlune.

10 Jakole aularpok Bersabamit, ingeralunelo Haranemut.

11 Inniksamullo tikkiname sinniktarpok tagvane, sekkinek nippimmalermet. Ujaramiglo tagvanētomik tigusivok, illijilunelo akkitigilugo, tagvanelo innangalerpok sinnigomamut.

12 Sinnektomavorlo, ahāk, majorarvik nappartitaujok nuname, issualo aktoajok killangmut tækkova, ahāglo, Gudib Engelingita tamedsa majorarvigivæt, akkarvigilālo.

13 Nalegarlo tamedsa kängane nængerpok okarlunelo: Uvanga Nalegauvlunga, atātavit Abrahamb Isaakiblo Gudigivānga; nuna innangavigijet tamedsa tunnijomavara illingnut kinguvāk-sarnullo.

14 Kinguvāksettillō nunab sanningittitut unuktigijomärput, siamartitaujomärpullo paunga, taunungalo, avungalo, aungalo; illikkullo kinguvāksarnullo kinguvaræt nunamētut illunamassiatik saimartaujomärput.

15 Ahāglo, uvanga illagivagit sapputijomavagillo namut ingeramangarpillonēt, ama uttertitsomavagillo nunamut mattomunga. Allarniatsenginapkit pinniarkārtinnanga okautigijamnik tamainik.

16 Jakole sinningminit tuppalerame okarpok: Nalegak tamanēpok illa; uvangalo tamanna kaujilaungitara.

17 Koksesuklunelo okarpok: Kannok ivsornaitoksōvok nuna tamedsa! Gudib iglunga ovane-pok illa, tāmanelo killaub upkuanga-īpok.

18 Jakoblo uvlararsōtillugo makkilune ujarak akkitigilauktane tiguva nellunaikutangortilugolo illiva, orksumiglo koveriva.

19 Nunalo tamedsa Bethelemik taiva, matto-ma sivornganele iglugaseit taipkoa Lusemik attekalauput.

20 Jakolo omamut illungertortomut angerpok, okarlunelo: Gudib illagikpanga, apkomelo ingeranimne sapputikpanga, nerkiksamiglo annorāniglo tunnitsivigikpanga,

21 Kannoēnangalo atātamnut uttertippanga, tagva Nalegak Gudigijomavara.

22 Ujaraglo tamedsa ākilauktara nellunaikutek-saukovlugo, Gudib iglunganut illingatitsomavara tamattomane, tunnijarnillo tamainit uvamnut tel-limaujunginnik tunnitsivigijomavagit.

KAPITEL XXIX.

Jakob nullianingninganjik kiegartorninganiglo.

JAKO tava pissulerdlune nunamut taunanētomut ingeravok.

2 Taikungalo tikkilune nuna kemmergolera-miuk, ahâk immektarvik nâternamêtok tækkova, ahâglo, sauket kattimmajut pingasuit illumavæt, immektarvingme tapsomane sauket kattimmajut immertitauvangmetta, ujaralublo immektarviub pānga mattomava.

3 Saukello kattimmajut immertipakpæt tagvane, ujarālugo immektarviub pānganit aksakardlugo sauket immertipeit, kingornganelo ujarāluk immektarviub pānganut, innigilauktanganut illivæt.

4 Jakoblo okautiveit: Nægliktakka kattangutikka, nane nunakarkise? Kiovæt: Hāraneme nunakarpogut.

5 Okautiveit: Labane Nahorib erninga illitarivissiuk? Kiovæt: Illitarigalloarpavut.

6 Okarpok: Innôtsiaralloarka? Kiovæt: Innotsiarpok, ahaglo, tagga Rahel taipsoma panninga aggerpok sauket illagivlugit.

7 Okarivok: Uvloklingimet sulle, nergjutekot-tisse angerartilugit nelliutingilak manna, sauket immertissigik, aularkattigilugillo neritissigik.

8 Kiovæt: Sapperpogut nergjutit kattimmajut illunamassiatik kattititaukārtinnagit, ujarālugo aksariakaraptigo immektarviub pānganit, saukello taimak immertilugit.

9 Sulle okarkattigēktillugit, Rahel atātame saugangit tagvungartilugit tikkilerpok, sauket mianerivakkamigit.

10 Jakoble Rahel anāname anninget Labanib panninga, anānamelo anninget Labanib saugangit tækkogamigit, ujaraluk immektarviub pānganit aksarijartorpa, anānamelo anninget Labanib saugangit immertipeit.

11 Rahelelo kunnikpa keadlarlunelo.

12 Okautivalo, atātanget kattangutigingmago; Rebekablo erneringmago. Tagva akpangerlune angerarpok atātane kaujitolugo tamattominga.

13 Labanible najarme erninganik Jakomik tussarame, akpangerlune pachrearsärpa erkilug-olo kunnikpa, ittertitalo iglominut. Tagva tamakkoninga tamainik unipkarpok Labanemut.

14 Labanible okautiva: Taimaimet sauneri-varma uvinigilarmalo. Takkerlo attausek nälugo tapsomanēlaungmet,

15 Labanib Jako okautiva: Nauk kattanguti-ärsögavit uvamnut, akkekangitomik kiogartortuksauvit uvamnut? Okalaurit, sumik akkiller-taujomavit uvamnut?

16 Labanele pannikarpok maggungnik, ang-ajuklek Leamik attekarpok, nukkardlerlo Rahelemik attekarlune.

17 Leale kēnatsiarilaungilak, Rahelele kēnatsiariklune pinnarnarlaufpok.

18 Jakoble Rahel erdligilualerpa, okarporlo: Rahel pannit nukkardlek pivlugo Jarinnik 7 nik kivgartoromavagit.

19 Labanib kiova: Idluarnersauvok tamna tunnigupko illingnut assingnit, uvamne erkovagit.

20 Taimaimet Jako kivgartorpok Jarrinnik 7 nik Rahel pivlugo. Jarille tapkoa sivituningit uvloktituj sivikitigilaukput tapsomunga, taimak angitigijomik nægligigamiuk.

21 Kingorgane Jakob Laban okautiva: Nul-liersara tunniuk uvamnut nelliutingmet manna.

22 Labanib tagva innukattinne tamaita kai-koveit ingminut, nerrimareksennik äkiksoilune nulliarēlitainartuk pivlugik.

23 Unnungmelle pannine Lea kaikolugo, tapsomunga ittertipa, tapsomalo innangakattigiva.

24 Labaniblo panniminut Leamut kivgane Silpa tunniva kivgarikovlugo.

25 Uvlangolermelle, ahäk Lea tækkova, taimaitomik Labanemut okarpok: Sög taimailiorvigivinga? Kivgartorlaungilagit Rahel pivlugo? Sög uivëridlarkinga?

26 Labanib okautiva: Illusekangilagut nupaptingne nuk kardlek tunnikärlugo angajuklermit.

27 Wocheme tamattomane, tamna aiparingune, aipangatauk tunnijomavara illingnut, sullelo Jarinnik 7 nik kivgartorkovagit uvamnut taimna pivlugo.

28 Jakob taimailiorlunelo Wocheme tamattomane aipariva. Tagva Labanib pannine Rahel tunniva tapsomunga nulliangokovlugo.

29 Kivganelo Bilha tunniva panniminut Rahelemut kivgarikovlugo.

30 Jakob Rahel innangakattigivatauk, Rahele næglinersariva Leamit, Labanelo kivgartorpa sulle Jarit 7 it nävlugit.

31 Nalekable Leab kammagijaungininga tækkogamiuk, tamna kittorngakartipa, Rahelelo kittorngisuitilugo.

32 Lealo singailerame, ernermik ernivok, tamna Rubenemik atserarpa, okarlunelo: Nalekab ajulernera tækkunärlaungmago, uingma nægligilarpänga.

33 Ama singailerivok, ernermiglo ernivok, okarlunelo: Nalekab kammagijaunginera tussalauramiuk, tapsomingatauk tunnitsivigilaukpänga, Simeonelo atserarpa.

34 Ama singailerivok, ernermiglo ernivok, okarlunelo: uingma ama erdligijomärivānga manna, ernernik pingassunik ernilaurama tapsomunga. Taimaitomik Levimik atserarpa.

35 Sittamangenik singailerivok, ernermiglo ernivok, okarlunelo: Manna Nalegak kujagijomavara. Taimaitomik Judamik atserarpa. Man-nale ernijungnērpok tava.

KAPITEL XXX.

Jakob kittorngangiinnik akluininganiglo.

RAHEL tukkissigame attautsemiglonet kittorngakanginame Jakomut, angajune sinnaungajutigiva, Jakomullo okarpok: Kittorngakartilaunga, tai-mailiungikuvit tokkolarpunga.

2 Jakoble Rahel ningarvigiva, okarlunelo: Uvanga Gudeutsengilangale, timingnik singaikojijomangitok.

3 Tapsomale okautiva: Ahāk tagga Bilha kivgara, tamna innangakattigileruk, sāmne ernikovlugo, uvangalo tapsomuna kittorngakartilaukovlunga.

4 Tagvalo kivgaminik Bilhamik tunnitsivigiva nulliarikovlugo. Jakoblo innangakattigiva.

5 Bilhale singailerpok, ernermiglo ernivok Jakomut.

6 Rahel okarpok: Gudib illinganera ākik-sorpa, nippigalo tussarpa, ernermiglo tunnitsivigivānga. Taimaitomik Danemik atserarpa.

7 Bilhale Rahelib kivganga ama singailerivok, ernערublo aipanganik ernivok Jakomut.

8 Rahel okarporle: Gubib illinganera ablat-

sautipa manna angajuga pivlugo, anginersamiglo omanget pijomärpunga; taimnale Naftalimik atserarpa.

9 Leable tukkisigame ernijungnainerminik, kivgane Silpa perkolugo tunniva Jakomut, nullarikovlugo.

10 Silpale Leab kivganga ernermik ernivok Jakomut.

11 Lealo okarpok: Unnuksivalliavut, Gademiglo atserarpa.

12 Kingorngagut Silpa Leab kivganga ernerub aipanganik ernivok Jakomut.

13 Leale okarpok: Pillorikpunga, pilloriktaujomik okautaujomärama panninnut. Tamnalo Assermik atserarpa.

14 Kakkojekset kattitauviet nelliuningane Ruben perorsëvingmut ailerpok, Dudaimit naipipeit tagvane, neksarlugillo angerautiveit anänaminut Leamut. Rahel okarporle Leamut: Ernerpit Dudaimekottingita illanginnik pekarlangatök.

15 Tapsoma kiova: Namaksitsengilatit, nauk uiga pëjarangne uvamnit, ernerma Dudaimekottinginnik tigusijomavittauk? Rahelib kiova: Atte unnuame tamattomane aipariuk, ernerpit Dudaimekottingit pivlugit.

16 Jako unnulertillugo näternamit angeralermet, Leab pachreartorpa, okarlune: Unnuame tamattomane sinnikattigilarparma pissiarilaurapkit ernerma Dudaimekottinginnut. Unnuame tamattomane sinnikattigiva tava.

17 Gudible Lea tussarpa, tamnalo singailerpok, Jakomullo ernorme tellimanget erniariva.

18 Okarlunelo: Gudib namaksitipänga, kiv-

gara tunnilaurapko uimnut, Isascharemiglo atserarpa.

19 Lea ama singailerivok Jakomullo ernerme pingasujoet erniariva.

20 Okarlunelo: Gudib namaktomik issumagivānga, uingma manna ama aiparijormāgivānga, ernikka pingasōjortut ernerigapkit tapsomunga. Sebulonemiglo tamna atserarpa.

21 Mattoma kingorngagut panningmik ernivok, tamna Dinamik atserarpa.

22 Nalekable Rahel tussarpa, issumagilālo, kittorngakartipalo.

23 Tagva singailerpok, ernermiglo ernivok, okarlunelo: Gudib kangusungnera pējarpa uvamnit.

24 Josefemiglo atserarpa, okarlunelo: Nalekab tunnitsivigilingatōk sulle ernerub aipanganik.

25 Rahelib Josefe erniaringmago, Jakob Laban okautiva: Aularlangatōk ingeralungalo inulervivinimnut nunamnullo.

26 Nulliakka kittorngakkalo neksarlauslakka tapkoa pivlugit kivgartorlaurapkit, ingerakovlunga; kivgartonera pinnialauktara illingnut kaujimagangne.

27 Labanib okautiva: Ijikipit sāngængne saimarnekalerlangatōk; tukkisigama Nalekab saimarsaininganik pivlutit.

28 Nangminek okautilaungminga, sumik akkiksamik tunnijjuksaumangarma illingnut.

29 Okautivale: Kaujimavotit kivgartorlaungnimnik illingnut, nergjutekōttivillo unnurninginik pairsinimnetunnik.

30 Tikkerkārtinnanga ikkitunnik perkutteka-

lauktotit, mannale unnuksivallidlarput, Nalekablo ajungitullivigilaukpätit pinniarnimnut. Mannale igluga nangminera kakkugo issumagijeksarigivigo?

31 Okautivale: Sumigle tunnijijuksauvik illingnut? Jakob okautiva: Sumiglonët aglæt tunnijijuksaungilatit uvamnut, okautsikkale illingnut malliklugit pinniarvigijomagumga kissiane, saugakottitit ama mianerilugit pairijomavakka.

32 Uvlome saugakottikut illunaitigut pissugomavunga, saukello illunaita millaktet, merkoggillo sunatuinarnik, saugarsuillo kernertet illunaita, tuktungajullo merkoggit sunatuinarnik millaktello ingmigolititsomavakka. Piarakaromärpelle millaktennik merkolingniglo sunatuinarnik, tapkoa akkillertaujutigijomavakka.

33 Tagvale idluarnera pijomärtome nellonarungnëromärpok, akkillertauviksara illingnut nelliutikpet; imaitsomärporle millaktaungitut, merkokangitullo sunatuinarnik, kernertaungitullo saugärsuit tuktungajullo akkorngænne naipitaukpetta, taimaitut tigliktaujuuttitun-ïput uvamne.

34 Labanib okautiva: Atte taimailerle, sorlo okaravit.

35 Uvlormelo taipsomane tuktungajut angusalluit millaktet, merkoggillo sunatuinarnik, arnangillo millaktet merkoggillo sunatuinarnik, merkunginneo këtamiglonët kachortakartut, kernertello tamaita saugärsuit akkorngænne ingmigoliveit, pairijaukolaitalo kittorngaminut.

36 Uvlunniglo pingasunnik ingeratilugit ungasiktipeit Jakomit. Taimagle Jakob Labanib

nergjutekottingit kattimmajut aulalaungitullo pairiveit.

37 Jakoble napartut Pappelit, Hasselillo, Kastanienlo akkerungita nachojut illangit tiguveit, amerangita illanga përlugo, illangalo përnago, topkonane kachortak tittartut tækkuksaukovlugo.

38 Akkerkut sennajanne tapkoa nergjutit immekattarvinginnut illiveit, tapkonunga aijariakarmetta immerkovlugit, singaititaukovlugillo, tapkoa immiksamëtut tækkolugit.

39 Taimak akkerkut sennammajut tapkoa sänginne singaititaulermetta kittorngakalaukput millaktennik, sunatuinarniglo merkolingnik.

40 Jakob saugärsuit avitipeit tagva, avisimajullo millaktennut merkokartunullo sunatui-narnik Labanib nergjutekottinginnut kattimmajunnut pitipeit; nangminiksaminiglo kattititsiv-lune, tapkoa katterkasiutingileit Labanib kattimmajokottinginnut.

41 Sanginerselle nulliarëgarangetta akkerkut sennammajut taipkoa immekattarvinginnut illiveit, nergjutit kattimmajut sänginne, tagvane singaititaulerkovlugit.

42 Sangënerset nulliarëgarangetta illingileit. Taimaimet sangënerset Labanib perkutigiveit, sanginerselle Jakomut piksaularaukput.

43 Tamanna pitjutigællugo angut tamna perkutekalerpok angijoksoarmik; kivget angutit, arnello, saukello, Kamelillo, suitekõktojullo un-nuktoksuit perkutigilugit.

KAPITEL XXXI.

Jakob kittorngangitalo kemmāninginnik Labanemit.

LABANIBLO kittorngangita okausingit tussauma-maveit, okarlutik: Jakob atātapta perkutingit tamaita ingminut pitilaukpeit, atātaptalo perkutinginnut taimak akluititauvok.

2 Jakoblo Labanib kēnanga tækkova; ahāglo, sorlo ikpeksatut ikpeksānetullo taimaitsungnēr-laukpok.

3 Nālekablo Jako okautiva: Atātavit nunanganut ingeralerit, illangnullo; illagijomavagit.

4 Tagvale Jakob tilliklerlune, Rahel Lealo nāternamut, nergjutekottiminut kattimmajunnut, kaikovak.

5 Okautivaglo: Atātaptik kēnanga tækkolugo mallugosukpunga uvamnut illingangimet sorlo ikpeksatut ikpeksānetullo; atātamale Gudinget illagilaukpānga.

6 Kaujimmavotiglo pitsartunimnut tamainut atātatik kivgartorlaurapko manna tikkidlugo.

7 Uivērilaukpāngalo, tellimaujortolivlugolo akkillertaujariara ablatsautipa; Gudible innertilaukpa asserortauniksamnik.

8 Okaleranget sunatuinarnik merkoggit akkillertaujutigijomärpettit, tava nergjutit illunatik taimaitunnik kittorngakalaukput. Okalerangelles millaktet akkillertaujutigijomärpettit, tava nergjutit illunatik taimaitunnik kittorngakalaukput.

9 Taimak Gudib atātaptik perkutingit ikkiglijautipēit, tunnilugillo uvamnut.

10 Nergjutillo nullianigvinget nelliutilaungmet arlorpunga, sinnektomalaukpungalo, ahāk.

angusalluit okileritjet millaktello, sunatuinarniglo merkoggit nulliariveit.

11 Gudiblo Engelinget okautivānga sinnek-tomatillunga: Jako? Uvangelo kiovara: Mānepunga.

12 Okautivāngalo: Uitalerit tækkolutello, angusalluit okileritjet, millaktello, sunatuinarniglo merkoggit nulliariveit; Labanible illiorningit illingnut tamaita tækkolaukpakka.

13 Gude taimna Betheleme, ujarak illimmajet mingoarlorangne, tagvanelo angervigilauktet taimnauvunga. Manna parngnailerit aularlutillo nunamit omanget, ingeralerillo illavit nunangenut.

14 Tagva Rachelib Leablo kiovlugo okautivæk: Atātamnuk iglungane, piksakarungnērlunnuk kingormgujijuksaujungnērpoguk.

15 Tækkorngartatut illiorvigivätiguk, niorvgutigigamittiguk, akkillertauniksavullo nungulaukpeit.

16 Taimaitomik Gudib atätavuk akluititsungnērpa, pingit tunningmagit uvaptingnut kittorngaptingnullo. Tamanna pivlugo Gudib okausingit tamaita illingnut näletsiarlugit illiorit.

17 Tava Jako parngnailerpok, kittorngæenne nulliængnelo Kamelinnut ingitipeit.

18 Nergjutekottinelo perkutinello tamaita, Mesopotamiame piksarsioгарilauktanne neksarpeit, utteromavlune Isaangmut atätaminut Kanaanib nunanganut.

19 Labanible taipsomane assinelaukpok saugakottime mærkungit sallijomavlugit. Raheliblo 'ātame arngoangit tiglikpeit.

20 Taimak Jakob Laban Sirienmiok terliarpa, kemmānerminik okautinginamiuk.

21 Taimak kemmāvlune perkutinne tamaita neksarlugit aularpok, kōksoarlo ikkarpa, kakka-mut Gileademut torarlune.

22 Uvlugle pingajuængne Labanib Jakob kemmāninganik okautsaulerpok.

23 Kattangutinnelo ingminut kaikoveit, il-lagivlugillo malligasuarpa, uvlunnik 7 nik ingera-lauramele, kakkame Gileademe kannitanganut tikkipok.

24 Gudible Laban Sirienmiok sinnektomatil-lugo unnuame tikkipa, okautivlugolo: Udsertolerit, Jakomut okausiksakarkonnæk assinginnik, illannakarnartunnik kissēnik.

25 Taimaidlune Labanib Jako anguva. Jakole tangmartillugo kakkame, Labanelo kattangutingillo tangmarivut kakkame Gileademe.

26 Tagva Labanib Jako okautiva: Sōg taimailiorvigivinga, taimak terliarlunga, pannikka aularutilugik, aksarnigaujutut saviksoarmut il-lingatidlugik?

27 Sōgle taimak angigutsivlutit kemmālaukīt, tigliktotun-īdlutit, okarviginangalo sumik, uvam-nut kiksarnanga kannilartaukovlutit, imgerutsin-niglo immiajoksoarniglo, Harfinniglo attorluta?

28 Kittorngakka pannikkalo kunniklugit perkungilarma? Ahāk, sillainermut taimailiorpotit.

29 Gudiblo ikkajorppanga pitsartunekaralloar-punga; atātapsele Gudingeta ikpeksak okauti-vānga: Udsertolerit, Jakomut okausiksakarkon-næk assinginnik illannakarnartunnik kissēnik.

30 Aularomadlaravillo tussunermut atātavit iglunganut; sōg arngoakottikka tiglilaukigit?

31 Jakob kiovlune Labane okautiva: Sivorav-
lunga issumakalaurama, panningnik aksartauni-
arasugællunga.

32 Nellielle arngoakottingnik tiglingniktok,
tamna tokkojuksauvok mäne kattangutipta tæk-
koenne. Perkutitit kennerasuarkit uvamne pi-
lugillo. Jakole nellomarikpok taipkoa Rahelet
mut tigliktaungmetta.

33 Tagva Laban Jakob tuppinga, Leablo tup-
pinga, kivgä glo arnäk magguk tuppingsæk itter-
vigiveit, nachvaranelo sumiglonēt. Leablo tup-
pinganit annilune Rahelib tuppinganut itterpok.

34 Rahelible arngoet tigulugit illiveit Kamelit
alliangita attānut iksivautarivlugillo. Labanibla
tuppek illunāt tapsikärpa nachvaranelo sumig-
lonēt.

35 Tamnale atätaminut okarpok: Angajokaga,
ningarnæk, makkitsungnanginama sangne, arnet
illusingittitut illingagama. Taimaitomik arngoet
nachvatsengileit, nauk katsungaitomik kennera-
suaralloarlune.

36 Jakob tava ningarlune Laban suangava,
okautilälo: Sumigle idluiluktomik ajortomiglo-
nēt pinnialaukik, taimak angitigijomik ningauma-
vigigamga?

37 Perkutikka tamaita tapsikärlaurangne, per-
kutigijarnik sumik nachvarlaukit? Mattominga
sakkijartitsilerit kattangutima kattangutivillo
sänginne, erkartortaukovlunnuk tapkonunga.

38 Jarinne 20 ginne tapkonane illingnelauk-
punga, saugakottitit tuktungajokottitillo, kit-
torngisuilaungilet; nergjutekottivillo kattimma-
jut angusallungit nerrilaungilakka.

39 Omajoälungnulle tökkötaumajut kailaung-

takka illingnut, akkillertaujariakalaungmetta
ivamnut, igvit aggamnut akkillertaukogangne;
ssumaginagit uvlotillugo unnuangotillugolonēt
igliktaungmangætta.

40 Uvlotillugo kiængmut kēlilaukpunga, un-
nuangotillugolo keujarnermut sinnikattarlaungi-
anga.

41 Taimaidlunga Jarrinne 20 ginne tapko-
nane kivgartorlaukpunga iglungne, Jarinne 14
nne pannikik pivlugik, pingasōjortunnelo nerg-
jutekottitit pivlugit, akkillertauneralo tellimau-
ortolivilugo ablatsautilaukpet.

42 Atātama Gudinget, Abraham Gudinget,
Isaakiblo Gudinget illagingippanga; tava su-
miglonēt neksarnanga aularkonajarparma. Gu-
dible ajulernera pinniarneralo tækkunarmagik
pitlarlaukpätit ikpeksak.

43 Labanib Jako kiova, okarlune: Pannik uk-
koa pannigivakka, kittorngello ukkoa kittorngar-
ivakka, nergjutekottillo kattimmajut ukkoa nerg-
jutekottigivakka, tækkojettillo tamaita perku-
tigivakka. Kannorle pannikka kittorngangillonēt
tapkoa ernerijangit uvlome pinniarvigijeksari-
vigít?

44 Atte angerkattigēlauluk, uvanga igvillo,
tamattomunga nellunaikutakarkovlunnuk piv-
lunga pivlutillo.

45 Tagva Jakob ujarak tigulugo nappartipa
nellunaikutaukovlugo.

46 Kattangutinnelo okautiveit: Ujarkennik
kattersititse. Ujarkenniglo tigusikattarlutik kat-
tersivut attautsemut, kattisimmajullo tapkoa
kānginne nerrikattigēlerput.

47 Tamedsalo Labanib Jegasahadutamik atserarpa; Jakobhe Gileademik atserarpa.

48 Laban okarpok: Kattisimmajut tapkoa nellunaikutauvut uvlome pivlunga pivlutillo, taimaitomik Gileademik atserartauvut;

49 Kammatsiarviksaularmiglo, okarame: Nalekab tamamnuk tækkunärlittiguk apsimmania-leramnuk.

50 Pannikka idluiluktomik pinniarvigigunge, ubvalo panningma assigingnik nullianikuvit. Innuk attauserlonët illagingilavuk mäne; ahägle, Gude kaujimmajotövok uvaptingnik.

51 Labaniblo Jako ama okautigiva: Ahak, tagga kattisimmajut, taggalo nellunaikutak napartilauktara pivlunga pivlutillo.

52 Kattisimmajut tapkoa nellunaikutangortiteksarivavut, nellunaikutarlo tamedsa nellunaikutangortiteksarivavut, kattisimmajut tapkoa nellunaikutarlo kängertaukonnagit, uvamnut idluitullijomaguvit, illingnullo idluitulliviojomaguma.

53 Abrahamb Gudinga, Nahoriblo Gudinga, atätakitalo Gudingæk erkartuijotövok pivlunnuk.

54 Jakoblo angervigiva atätame Isaakib Gudinget sängane. Jakolo tunnergutiksennik ikkoalavok kakkame tamattomane, kattangutinnelo nerrikoveit. Nerrijarëramiglo sinniktarput kakkame tamattomane.

55 Kaulermelle Labanib uvlarärsötillugo makkiname, kittornganelo panningnelo kunnikpeit saimautilugillo; ingeralerdlunelo, nunaminut ama tikkinivok.

KAPITEL XXXII.

Jakob sivoraninganik tuksiarninganiglo.

JAKOLE aulalerivok; Gudiblo Engelingita pach-rearpæt.

2 Tapkoalo tækkogamigit okarpok: Tapkoa Gudib kattimmajoksoakottigiveit, nunalo tamedsa Mahanaimik taiva.

3 Jakoble kivgame illangit sivunerminut til-liveit, angajuminut Esaumut, Seirib nunanganut Edomib erkänëtomut.

4 Perkoveillo okarlune: Imägle okausekaritse angajokämnut Esaumut: Kivgavit Jakob okautsaukovätit: Akkunit manna tikkilugo assinëd-lunga Labanemëlaukpunga,

5 Perkutekarpungalo tuktuvangnik, siutekõk-tojunniglo, saukenniglo, kivgakalarmalo angutin-nik arnenniglo; tilliklerpungalo, igvit angajokäga tamattominga okautsaukovlutit ullapirsau-tekaromagama sāngne.

6 Tillijaujut Jakomut ama utteramik okautivæt: Angajungnut Esaumut tikkilauralloarpo-gut; tapsomalo tikkitsomavätittauk, angutit 400 dit illagilugit.

7 Taimaimet Jako erksidlarlune sivõralualer-pok, ingerakattinnelo innuit avitipeit, saukello tuktuvaillo, Kamelillo maggoililugit kattimmati-peit.

8 Okarlunelo: Esaub kattimmajut attautsõt tikkippagit siamartilugillo, aipaingit tava kem-mäjungnarniarput.

9 Jako ama okarivok: Atātama Abraham Gudinga, atātamalo Isaakib Gudinga, Nalegara, okalauktotit uvamnut: Nunagijarnut illangnullo ingeralerit ajungitullivigijomavagit.

10 Uvanga pijuksaungiluarpunga nāpkinernik nertornarnerniglo tamainik, kivget taimak pinniarvigigangne; taipsothane kōk Jordan tamedsa ikkārapko, ajaupiak una kissiet perkutigilaukpara, mannale kattimmajunguik maggoinnik pekarpunga.

11 Piulilaungminga angajuma agganginnit, Esaub agganginnit, sivōragigapko, tikkerkonnago uvanga tokkolunga, arnello, kittorngello illelliudlugit.

12 Okalauravit: Ajungitullivigijomavagit, kinguvāksettillo unnuksivalliatitsomavakka sior-kettitut immarbiub siksangane, unnumut kittiksaujomängilet illa.

13 Unnuamelo tamattomane tagvanēpok, pil-liutiksenniglo angajuminut Esaumut aijuksennik ākiksoivok, najortaminit tigusalune.

14 Tuktungajunnik 200 nik angusallungillo 20 nik, saukennik 200 nik, angusallungillo 20 nik.

15 Kammelinniglo sarliennik 30 nik nochangit illelliudlugit, tuktuvangniglo 40 nik angusallungillo 10 nik, siutekōktojuniglo 20 nik nochangillo 10 nik.

16 Tapkoalo taimaita kivgame agganginnut pitipeit, kattimmajullo nellit ingmigolitedlugit, okautiveillo: Sivunipkut ingeranialeritse, kattimmajullo ingmigolingajut malliktigēktuusaungilet attautsekut, kannitigēgungnerlutigle kissiane.

17 Sivorlerpāgle perkova, okautilālo: Anga-

juma Esaub pachrearvigikpattit, appersorpattillo: Kimut illingavit? Namungarniaromavillo? Aulatattillo tapkoa kia perkutigivagit?

18 Okartuksauvotit: Kivgavit Jakob ukkoa perkutigiveit, pilliutigilaitalo angajokāminut Esaumut, mallikpätigullo.

19 Taimaktauk aipenga pingajuæglo, illunaitalo kattimmajunnik aulatsijut perkoveit, okautilaitalo: Sorlo okautilaurapse, taimak Esau okarvigissiuk naipilerupsiuk.

20 Okatsialeritsetauk: Ahäk kivgavit Jakob mallikpätigut. Issumakarama, pilliutiksennut sivunamnētunnut saimartitsomavara, kingorngagullo tækkojomavara, tagva illellioromärpallukpānga.

21 Taimaitomik pilliutikset sivorleriveit unnamele tamattomane kattimmajokottinne illagiveit.

22 Unnuangotillugolo sulle makkilerpok, nulliængnelo, kivgæglo arnæk magguk kittornganelo 11 öjut illagiveit aikattigilaitalo Jabokib ikkartorvianut.

23 Tessiorlugillo kõb akkianut, najortinne tamaita ikkärtipeit.

24 Nangminerle innotölerpok. Tagvane angutib pava uvlogatälerlugo.

25 Tapsomalo tækkogame salagilugo ajornar-met, sibvianga aktorpa, pänermut ominga sibvianga uniortitauvok aglæt inniminit.

26 Tapsomalo okautiva: Aularlanga uvlogatälermet. Kiovale: Allarniængilagit saimartaukärnanga illingnut.

27 Okautiva: Kinauvit? Kiova: Jakövunga.

28 Okautiva: Mannamit Jakomik attekar-

ungnērlutit Israelemik attekarkovagit. Gudemullo innungmullo pānilauravit sālakarlutillo.

29 Jakoblo apperiva, okarlunelo: Okautilaungminga kinaumangarpit? Okantivale: Sög apperivinga kannok attekarmangarma? Tagvanelo saimauserpa.

30 Jakoblo nuna tamedsa atserarpa Pnielemik, okarlune: Gudib kēnanga tækkolaurapko, tarniga nekoksijaumarikpok tava.

31 Pnielemillo aularame, sekkinek nuilertok tækkova, sibvētolerlunelo pissukpok.

32 Taimaitomik Israēlib kittorngangita, uvlok tamanna tikkilugo, sibviab nukkingit nerrivangi-leit, Jakob sibvianga taimak aktortaulaungmet.

KAPITEL XXXIII.

Jakob Esaublo saimartigēngniginguik ingmingnut.

JAKOB uidlune angajune Esau tikkitok angutit 400 dit illagilugit tækkova; kittorngannelo Leamut Rahelemullo kivgængnullo tamangnut ingmigolitulugit pitipeit.

2 Kivgæglo arnæk kittorngængne illagilugit sivorliokoveit, Lealo kittornganne illagilugit mallikoveit. Rahelelo kingorliotilugo mallikova Josefe aiparællugo.

3 Tapkoa tamaita sivorleriveit, tækkogamiuglo 7 torlune okkungalerpok nunamut angajune tikkerkärtinnago.

4 Esauble akpangervigiva sādługolo erkipa kunniklālo; tamarmiglo kugviolerpuk.

5 Uidlune arnet kittorngangillo tækkogamigit, okarpok: Ingerakattitit tapkoa kikut? Jakob

kiova: Kittorngauvut, Gudib tunnjangit kivgar-nut.

6 Arnæk kivgæk kittorngangitalo tikkivigivæt, okkungajutigilåla.

7 Leablo kittorngangitalo tikkivigivæt, okkungajutigilålo. Mattoma kingorngane Josefib Rahelblo tikkivigivæktauk, okkungajutigilålo.

8 Okarporlo: Pachreartikkale kattimmajut ipkoa suksarivigit? Kiova: Angajokaga saimartitaukovlugo uvamnut.

9 Esaub okautiva: Ajorsangilanga sumik, nuk-kåk perkutitit illingnëlit.

10 Jakob kiova: Aukagle, saimartiteksauguma sãngne, pilliutikka pilaungmigitt aggamnit; kënnet tækkogapko Gudib kënanga erkarpara, taimaitomik namagilugit pikit uvamnit.

11 Pitsiarnermut kailauktamnik illingnut tigusilaurit uvamnit; Gudib tamakkoninga pillilaungmanga, uvangalo ajorsanginama perkutinik. Taimagle kajungertitaukattarame angervigilugo, tamakkoa perkutiminut illautipeit.

12 Okarporlo: Aularta ingeralutalo illagijomavapse.

13 Jakoble okautiva: Angajokåk, tækkovotit sorrusiärsungnik najortekarama, nergjutekottin-niglo, sarlienniglo, tapkoa uvlorme attautseinarme sukkaijungnërlutik pissuktuksaugunik merngor-toluarnermut illunatik tokkoniarajarput.

14 Angajokåk, kivgavit sivorngane ingeralaurit. Sukkailunga kingunikkut piniarpunga, nergjutekottit sorrusiärsuillo pissugungnarningit malliklugit, tikkerkårtinnanga Sciremut angajo-kämnut.

15 Esaub okautiva: Tagvale ingerakattima il-

langit illingnekojomavakka. Kiovale: Pijaria-kangilarle, saimartiteksaugumale angajokāma sāngane namaksivunga tava.

16 Taimaitomik uvlorme taipsomane Esau aularlune, ama ingeralerivok apkūt Sciremut torartok attorlugo.

17 Jakolo Suchotemut pivok, iglulliorlunelo nangminiksaminik, nergjutekottimelo inniksanginik sennavlune; taimaitomik nuna tamedsa Suchotemik taijauvok.

18 Mattoma kingorngane Jako Salemib, Siche-mib iglugaseksoangita erkānut Kanaanib nunganganetomut pivok, (tikkijarērame Mesopotamiamit,) iglugaseksuillo sānginne tangmarlune.

19 Tagvanelo perorseviksamik pissilerpok Siche-mib atātanget, Hemorib kittornganginnit, kēnaujennut 100 dinnut akkillerlugo, tagvanelo tangmalerpok.

20 Tagvanelo Altaremik sennavok, Israeliblo Gudinget ajugakangitub attinga nipliavigiva.

KAPITEL XXXIV.

Jakob kittorngangita idluitulliarninginnik.

DINALE Leab panninga, erniarilauktanga Jakomut, assinuarmet, nunakattigēt panningit tækkojartoromavlugit.

2 Hemorib erninget Siche-mib, Heviterit il-langeta, nunakattiget attanningeta tamna tæk-kogamiuk, tiguva, innangakattigilugolo uigasungninga asserorpa.

3 Uigasuglo tamna erdligilugo ungagiva, okau-sekarlunelo illannakarnartunnik tapsomunga.

4 Sichemelo atātaminut Hemoremut okarpok: Uigasuk tamna nullieksaule uvamnut.

5 Jakolo tussaumalerpok panningme Dinab as-serortaininganik, erningit näternametillugit nerg-jutekottinne kattiñajunne. Jakolo okauseka-laungilak taipkoa tikkerkärtinnagit.

6 Hemorable Sichemib atātanga Jakomut ailerpok okarkattigijomavlugo.

7 Tamattomanele Jakob erningit näternamit angerarput. Pijokalauktomiglo tussaramik angutit sinnaungajutigivæt angijomik, ningaumajad-larlutiglo, taimna sillainartoksoarmik Israëlemut pinniarmet, Jakoblo panninga innangakattiging-mago; taimailiorkojomatsengimatsuk.

8 Tagva Hemorib okarkattigiveit okarlune: Ernerma Sichemib omættinget pannisse ungagid-larmago, tamna tunnissiuk taipsohunga nulliek-saukovlugo.

9 Illannarēlaungmita, pannisse tunnissigik uvaptingnut, pannivullo pilerissigik uvaptingnit.

10 Nunakakattigelutalo. Nuna illunāt at-toreksaukojomavavut illipsingnut; inniksallio-ritse, pinnasuarluselo, piksarsileritse issumapsing-nut tamattomane.

11 Sichemiblo Jako erningillo okautiveit: Sai-martitesaulangatök säpsingne, pijomajapsingnik tamainik tunnijijomavunga illipsingnut.

12 Illerasugase tunnergutinnik pilliutiksen-niglo perkojititse uvamnut, sumiglonēt pijo-magupse tunnitsivigijomavapse; Dinale tunnissiuktök uvamnut nullieksaukovlugo.

13 Jakob erningitale Sichem atātangalo Hemor terliarasuarmavlugik najangmik Dinab as-serortaininga pitjutigællugo kiovakit,

14 Okautilugiglo: Taimiak sapperpogut najavut angumut kippimmangitomut tunnilugo, tamedsa kangusutigijeksarigaptigo.

15 Kissianelepijomajaptingnik kippilugomangilagut uvaptitun illingajomagupse, angutillo najortapsingnētut tamaita kippijaukoguptigik.

16 Taimaipelle pannivut tunnijomavavut illipsingnut, pannisselo pijomavlugit, nunakakattigijomavapse innukattigijomavluselo.

17 Kippijaujomangikupsele, tava najavut neksarlugo aularomavogut.

18 Okautsit tapkoa Hemorib erningello idluariveit.

19 Innuosuktorlo una taimailiosalerpok Jakob panninga ungagigamiuk. Tamnalo erdliginersarivæt angutæt iglunganētunnit tamainit.

20 Hemorable erningello Sichemib iglugaseksuit ittertarvianut tikkinamik, iglugaseksuit innungit okarvigiveit, okarlutiglo:

21 Innuit taipkoa ullapirsautekarput akkunaptingne, nunakakattigilutalo pinnasuarkattigijomavätigut; nunablo angininga namatuinarpok taipkonunga, panningillo nulliarijomavavut, pannivullo tunnilugit taipkonunga.

22 Imāgle kissiane angervigijomavätigut, nunakakattigijomavlutalo, innukattigijomavätigullo, angutit akkunaptingnētut tamaita kippijaujomakpetta sorlo taipkoa kippimmangmetta.

23 Nergjutingit perkutingillo neksartangillo tamaita piksarijomārpavut, taimailioromavlutalo angervigiguptigik, nunakakattigijomārpavullo.

24 Tapkoalo illunatik iglugaseksuit ittertarviækut annijut ittertullo, Hemor erningalo Sichem nalekpakit, angutillo iglugaseksuit ittertarviækut annijut ittertullo illunaita kippijautipeit.

25 Uvluk pingajuængne ikkitik äniajutiging-mattigik, Jakob ernigik magguk, Simeon Levilo, Dinab annigik, tamarmik saviksoarmik tigusivuk, ningaumajadlarlutiglo iglugaseksoarnut aivuk, angutillo tamaita tokkopakit.

26 Hemorelotauk erningalo Sichem saviksub ippiktoksöninganut tokkopakik, najatiglo Dina Sichemib iglunganit neksarpæk aulartilugolo.

27 Tagvale Jakob erningita tokkotaumajut nellipsarpeit, iglugaseksoarmiullo perkutinginnik neksarput najanget asserormatsuk.

28 Saukello tuktuvaillo, siutekõktojullo, illunaitalo iglugaseksoarnētut näternamētullo,

29 Perkutingillo kittorngangillo nulliangillo tamaita aulartipeit, sunatuinaillo iglunnētut tигu-lugit neksarpeit.

30 Jakolo Simeonemut Levimullo okarpok: Pijeksaungitoälungmik uvamnut pinniarlaukpotik, tamanna pivlugo Kanaanemiut Feresiterillo nunakattigēt tapkoa sānginne mammaititauvunga manna, najortikkalo uvamnētut ikkitövuť. Taipkoale kattimmalerpetta unatadlarvigilunga salagijomärpānga. Tagva kittorngakka illagilugit nungutaujomärpunga.

31 Tapkoale kiovæk: Ipkoa najavut anguniarpaktotut pinniarvigijeksarivatsuk?

KAPITEL XXXV.

Rahelið tokkoviksanganik ernisuktillugo.

GUDIBLO Jako okautiva: Parngnailerit Bethemullo ingeralerit, taikane nunakarkovagit, taikanelo Altaremik Gudemut sakkertingnut, taipso

mane kemmāgavit angajungnit Esaumit, sennakovagit.

2 Tagva Jakob illanne iglomiokattinnelo tamaita okautiveit: Arngoet Gudeungitut illipsingnētut pējarsigik, ivsornarniselo epkējarylugit annorāselo ablatsautilugit.

3 Parngnailerta ingeralutalo Bethelemut, taikane Altaremik Gudemut sennajomavlunga, tapsoma kappiasungnerma nelliuningane tussarlaungmanga, illagilaungmangalo ingeranerma apkotingane.

4 Tava arngoet Gudeungitut neksarlauktattik siumiutattiglo tunniveit tapsomunga, tapsomale itterselliorlune Eichib, (napartub) Sichemib kanitanganētub attānut illiveit.

5 Tagvangello aulalerput. Gudiblo innukatigēt iglugaseksoarne nunab tamattoma erkanētut erksitipeit, Jakokunnik mallikonnagit.

6 Jakoble tava Lus Kanaanib nunanganētok Bethelemik taijak tikkipa, ingerakattinne tamaita illagilugit.

7 Tagvanelo Altaremik sennavok, nunalo tamedsa El Bethelemik atserarpa, tagvano Gudib sakkervigingmago, taipsomane kemmāgame angajuminit.

8 Tagvane Debora Rebekkab pairijigilauktanga tokkovok, illuverpælo Bethelib kannitanganut Echib (napartub) attānut illilugo; tamnalo keanerub napartunga taivæt.

9 Gudiblo Jako ama sakkervigigiva, Mesopotamiamit tikkilaungmet saimauserpalo.

10 Okautilugolo: Jakomik attekarpotit, mannamille Jakomik attekarkojomērpagit; Israēle-nigle attekarkovagit. Tamanna pivlugo Israēle-ik atserartauvok.

11 Gudiblo okautiva: Gudeövlunga ajugakangitotövlunga. Unnuktunnik kinguväksakovagit; nunakattigeksuit unnuktovaksuit illingnit pijomärput, Koenigillo illingnit pijomärput.

12 Nunalo tamedsa tunnilauktara Abrahamut Isaangmullo, tunnijomavara illingnut, kinguvärnut tunnijomavara kingunerne.

13 Gudele kungmuarpok tagvanget, okausekarvigilauktaminit Jakomut.

14 Jakoble Gudib okausekarvigilauktangane tapsomunga innuksümik ujaralingmik nappartitsilune sennavok, immiksarlo tunnergutigilugomattominga koveriva, orksu miglo koveriva.

15 Jakoblo tamedsa Gudid okausekarvigilauktanga tapsomunga Bethlemik atserarpa.

16 Bethelemillo aularput, Efratele kaglilermatsuk, Rahel ernisulerpok.

17 Ernisu klunelo äniadlalerpok. Angijoksoarmigle äniadlarmet ernisuktillugo, ernisuksējub okautiva: Sivoraniarnæk ernek tamna pigilarmigangne.

18 Annernengerdlunele tokkojuksaulerame tamna Benonimik atserarpa, atätangelle Benjaminemik atserarpa.

19 Tagvane Rahel tokkovok, illuvertaulaukporlo apkome Efratemut torartome, manna Bethlehemik atserartauvok.

20 Jakoblo illuvinget kängane nellunaikutak nappartipa; tamedsa tagva Rahelib illuvinget nellunaikutanga uvlok tamanna tikkilugo.

21 Israëlelo tagvanget aularpok, tangmarlunelo Ederib nuvugusinget ungatäne.

22 Israëlele nuname taipsomane iglokarmet.

Rubenib itterlune Bilhamut atātame pannerv-ganganut, tamna innangakattigiva; pijokarnerlo tamedsa Israēlib tussarpa. Jakole ernekalauk-pok 12 nik.

23 Tapkoa Leab erneriveit: Ruben Jakomut erniangokārtok, Simeonelo, Levilo, Judalo, Isascharelo, Sebulonelo.

24 Tapkoa Rahelib ernerivak: Josef, Benjaminelo.

25 Tapkoa Bilhab Rahelib kivganget ernerivak: Dan, Naftalilo.

26 Tapkoa Silpab Leab kivganget ernerivak: Gad, Asserlo. Tapkoa Jakob erneriveit, tapso-munga erniangomajut Mesopotamiamē.

27 Jakoblo atātane Isaak tikkipa Mamreme iglugaseksuit anginerpānginne Hebronemik at-telingne, tagvane Abraha Isaaglo tækkorngarta-titun-ilaupuk.

28 Isaaglo Jarekalaukpok 180 nik.

29 Nukkekarungnērporlo innutokauvlunelo, innōnermik merngortorlunelo tokkovok, sivorli-minullo illelliudsauvok. Ernikitalo Esaub Jakoblo illijartorpæk.

KAPITEL XXXVI.

Esaub kinguvangita attinginnik.

TAMEDSA Esaub Edomemik attipsaggub kingu-vānginnik.

2 Esaub nulliariveit Kanaanib panninginnit, Ada, Elonib Hetiterib pannia, Ahalibamalo Anab pannia, Zibeonib Heviterib kattangutiārsua.

3 Basmatelo Ismaëlib pannia Nebajotib najanga.

4 Adablo Esaumut erniariva Elifas. Basmabile Reguel erniariva.

5 Ahalibamab Jëus, Jaëlam, Koralo erniariveit. Tapkoa Esaub kittorngariveit, tapsomunga erniangomajut Kanaanib nunangane.

6 Esaublo nullianne, erninnelo panninnelo, iglomiokattinnelo tamaita, perkutinnelo nergjutekottinnelo tamaita, pinnelo tamaita, piksarsiogarilauktanne Kanaanib nunangane kattipeit nek-sarlugillo, nunab tamattoma assianut ingeralune aularpok nukkaminit Jakomit.

7 Perkutingita unnurningit pivlugit nunakakattigëgungnanginamik, tækkorngartauvlutiglo tamattomane, nuna annikiluarmet nergjutekottingita unnurningit pivlugit.

8 Taimaitomik Esau Sëirib kakkanginne nunakalerpok. Esaulo Edomeövok.

9 Tamedsale Esaub kinguvängit, tapkonangelle Edomiterit Sëirib kakkanginnëtut pivut.

10 Imitunniglo attekarpud Esaub kittorngangit: Elifasemik, Adab Esaub nullianget erninganik, Reguelemiglo Basmatib Esaub nullianget erninganik.

11 Tapkoale Elifasib erneriveit: Teman, Omar, Zefo, Gaëtham, Kenaselo.

12 Timnalo Elifasib Esaub erninget pannervgariva, tapsoma Amalek erniariva omunga. Tamedsa Adab Esaub nullianget kittorngangit.

13 Tapkoale Reguelib kittorngariveit: Nahat, Sera, Samma, Missalo. Tamedsa Basmatib Esaub nullianget kittorngangit.

14 Tapkoale Ahalibamab Esaub nullianget

Anab panninget, Zibeoniblo kattangutiärsunget kittorngariveit, Esaumullo erniariveit: Jëus, Jaëlamelo, Koralo.

15 Tamedsa angajokait Esaub kittorngangita akkorngæenne. Elifasib erniangokärtub Esaub erninginnit tapkoa kittorngariveit: Angajokäk Teman, angajokäk Omar, angajokäk Zefo, angajokäk Kenas.

16 Angajokäk Kora, angajokäk Gaëtham, angajokäk Amalek. Tamedsa angajokait Elifasemit pijut Edomib nunangane. Adablo kittorngariveit.

17 Tapkoalo Reguelib Esaub erninget kittorngariveit: Angajokäk Nahat, angajokäk Sera, angajokäk Samma, angajokäk Missa. Tamedsa angajokait Reguelemib pijut Edomiterit nunangane, Basmatiblo Esaub nullianget kittorngariveit.

18 Tapkoa Ahalibamab Esaub nullianget kittorngariveit: Angajokäk Jëus, angajokäk Jaëlam, angajokäk Kora. Tamedsa angajokait Ahalibamamib, Anab panningit, Esaublo nullianganit pijut.

19 Tapkoa Esaub kittorngariveit, tapkoalo angajokängit. Tamna Edomeövok.

20 Tapkoale Sëirib Horitib, nuname iglokartub kittorngariveit: Lotan, Sobal, Zibeon, Ana, Disan, Ezer, Disanlo.

21 Tapkoa Sëirib kittorngangita Horiterit angajokariveit Edomib nunangane.

22 Tapkoale Lotanib kittorngariveit: Hori, Hemanlo; Lotaniblo najanga attekalaupok Timnamik.

23 Tapkoa Sobalib kittorngariveit: Alvan, Manahat, Ebal, Sefo, Onamelolo.

24 Tapkoa Zibeonib kittorngarivak: Aja, Analo. Anablo tapsoma mulit (nergjutit nangmarpaktut) naipitainarpeit innukajuitome, atātame Zibeonib siutekōktojokottinginnik mianersivlune.

25 Tapkoale Anab kittorngarivak: Dison, Ahalibamalo, Anab panninga.

26 Tapkoa Disonib kittorngariveit: Hemdan, Esban, Jetran, Jaranelo.

27 Tapkoa Ezerib kittorngariveit: Bilhan, Savan, Akanelo.

28 Tapkoa Disanib kittorngarivak: Uz, Aranelo.

29 Tapkoa Horiterit angajokariveit: Angajokāk Lotan, angajokāk Sobal, angajokāk Zibeon, angajokāk Ana.

30 Angajokāk Dison, Angajokak Ezer, angajokāk Disan. Tapkoa Horiterit angajokariveit, Sēirib nunangane attanniotilaukput.

31 Attanniojulle attanniotilauktut Edomib nunangane, Israēlib kittorngangit attanniojokakārtinnagit.

32 Bela Beorib erninga attanniolaukpok Edomeme, iglugaseksoakottingillo Dinhabamik attekarpud.

33 Belalo tokkungmet, tamna innangērlugo Jobab Serab erninga Bazramit attanniolerpok.

34 Jobab tokkungmet, tamna innangērlugo Husam Temaniterit nunanganit pijok attanniolerpok.

35 Husam tokkungmet, tamna innangērlugo Hadad Bedadib erninga attanniolerpok, tapsoma Midianiterit salagiveit Moabiterit näternangane; iglugaseksoakottingille Avitemik attekarpud.

36 Hadad tokkungmet. Samla Masrekemit pijok attanniotilerpok.

37 Samla tokkungmet, Saul Rehobotemit köksoarmëtomit pijok attanniolerpok.

38 Saul tokkungmet, tamna innangërlugo Baal Hanan, Achborib erninga attanniolerpok.

39 Baal Hanan Achborib erninga tokkungmet, tamna innangërlugo Hadar attanniolerpok, iglugaseksoakottingillo Pagumik attekarpot, nuliangalo Matredib Mesahabib panninget pannia Mehetabeelemik attekarpok.

40 Taimak angajokait Esaumit pijut attekarpot, kinguvarëningillo, nunangillo, attingillo il-lautilugit. Angajokäk Timna, angajokäk Alva, angajokäk Jethet.

41 Angajokäk Ahalibama, angajokäk Ela, angajokäk Pinon.

42 Angajokäk Kenas, angajokäk Teman, angajokäk Mibzar.

43 Angajokäk Magdiel, angajokäk Iram. Tapkoa angajokauvut Edomeme sorlo nunakarlutik nunamingne kingormgutijamingne. Esaulo Edomiterit atätagivæt.

KAPITEL XXXVII.

Josefe kennugiolugo kattangutingita niorgutigivæt.

JAKOLE nuname taipsomiane atätame tækkorngar-tauvigilauktangane nunakarpok, tamedsa Kanaanib nunanga.

2 Tamakkoalo Jakob kinguvängit: Josefib Jarekardlune 17 nik nergjutekottit mianeriveit kattangutinne illagilugit, innuosuktövlunelo atä-

tame nulliakita Bilhab Silpablo kittorngangit il-
lagiveit, taipkoale uivētoksöningit tussaumaleru-
nigit okautigitsainarpeit atätangenut.

3 Israëlible Josef erdliginerpäriva kittornga-
minit tamainit, innutokaunermine ernertariga-
miuk, taksepatämiglo annorakartipa.

4 Oma kattangutingille mallugosuleramik erd-
ligijaunerpängoninganik atätamingnut kattangu-
tinginnit tamainit; tagva kennugivæt illannakar-
nartomiglo okausiksakangilet tapsomunga.

5 Taimaktauk Josefib sinnektomanekalaukård-
lune, tamattominga kattangutinne unipkarvigi-
veit; tamanna pitjutigilugo kennugivalliavæt.

6 Imäk unipkarvigingmagit: Nægliktakka,
sinnektomagilauktamnik tussalauritso.

7 Illagekluta perorsevingmekörpogut, ivillo
kakköjeksaggit kippikörpavut, kippijakkale ing-
mingnik makkilerput nængerlutiglo; kippijapselo
illumavlugit, kippijakka okkungavigiveit.

8 Tagva kattangutingita okautivæt: Attanne-
rijomärpittigit? Igvillo nalegomärpittigit. Sin-
nektomaninga okausingillo pivlugit kennugival-
liavæt.

9 Josef ama aipanganik sinnektomalaukpok,
tamedsatauk unipkautigiva kattangutiminut,
okarlunelo: Okokse, ama aipanganik sinnektoma-
laukpunga; sekkerngub takkiblo uvloritsello
11 it okkungavigikörpänga.

10 Tamattominga atätane kattangutinneo
unipkarvigingmagit, atätanget suangavlugo okau-
tiva: Sinnektomanek tamna sinnenomagijet
kannok tukkelik? Uvanga anānavillo kattanguti-
villo tuksiarijartorvigijeksarivätit?

11 Kattangutinitalo kennugidlarpæt, atätangelle okautsit tamakkoa omamiutariveit.

12 Tamattomane kattangutingit aularmetta, atäta mik nergjutekottingit mianerilugit Sichememe.

13 Israëlib Josef okautiva: Kattangutivit nergjutekottit mianeringileit Sichememe? Kait tillijomavagit taipkonunga. Okautivale: Tamanebunga.

14 Okautivalo: Ailerit nautsertorlutillo kattangutitit nergjutekottello kannok illingamangætta okariartorvigilungalo illiorninginnik. Tava tilliva Hebronib naksanganit Sichemut aikolugo.

15 Näternamele sanguërmet, angutib naipipa, tapsoma apperiva, okarlune: Kina kennerpiuk?

16 Kiova: Kattangutikka kenneriarpakka; Nægliklara okautilaungminga nanëdlutik mianersingmangætta.

17 Angutib okautiva: Tagvanget aularsimmavut, okartut tussarapkit: Dotanemut ingerania-lerta. Tava Josefib kattangutinne malliklugillo Dotaneme naipipeit.

18 Tapkoale tækkogamitsuk ungasiktomëtil-lugo sulle, tikkilerkärtinnago kannitangenut; tava issumakalerput tokkotsomavlugo,

19 Okarkattigëkpullo: Ahäk, sinnektomavak-tok tamaungalerpok.

20 Atte kaileritse, tokkolavullo una, ittersä-lungmullo egilavut, okautigilarlugolo, omajoälungmut nerrijauvok; tagva tækkuksaujomärput sinnektomaningita tukkingit.

21 Rubenib tamanna tussaramiuk, tapkoa ag-ganginnit piulijomadlarpa, okarlunelo: Tokkoniaratigo.

22 Ruben okarivok tapkonunga: Aungmik kovisiniarase, ittersälungmulle innukajuitomëtomut egissiuk, aggapasingnulle pijauniarane. Tapkoa agganginille piulijomadlarpa, atätanganut ama uttertitsomavlugo issumakarame.

23 Josefible kattangutinne tikkimagit, tapkoa annoraijarpæt annoränga taksepatäk attortanga pêrlugo.

24 Tiguvæлло, egilugolo ittersälungmut, ittersälugle tamedsa immekalaungilak.

25 Tava ingilerput nerriniardlutik. Uilera-migle Ismaëliterit unnuktut Gileademit tikkitut tækkoveit. Tapkoa Kamëlekarlutik nangmartunnik tauvlukutiksennik, mingoarutiksenniglo, Mirrhenniglo ingeralerput Egiptenmut.

26 Tagva Judab kattangutinne okautiveit: Sumik sullivita nukkavut tokkoleruptigo, aungalo angiarilugo?

27 Kaititse, niorvgutigilavut Ismaëliterinnut, aggaptingnut pijaukonnago, tamna nukkarigaptigo uvinekakattigilugolo aukkakattigigaptigo. Tava nalekpæt.

28 Niuverniantillo Midianiterit tapkoa sennerkongmetta, ittersälungmit amuvæt, niorvgutigilälo Ismaëliterinnit kënaujennik 20 nik akkekar-tilugo; tapkoale Egiptenmut äpæt.

29 Rubenible ittersäluk tikkinamiuk, Josefelo naipinago; annoräne alliktorpa;

30 Kattangutinnelo tikkiniveit, okarlunelo: Innuosuktok taikanetsungnërmet namungarniarkik?

31 Tagva tuktungajut illanget angusallok tokkopæt, Josefib annoragilauktangalo tigulugo misukpæt aunganut.

32 Annoräglo taksepatäk tillikliutigivæt atätamingnut okautsaukolälo: Tamna nachvarpavut, nautsertoruk ernerpit annoragingmangago, annoragingimangagolonët.

33 Taipsomale illitariva, okarlunelo: Tamedsa ernerma annoranga illa, omajoälub nerrilaukpa, kësuktoksöjub Josef alliktorlaukpa.

34 Jakoblo annoränne alliktorpeit, sibvianelo pongmik attitipa, akkunillo ernine kiksarutigiva.

35 Erningita panningitalo illunatik mannigorasuarpæt, kissianele mannigortaujungnarane, okarpok: Kiksadlarlunga innosera nälugo, illuvertaujomärpunga ernera aiparilugo. Atätangelo keava.

36 Midianiterille Egiptenme niorvgutigivæt Potifaremut, Faraub pimaklertokotinganut sorsuktukset angajokängenut.

KAPITEL XXXVIII.

Judab idluitullianinganik.

NELLIUTOME tamattomane Juda kattangutiminit aularpok, angumullo Odollamëtomut Hira attelingmut ailune.

2 Tagvanelo Judab Kanaanemiub anutib Suahmik attiggub pannia tækkova, ingminullo pitipa. Nulliaringmagolo,

3 Singailerpok, ernermiglo ernivok, tamna Germik atserarpa.

4 Ama singailerivorlo, ernermiglo ernivok, tamna Onanmik atserarpa.

5 Amalo ernermik ernivok, tamna Selamik

atserarpa; Kesibemelo nunakalaukpok, tamna erniangotillugo.

6 Judablo ernine angajuklek Ger nullieksamik tunnitsivigiva Thamar attelingmik.

7 Taimnale idluitoksöngmet Nalekab sāngane, taimaitomik Nalekab innojungnērtipa.

8 Tagva Judab Onan okautiva: Angajuvit nulliarilauktanganik illingnut pīt, nulliarilugolo, kinguvāksarsikovlutit angajungnut.

9 Onanible kaujimmagame, kinguvāksak nang-minerijeksaringinamiuk, angajume nulliarilauktanga nulliariguniuk; tagva uvinekattiginago, nettimut koivok, asserorlugolo kinguvāksarsijomanane angajuminut.

10 Nalekable illiorniāloa idluigidlarpa, innojungnērtilālotauc.

11 Tagvale Judab ukkoane Thamar okautiva: Ugarniolutit atātavit iglunganēlerit, ernera Sela innumariolerkärtinnago. Issumakramele: Tamnatauc tokkolarpallaivok angajugiktetut. Taimaitomik Thamar aularlune atātame iglunganut ailerpok.

12 Uvlulle unnuktut nāngmetta Suab pannia Judab nullianga tokkovok. Judablo tamna keajungnēramiuk, iglomiokattine Hira Odollamiok aiparilugo ailerpok Timnatemut saugakottime merkungit sallijomavlugit.

13 Tagvale okartokarpok Thamaremut: Ahāk, sakkīt Timnatemut ailarpok, saugakottime merkungit sellijomavlugit.

14 Tagva annorāminik attorpaktaminik uigarnionermine pērsivok, ulliksoarlo attilugo ingminik ulliklune, ittertarviublo sillatāne apkosinermē Timnatemut illingajome ingilerpok; Sela tæf

kogamiuk, nauk innumariolerdlune uiksaukõngimet tapsomunga.

15 Judable tamna tækkogamiuk anguniarpaktunnut illinganasugiva, kēnane mattumago.

16 Apkomēdlune tagva aivigiva, nellogame, tamna ernernængme nulliarilaungmakko okautilugolo: Omæt, innangakattigilagit. Taipsoma kiova: Sumik tunnitsivigijomavinga innangakattigijomagamga?

17 Okautiva: Angusallomik nergjutekottimnit kattimmajunnit tillikleromavunga illingnut. Kiovale: Tagva sattoreksamik tunnitsiviginga.

18 Okautiva: Sumik sattoreksamik tunnitsiviojomavit uvamnut? Kiova: Ketterdlermingnik ungerutingniglo ajaupiarniglo aggangnētomik pijomavunga. Tava tamakkoninga tunnitsivigiva, innangakattigilālo; tapsomungalo singailerpok.

19 Mattoma kingorngane aularpok tagvanget, ulliksoanelo pērpa, annorännelo attorpaktanne uiganionermine ama attigiveit.

20 Judable angusallok ātautipa mianersikattiminut Odollamiomut, sattoreksak arnamit aikolugo, kingorarpālo.

21 Tagva innuit taikanētut appersorlugit okautiveit: Anguniarpaktok imna apkoserngub senniane iksivalauktok naneka? Kiovælle: Anguniarpaktokalaungilak tagvane.

22 Tapsomalo Juda ama tikkimigamiuk okautiva: Imna kingorarpara, innuillo taikanētut anguniarpaktokalaungitomik okarput.

23 Juda okarpok: Issumaminik pivok, kangu-sutiksamik okarungnangilak pivluta; angusallok tillikliutigilauralloarapko, igville naipilaungilet.

24 Takkit pingasut nāngmetta Juda okautsau-

vok: Ukkoet Thamar anguniarlaufpok; ahäglo, anguniarnermut singailerpok. Juda okarpok: kaikolerissiuk ikkitauletkovlugo.

25 Kaikojaugame tilliklerpok sakkiminut, okarlunelo: Angumut omunga, makkoa innuenut singaititauvunga. Okarporlo: Ketterdlermik tamna, ungerullo tamna, ajaupiarlo tamna illitarigalloarpigit, kia perkutigingmangagit?

26 Judab illitariveit, okarlunelo: Tamna idluarnersauvok uvamnit, tamna tunnilaunginapko ernimnut Selamut nullieksaukovlugo. Mattoma kingornganele uvinekattigijungnërpa.

27 Tamnale ernisulermet maggolieksængnik nānganetokarpok.

28 Erningmelle aggait igloinait sakkerput. Tagva ernisuksējok ivaluksamik aupalluktamik tigusilune, aggangnullo nappersilune okarpok: Tamna sivorlermik anniniarpok.

29 Taipsomale agganne ingminut pingmagit, kattangutinga annivok, okarporlo: Sög pivlutit taimak angitigijomik alliktorkit? Tamna Perezemik atserarpæt.

30 Mattoma kingorngane nukka annivok; ivaluksamik aupalluktamik aggangmine pekkartok. Tamna Seramik atserarpæt.

KAPITEL XXXIX.

Josefb kivgartorninganik, ikligutailininganiglo, ätauninganiglo parngnanërsimmarvingmut.

JOSEF Egiptenmut ätauvok, Potifariblo angutib Egiptenmiub Taraub pimaklektokotinget, sor-

suktuksello angajokāngeta tamna pissiariva Ismaēliterinnit ominga tikkiutsijunnit.

2 Josefiblo Nalegak illagingmago pilloridla laukpok; angajokāmelo Egiptenmiub iglunganēdlune.

3 Angajokāngalo tukkisigame, Nalegak tapsoma illagingmago, pinniarningillo tamaita Nalekab idluarsititsainarmagit.

4 Taimaitomik angajokānget ivleridlarpa, kivgakotiminullo anneriva; iglominullo pimaklertungortipa, perkutinnele tamaita agganginnut pitipeit.

5 Tamattomangelo, iglone perkutinnele tamaita tapsomunga pitimagit, Nalekab Egiptenmiub iglunga ajungitullivigiva Josefe pivlugo. Nalekable ajungitullivigiva perkutinginne tamaine, iglomētunne perorsēvingmetunnele.

6 Taimaitomik perkutinne tamaita Josefib agganginnut pitipeit; nangminerle ākigasuarungnailugit, tamna kivgarigamiuk, kissiane nerrituiarlune immilarmelo. Josefelo pinnarnartomik kēnatsiarilaukpok.

7 Nelliutub tamattoma kingorngane angajokānget nullianget Josef ijaminut ikliguvigigamiuk, okautiva: Sinnikattigēlauluk.

8 Tapsomale innerterpa, okautilugo: Ahāk, angajokāma sumiglonēt iglomētomik innertingilānga, perkutinnele tamaita aggamnut pitilaukpeit.

9 Sunamiglonēt ivlernartomik iglomētomik angigutsingilak uvamnut, igville kissivit, nulliarigamitit. Kannorle uvanga taimak angitigijomik manna idluitulliartuksauvik ajortulliarlungalo Gudemut?

10 Taimnale uvlut tamaita imaitunnik okausekalaukpok Josefemut. Tapsomale sinnikattigëngnermik aiparëngnermiglo kippiluvigitsainarpa.

11 Uvlullo illangane Josef iglomut ittermet sullijeksanne pinpiaromavlugit, attautsemiglonët kivgamik najortekarane.

12 Taipsoma tiguva annorangagut, okautilugolo: Sinnikattigëlauluk; tapsomale annoräne kemmekpa agganginnut kemmāvalo, tuavilunelo iglomit annivok.

13 Taipsomale tækkogame, annoräne kemmengmago aggangminut, kemmängmello iglomit;

14 Kivget iglomëtut kaikoveit, okautilugillo: Okokse, angut Ebræereøjok ovungartilaukpa, sujuktaukovluta omunga. Tamna itterlaukpok uvamnut sinnikattigijomagaminga; uvangale kachorlaukpunga.

15 Kaikojinermulle kachudlarnera tussaramiuk, annoräne kemmekpa uvamut, kemmāvlunelo iglomit tuavi annivok.

16 Tapsomale annorānga senniminut illiva, angajokāngët angerarninga uttakkilugo;

17 Imaitunniglo okausekarlune tapsomunga, okarlunelo: Kivgak Ebræereøjok tagvungartilauktet itterlaukpok uvamnut sujuktitsomavlunga.

18 Kaikojilungale kachudlarama, tagva annoräne kemmekpa uvamnut, kemmāvlunelo iglomit.

19 Angajokāngelle nulliame okausingit tussaramigit, okautingmago: Taimak kivgavit pinniarpānga ningarosulerpok angijomik.

20 Tagva angajokāngët tiguva parngnanēr-

simmavingmullo pitipa, attannersub parngnanër-sortangita inniksanginnut; tagvanelo parngnanërsimmavingmëlerpok.

21 Nalekable illagiva, illannākarninelo sakki-jartipa omunga, namagijautipalo parngnanërsimmavingmētut angajokāngenut.

22 Tapsomungalo parngnanërsortaujut parngnanërsimmavingme pairijaukoveit, illiorekset tamaita aglæt omunga ākiktaukoveit.

23 Parngnanërsimmavingmētut angajokānget nangminek sumiglonēt sullitsengilak; Nalekab Josef illagingmago, tapsoma pinniarningit tamaita Nalekab idluarsititsainarmagit.

KAPITEL XL.

Josefib nellautaininganik parngnanërsortaumajuk sinnektomanigingnik.

MATTOMA kingorngane Egiptenmiut attanningeta kivgagik, immiksalliortit angajokānget, kakkōjalliortillo angajokānget idluiliormennik angajokāmingnut Egiptenmiut attanningenut.

2 Farao ningarosulerpok kivgængne pivlugik, immiksalliortit angajokānget pivlugo, kakkōjalliortillo angajokānget pivlugo.

3 Ataukovaglo parngnanërsimmavingmut sorsuktukset angajokāngeta iglunganētomut, Josefib parngnanërsortauvigijanganut.

4 Sorsuktukselle angajokāngeta Josef kivgartorkova tapkungnunga, uvlullo illanginnik tapkoa parngnanërsimmavingmēlaukpuuk.

5 Tamarmiglo immiksalliortit angajokānget kakkōjalliortillo angajokānget Egiptenmiut at-

tanningeta kivgagik sinnektomalaukpuk unnuame attautseme; attunit ingmigolingajungnik sinnektomalaupek; tapkoalo sinnektomanigik ingmigolingajungnik tukkekalaukpuk.

6 Josefible uvlāngotillugo tikkinamigik, kiksartillugik naipipak.

7 Apperivagle, okarlune: Sög uvlome kiksarpitik?

8 Kioväk: Sinnektomalaukpoguk, najortekangilagugle nellautaijomik, tukkinginninik okautsaukovlunnuk. Josefib okautivak: Gude kissime nellautaijotövok imaitunnik, unipkarvigittingale makkoniga.

9 Tagva immiksalliortit angajokāngeta sinnektomagilauktane unipkautigiva Josefemut, okautivalo: Sinnektomalaukpunga Weinelihsab nappartunganik sāmnēkörtomik.

10 Tamna akkerokalaukpok pingasunnik, tungojoktaulunelo perorlaukpok, nuvogulakalarmelo, paungangillo innersimmalerput.

11 Faraublo ermgusiārsunga aggamne tigulaukpara, paungello tigulugit, iptējarpakka ermgusiārsungmut, ermgusiarsuglo tunnilaukpara Faraub agganginnut.

12 Josefib okautiva: Tamedsa tukkinga imai-pok: Akkerkut pingasut uvlōvut pingasut.

13 Uvlut pingasut nākpetta, Faraub issumagijomārpātīt, uttertilutillo kivgartorvigilauktarnut, tunnijikovlutit ermgusiarsungmik tapsoma agganginnut, sorlo taisomane immiksalliorteōlauravit tapsomane.

14 Erkaumalaungmingale taimak ajungituliarvioguvit, takopsoagilaungmingalo, Farao ilingnut erkaititaukovlugo, tapsomunga iglomit omanget annititaukovlunga.

15 Terliartauvlunga Ebræerit nunangenit aulartitaulaurama, taimaktau idluitulliarnanga sumiglonēt ovane, parngnanērsimmavingmut pitaugama.

16 Tagvale kakkōjalliortit angajokāngeta nelautainerub idluarninga tussaramiuk, Josefemut okarpok: Uvangatauk sinnektomalaurivunga: Amagaujennik kachortennik pingasunnik kakkatunga niakumne.

17 Omagaujelle kollerpāngane kakkōjatsiakalaukpok sunatuinarnik Faraub piksanginnik, tingmitsello amagaujamit niakumnētomit nerrilaukput.

18 Josefib kiova, okarlunelo: Tamedsa tukkinga imaipok: Amagaujet pingasut uvlōvut pingasut.

19 Uvlut pingasut nākpetta Faraub issumagijomārpātīt, kejungmullo nappartitaujomut kimitaukojomārpātīt, tingmitsello uvinit nerkigijomārpæt.

20 Uvlullo pingasut nāngmetta Farao innulervingminik uvloksiorpok, nerrimareksenniglo ākiksoivok kivgaminut tamainut, immiksalliortillo angajokānget kakkōjalliortillo angajokānget issumagivak kivgame akkorngænne.

21 Immiksalliortillo angajokānget ama pitiniva kivgartorvigilauktanganut, Faraub agganginnut ermgusiārsuk tunnikovlugo.

22 Kakkōjalliortille angajokānget kimitaukova kejungmut nappartitaujomut, sorlo Josefib si-vorngagut okautilaungmagik.

23 Immiksalliortille angajokāngeta Josef erkaumajungnērlugo puigormarikpa.

KAPITEL XLI.

Josefb nellautaininganik Faraub sinnektomaninginnik, piulijauninganiglo parngnanërsimmavingmit, attanningortitauninganiglo.

JARIK magguk nāngmennik Farao sinnektomaulaupok; köksub senniane nængerkördlune,

2 Tækkovok tuktuvatsiænnik koinijunnik 7 nik, kakkijunnik köksoarmit, tapkoa iviksukkalingsmut nerriartolerput.

3 Tapkoa kingorngattigut tuktuvait 7 it asingit köksoarmit kakkijut tækkogiveit; tapkoale tækkominailauput salludlalarmiglo, ailerpullo koinijut senninginnut köksub siksangane.

4 Tækkominaitullo salludlartullo tuktuvatsiet koinijut 7 it nerriveit. Tagva Farao erkōmalerpok.

5 Amalo sinnisilune aipanganik sinnektomagivok: Kakkōjeksataggit 7 it, iviksoarme attautseme perortut, illuitut silliktullo tækkoveit.

6 Kingorngane kakkōjeksataggit 7 it amitut kunnulingajullo nuilertut tækkogiveit.

7 Kakkōjeksataggillo piungitut 7 it kakkōjeksataggit 7 it salliktut illuitullo eveit. Farao tuppalerdlune mallugosulerpok sinnektomanerminik.

8 Uvlāngotillugole tarnimigut kiksalerērpok, tilliklerlunelo kaikoveit nellautainerluktut illissimmajullo Egiptenmētut tamaita, sinnektomagilauktanelo unipkautigiveit tapkonunga. Kissianele attauserlonēt nellautaijungnalaungilak tamakkoninga Faraomut.

9 Tagvale immiksalliortit angajokāngeta Fa-

rao okarvigiva, okarlune: Uvlome idluitullinim-nik erkaumavunga.

10 Taipsomane Faraub kivgængne ningauma-vigingmagik, uvangalo kakkōjalliortillo angajo-kānget parngnanērsimmavingmut pitilunnuk, sorsuktukset angajokāngeta iglunganētomut.

11 Tamamnuk unnuame attautseme sinnektomalaupkoguk, attunit ingmigolingajungnik, tuk-kekartitaunigiktut nellipitingnut.

12 Taipsomane innuosuktok angut Ebræereō-jok, sorsuktukset angajokāngeta kivganga uvap-tingnēlaukpok; taimna sinnektomaniptingnik unipkarvigilaukpavut. Taimnale sinnektomanim-nuk tukkigingnik nellautailaukpok, attunit ing-migolingajungnut.

13 Sorlole taipsoma nellautaivigingmattiguk, taimaktauk nellautsilaurivok; uvanga perkojavigilauktamnut pititaulaukpunga imnale kimi-taulaukpok.

14 Tagva Farao tilliklerlune Josef kaikova; tuavidlarlutiglo parngnanērsimmavingmit anni-tipæt. Tapsomalo umgijarlune annorāt attortame assingit attilauramigit itterpok Faraomut.

15 Tagva Faraub okautiva: Sinnektomanekalauralloarpunga, kissianele tamattominga attaut-semiglonēt nellautaijokalaungilak; igville okautigijauvotit uvamnut, sinnektomanermik tussaleruvit nellautailutit sappinginavit.

16 Josefib Farao kiova, okarlunelo: Uvanga kissima taimailiorungnatsengitunga; Gudele ajungitunnik kissēnik nellautailarpok Faraomut.

17 Faraub tava Josef okautiva: Sinnektomalaupunga kōksub siksangane nængerkōrdlunga;

18 Tækkovunga tuktuvatsiarnik koinijunnik

7 nik kakkijunnik köksoarmit, tapkoa iviksukkalingmut nerriartolerput.

19 Tapkoa kingorngattigut tuktuveit tækkominaitut salludlartullo köksoarmit kakkijut tæk-kogivakka. Taimak tækkominautigijunnigle tæk-kolaungitunga Egiptenib nunangane illunāne.

20 Tapkoalo 7 it salludlartut tækkominaitullo tuktuvait sivorlit 7 it koinijut nerrilaukpeit.

21 Naugle nerrilauralloaramigit mallugijaulaungilarlonēt tapkonane, taipkoa nerrigalloarlugit, sorlo mattoma sivorngane tækkominaulaukput. Tagva erkommalerpunga.

22 Mattoma kingorngane ama sinnektomavlunga kakkōjeksataggit 7 it, iviksoarme attautseme perortut illuitut silliktullo tækkogivakka.

23 Tapkoa kingorngattigut kakkōjeksataggit 7 it piungitut, amitut kunnulingajullo nuilerput.

24 Kakkōjeksataggillo amitut 7 it kakkōjeksataggit silliktut 7 it eveit. Tamakkoalo okautigilauralloarpakka nellautainerluktunnut, tapkoale nellautaivigijungnangilānga tamukkoninga.

25 Josefib Faraο kiova: Faraub sinnektomanigik tamarmik adsigēkpuk. Gudib Faraο nelljungnērtitsomagamiuk pinniaromārnerminik.

26 Tuktuvatsiet 7 it taipkoa, Jarit 7 it nellarungnērtipeit, kakkōjeksataggillo ānanaudlartut taipkoa Jarit 7 it nellonarungnērtipeittauk. Sinnektomaniovuk adsigēktuk.

27 Tuktuvaillo salluktut tækkominaitullo 7 it, taipkoa kingorngattigut kõngmit kakkijut, Jarit 7 it nellonarungnērtipeit; kakkojeksataggillo amitut kunnulingajullo Jarit 7 it kängnartovaksoalit nellonarungnērtipeit.

28 Tamedsale okautigilaukpara Faraomut:

Gudib pinniaromarnerninik nellunaijajok Faraomut.

29 Ahâk, Jarekaromârpok 7 nik akluinartuninik Egiptenib nunangane illunâne.

30 Makkoa kingorngattigullo Jarekaromârpok 7 nik kangnartovaksoalingnik, tagva kannok akluinartorsölaungmet puigortaujomârpok Egiptenib nunangane; nelliutublo kängnartovaksub nuna nungutsomârpa.

31 Nelliutub kängnartovaksub malliktub si-vorngagut kannok akluinartoksölaungmet nuname, mallungnarsijomängilak; okumainaluarmârmät.

32 Faraο aipanganik taimak sinnektomalaungmet, tukkekarpok: Gude sokkoserungnangitomik tuavilune taimailioromârmät.

33 Taimaitomik Faraub angut sillatutsiartok illissimmajorlo kennerasuarliuk, tamna aulatsikovlugo Egiptenib nunanganik illunânik.

34 Pinnasualerlelo pimaklertokarkovlugo nuname, tigulugolo illunarsoangita tellimanget Egiptenib nunangane, Jarit akluinartut 7 it nelliuningene.

35 Jarillo akluinartut pijomärtut nelliuningene nerkikset tamaita kattersorlugit, kakkojekset ätaukovlugit Faraub kemmatullivinginnut, igluga-seksoarne piksakarkovlugit kemmatulliotilugillo.

36 Nuname nerkiksarsiviksakatsainarkovlugo Jarit 7 it kängnartoksöjut nelliuningenne, tapkoa Egiptenib nunanganut pijomârmätta, nunakattigêt kängmut perlerkonnagit.

37 Okautsit tapkoa Faraub, tapsoma kivgangitalo idluariveit.

38 Faraublo kivgenne okautiveit: Nane angu-

mik taimaitomik, Gudib annerninganik illume-kartomik nachvarungnarpita?

39 Josefemullo okarpok: Gudib tamakkoniga tamainik kaujtilaungmattit, assingnik taimak selatōjokangilak illissimmajokangilarlonēt illiktut.

40 Aulatsijungortipagit iglumnētunnut tamainut, okautsitillo nalektaukovakka innukottimnut tamainut, attannersub iksivautanga kissiet pivlugo pinersauvunga illingnit.

41 Ama Faraub Josef okautigiva: Ahāk, Egiptenmiut illunatik nalegeksarivātit.

42 Ketterdlerminelo aggangminit pērlugo tur-niva Josefemut, aggangit ketterdlermilerlugit, Seidemiglo kachortamik annorakartipa, kongesinganullo kellaumgujārsungnik Goldemik illijivlune.

43 Kammutingme attorpaktame aipagingne kemmuksertaukova, tapsoma sivornganelo nipli-adlartokarkova: Tamna nunakattigēt atātagivæt. Aulatsijungortipalo Egiptenmiunnik tamainik.

44 Farauble Josefe okautiva: Uvanga Farao-vunga; igvillo perkojingikuvit nelliellonēt Egiptenib nunangane illunāne issumaminik aggangminik ittikaminiglonēt attortuksaungilak aglæt.

45 Illissimmanartomik angigutsijomik atserarpa; nulliakarkovalo, Asnatemik, ajochertuijub Onemētub Potiferab panninganik. Taimaitomik Josef aularpok Egiptenib nunanga illunāt tækko-jartorlugo.

46 Faraub Egiptenmiut attanningeta sāng-anētillugole Jarekalaukpok 30 nik; Faraomille aularlune ingeralerpok Egiptenib nunanget illunāgut.

47 Nunakattigëlle taimailiorlaukput Jarit akluinartut 7 it tapkoa navlugit;

48 Jarit 7 it tapkoa nelliuningenne nerkikset Egiptenib nunanganëtut tamaita kattessorpeit iglugaseksoarnullo äpeit. Kakköjekset perorsëviksoarnetut iglugaseksuillo illunatik avatägut perorlauktut, tamakkoa tamaita angerutiveit.

49 Taimaitomik Josef kakköjeksennek unnuktovaksoarnik kattessoilaukpok, immab kiglinganëtut siorangititut unnuktigijunnik, taimaimet öktutit unnurningit kittitsungnërpeit kittiksaungimetta.

50 Jarille kängnartoksuit nelliutikärtinnagit Josefemut erniangojokalaukpok ernernik magungnik tapkoa Asnatib ajochertuijub Onemëtub Potiferab panninget erniaringmagik tapsomunga.

51 Erniangokärtorle Manassemik atserarpa, okarlune: Gudib kappiasuktिताulaung nimnik, atätamalo iglunganik illunänik puigortilaungmanga.

52 Aipangale Efraimik atserarpa, okarlune: Gudib aglissitimanga kappiasugvima nunangane.

53 Jarit akluinartut 7 it Egiptenib nunangane nängmetta;

54 Tagva Jarit kängnartoksuit 7 it pigialerput, Josefib nellautsijutigilauktangit. Kängnartoksoarlo nunennut tamainut illingalaukpok; Egiptenib nunanganele illunäne kakköjeksakartillugo.

55 Egiptenib nunanganele illunäne kängnartoksöak pivalliangmettau, nunakattigët Faraonipliavigivæt kakköjamik kennuvlutik. Faraole Egiptenmiunnut tamainut okarpok: Josefemut

aileritse sumik tapsoma perkoppasse pinniareksarivasse.

56 Nunamele illunäne kängnartoksoak pidlarmet, Josefib kemmatullivīt kakkōjeksataggit upkuērpeit illunäne pissiæksautitsilunelo Egiptenemiunnut. Kängnartoksoak pivalliatsainalaungmet nuname.

57 Nunakattigēlle illunatik Egiptenmut tik-kilerput niuvernariartorlutik Josefeme; kängnartoksoak pivalliatsainarmet nunenne tamaine.

KAPITEL XLII.

Jakob erningita ingeraninginnik Egiptenmut. Benjaminib kisime illagingileit.

JAKOB tussarama kakkōjeksennik pissijeksakarmet Egiptenme, erninne okautiveit: Sög siarklinermut issumajarkisse?

2 Tussaramale Egiptenme kakkōjeksennik pissijeksakarmet; taununga attersäleritse, kakkōjeksenniglo pissijartoleritse, innojungnarkovluta tokkokonnatalo.

3 Tagva Josefib kattangutingit tellimaujortut attersärput, kakkojeksennik pissijartoromavlutik Egiptenme.

4 Benjaminele, Josefib nukka, Jakob illaukongila kattangutingit illagilugit, okausekarame: Kannoëtomut tikkitaunajarasugigapko.

5 Israëlib kittorngangit tava tikkilerput, kakkōjeksennik pissinniaromavlutik, assingillo ingerakattigiveit; Kanaanib nunangane kängnartokarmettauk.

6 Josefible attanniotijub nuname kakkōjekset

niuviangotilaukpeit nuname innungnut tamainut. Tapsoma kattangutingitale tikkinamitsuk pamangavigivæt.

7 Tapsomalo tækkunāramigit illitarilerpeit, tækkorngartatulle illingavlune tapkonunga, koksesungnartomik okarvigiveit, okarlune: Nakit pivise? Tapkoa kiovæt: Kanaanib nunanganit nerkiksennik pissinniaromavluta.

8 Naugle illitarigalloarmagit, tapkoa illitarigilæt.

9 Josefiblo sinnektomagilauktaminik tapkoa pivlugit erkaivok; okarvigiveillo: Nautsertoriarteövose, tikkisimmavluselo nuna kemmergojomavlugo, naukut tikkitaujungnarmangæt.

10 Tapkoa kiovæt: Aukagle Attannek; kivgett tit tikkilaukput nerkiksennik pissinniaromavlutik.

11 Uvagut tamapta angutib attautsib ernerivätigut, illuarpogullo, kivgettילו nautsertoriarteölaungimarikput.

12 Tapsoma okautiveit: Aukak, tikkilaukposele kissiane nuna kemmergojomavlugo naukut tikkitaujungnarmangæt.

13 Tapkoa kiovæt: Uvagut kivgett tit 12 ovluta kattangutigēkpogut, angutib attautsib erneriväutigut Kanaanib nunangane, nukardlerpäglo atātappingnēpok sulle; illavut attausek sakkijarungnēpok.

14 Josefib okautiveit: Tagga okautsikka illipsingnut nellautsivut: Nautsertoriarteövose.

15 Tamanna pitjutigællugo öktoromavapse, illa Farao innöngmet, tagvanget aularkongilapse kattangutise nukardlarpak tikkerkärtinnago ovunga.

16 Illase attausek tillissiuk nukapsingnik aik-

lerkovlugo, illipsele parngnanërsimmavingmëni-arpose. Taimak okausise öktoromavakka, ok-pernartunnik okpernangitunniglonët okausekarmangapse, taimaingipelle; illa Farao innöngmet, nautsertoriarteovose.

17 Parngnanersortaukattigëktipeille uvlunnik pingasunnik.

18 Uvluk pingajuængne okautiveit: Innö-jomagupse, imailioritse; Gude opigigapko.

19 Nellagörupse, illase kattangutise attausek kelleksortauke parngnanërsimmavipsingne; illipsele aularitse, pissinniarilautktasselo kängnartoksoak pivlugo angerautilugit.

20 Nukaselo uvamnut tikkiutissiuk, tava okausisse okperiniaromavakka, tokkojuksaukonnase. Taimailiorpullo.

21 Ingmingnullo okarkattigëkput: Tamedsa pitlareksaujutigivavut nukavut pitjutigællugo, tarninget siorniorninga tækkogaptigo, tuksiarvigingmattigut, uvagullo tussaromalaungitavut, tamanna pivlugo kappianartomut tamattomunga tikkitauvogut.

22 Rubenib kioveit, okarlunelo: Tamattomunga okautsaulaungilasse uvamnut: okalaurama: Idluitulliarase nukapiamut omunga, illipsele tussaromalaungilasse? Manna taipsoma aunga akkinniartaujariakarpok.

23 Nellolaukpulle, Josefib tukkisimagit; tapsoma pijitsertauvlune okarvigingmagit.

24 Allarporlo tapkonanget, keavlunelo. Amale sävigigamigit okarvigilaitalo; Simeon tiguva kelleksorlugolo tækkoænne.

25 Josefelo perkojivok, tapkoa põngit illulertaukovlugit kakköjeksennik, akkunit põnginnut akkillitinginnik (kënaujennik) ama illijaukojiv

lune, takkoaksamiglotaug ingeraninginne tunnit-siviokoveit; taimailiorvigiveillo.

26 Tapkoalo pissiarilauktattik elliveit nergjutekottimingnut, aularlutiglo.

27 Sinniktarvingmële tapkoa illangeta põne kellerudsaramiuk siutekõktojokotine nerrititso-mavlugo, kënaujakottinne põngmut illimmajut tækkoveit.

28 Kattangutiminullo okarpok: Kënaujakot-tikka ama pigigivakka, ahäk põmnëput. Tagva kappiasulerput kvaksarlutiglo ingmingne, okarpullo: Sõg Gudib taimailiorvigivätigut?

29 Atätamingnut Jakomut angeralauramik Kanaanib nunangane, illiorvionerningnik tamainik unipkarvigivæt, okarpullo:

30 Angut taimna nunakattiget naleganget koksesungnartomik okausekalaukpok uvaptingnut; nunamiglo nautsertoriarteõnasugælluta okautigivätigut.

31 Kiogaptigole: Idluarpogut, nunamiglo nautsertoriarteutsengilagut;

32 Kattangutigëkpogulle 12 övluta, atätapta ernerivätigut; Attausek sakkijarungnërpok, nuk-kardlerpäglo atätaptingnërpok sulle Kanaanib nunangane.

33 Tagva nunakattigët nalegangeta okautivätigut: Tamanna pitjutigællugo õktoromavapse nellagõrmangapse; Kattangutise attausek uvamnëkolersiuk, nerkiksenniglo illipsingnut neksarluse ingeraleritse.

34 Kattangutiselo nukardlerpäk tikkiutissiak uvamnut, tava tukkisiniarpunga nautsertoriarteunginipsingnik, nellagõrapsele; kattangutiselotaug pititsomarivara illipsingnut, pissinniariar-tojomavapselo nuname.

35 Põtiglo navinamigit illunatik attunit kë naujakottimingnik põngmut illimmajunnik nachvarput. Tækkogamigle kë naujakottitik illuanëmetta tapkoa, atätangelo kvaksarput.

36 Tagva atätangeta Jakob okautiveit: Kit-torngamnik pējaivigivapsinga; Josef sakkijarung-nërpok, Simeon sakkijarungnërpok, Benjamin neksaromavasse, okumainartunnut tamainut tik-kitauvunga.

37 Rubenib atätane kiova, okarlunelo: Tamna uttertingikupko illingnut, tagva ernækka tokko-kik, aggamnulle pitilauruk. Uvanga uttertitso-mavara illingnut.

38 Okarpok: Ernera illagiluse attersärkattau-juksaungilak, oma angajoa tokkungmet, tamnalo kissime amiakovok; tamna apkome kannoëtomut tikkitaulerpet ingerakattigiluse, tava kiksadlarti-taumlunga nujakka kachortet illuvermut pitinajar-passe.

KAPITEL XLIII.

Jakob erningita ingeraninginnik Egiptenmut Benjamin illagilugo.

KÄNGNARTOKSOARLE nuname tamättomane missi-ginavalliavok.

2 Kakkõjeksenniglo Egiptenmit ailauktaming-nik nungutsingmetta, atätangeta okautiveit: Ama ingeraleritse, nerkiksaptingnik pissinniariartor-luse.

3 Tagva Judab okautiva, okarlunelo: Angut taimna koksesungnartomik okausekalaukpok uvaptingnut, okarlune: Kënamnik tækkojomän-gilase, kissiane nukase illagigupsiuk.

4 Taimaipet manna nukavut tillilerungne illa-

giluta, tava attersäromavogut taununga, pissiniariartorlutalo nerkiksarnik.

5 Kissianele tamna tillijomangikungne illagiluta; attersäromangilagut taununga; angut taimna okalaungmet uvaptingnut: Kenamnik tækkojomängilase kissiane nukase illagigupsiuk.

6 Israël okarpok: Sög taimailiorlugvigivissinga angut taimna kaujitigapsiuk nukakarnipsingnik

7 Kiovet: Angutib taipsoma katsungaitomik kiglissiniarlaukpätigut pivluta illavullo pivlugit, okarlunelo: Atätase sulle innöva, sullelo nukakarpisse? Tagva appersutingit malliklugit kiolaukpavut. Tamattomingale nelludlalaukpogut, okautsauniarmangapta tapsomunga: Nukase illagilugo tamaungarkovapse.

8 Tagva Judab atätane Israël okautiva: Innuosuktok tamna ingerakattigilago parngnailerkovluta ingeralutalo, innöjungnarkovluta, tokkonnatalo, tamapta uvagut igvillo kittorngavullo.

9 Uvanga passijeksaujutigijomavara, aggamnit pijeksarivet. Tamna uttertingikupko illingnut, ijikpillo sāngangnut pitingikupko, innosera navlugo passijeksaujutigijomavara.

10 Taimak kikkartuinalaungikupta maggoërtordluta utterajalauktogut.

11 Tagva atätangeta Israëlib okautiveit: Taimaitseriakarpelle, taimailioritse, nunablo perortunginnit ajunginerpāngojunnik pöse illulerlugit neksaritse, pilliusienniglo ätsititse taununga angumut taipsomunga, mingoarutiksamik, igupset orksuënniglo, tauvlukutiksenniglo, Mirreniglo, Datteliniglo, Mandeleniglo.

12 Kēnaujettauk assinginnik kēnaujet taipkoa pōpsingnut illimmalauktut illautilugit, tamangnik

neksaritse. Tammartokarnerpallaivok taipso-
mane.

13 Taimaktauk nukase neksarlugo ingeraler-
itse, angut taimna ama tikkimilugo.

14 Gudible ajugakangitotõjus näpkigijautilise
angutib taipsoma sāngane, tapsoma illautiligik
kattangutise taimna, Benjaminelo illipsingnut.
Uvangale kittorningaminik aksartaumariktotun-
ituksauvunga.

15 Tagva pilliutikset taipkoa kēnaujello mag-
goērtorlugit neksarlugit, Benjaminelo illagilugo
parngnailerput, ingeravullo Egiptenmut, Josefelo
tikkipæt.

16 Josefib tapkoa Benjamin illagilugo tækko-
gamigit, pimmaklertokotine okautiva: Angutit
tapkoa ittertikit iglomut, tokkotsilerit nerkiksal-
liorlutillo; tapkoa ketterarpet nerrikattiginiarap-
kit.

17 Angut tamna Josefib okausingit malliklugit
pinniarpok, angutillo ittertiheit Josefib iglunga-
nut.

18 Tapkoale sivoralerput Josefib iglunganut
ittertitauleramik, okarpullo: Tamaunga itterti-
tauvogut, kēnaujet nachvarlauktavut põptingne
pivlugit; passidlaromavluta, pitlaromavlutalo,
kivgarijomagamittigut ingminut, siutekõktojojokot-
tivut illelliudlugit.

19 Taimaitomik Josefib pimmaklertokotinga-
nut sālutik okarvigivæt upkutsab sillatāne,

20 Okarlutiglo: Attannek, mattoma sivorn-
agut tēmaungalaurapta nerkiksennik pissinniar-
luta;

21 Sinniktarvingmullo tikkigapta, ahāk, pōvut
kellerudsaraptigik, tamapta attunit akkilliutigi-

lauktavut kënaujet tamaita nachvarlaukpavut pöptingne, taimaimet ama neksarivavut.

22 Taipkoa kënaujet assinginnik neksarpogut, nerkiksennik pissinniariartorluta; nellovogulle kia kënaujavut illilaungmangagit pöptingnut.

23 Tapsomale okautiveit: Ullapirsautekaritse, sivöraniaraselo. Gudipse atätapselo Gudinget pilliutinnik pöpsingnut tunnitsivigiväse. Kenaujakottisse pilaukpakka. Simeonelo annitipa tapkonunga.

24 Josefible iglunganut ittertipeit, immermiglo tunnitsivigiveit, ittikkamingnik ubvarkovlugit, siutekõktojojokottingillo nerkiksakartilaita.

25 Tapkoale pilliutitik äkiksorpeit, Josefib kailarninganik uvlub ketterarninga tikkilugo tus-salauramik, tagvane nerrijuksaunermingnik.

26 Josef iglomut ittermet, pilliutimingnik aggangmingnut tapsomunga tunnijilerput pamangalerpullo nettimut tapsoma sängane.

27 Tapsomale illannakarlune salutilugit okautiveit: Atätase itok okautigilauktase uvamnut kannoëngitsiarka? Sulle innöva?

28 Kiövæt: Kivget atätavut kannoëngitsiarpok innövorlo sulle. Okkungavlutiglo pamangalerput tapsoma sängane.

29 Josefelo uidlune nukane Benjamin, anäname erninga tækkova, okarlunelo: Una nukarivissiuk okautigijase uvamnut? Amalo okarivok: Ernik, Gudib saimarlitit.

30 Josefelo annisarpok nukane næglingnermut illungertutigigamiuk, kugvioromavlundelo nane, iglominut itterpok, kugviolarmelo tagvane.

31 Ermikkamele annivok koksesuklundelo okarpok: Kakkõjamik nerrimmavingmut illijititse.

32 Tagva ingmikörutiksanginnik illijivut, taipkoalo nerkiksanginnik ingmikut, Egiptenmiullo nerrikattigijangita nerkiksanginnik ingmikuttauk. Egiptenmiut Ebræerit nerrikattigilugit idluigigamitsuk kangugilälo.

33 Tapsomalo sāngane ingikoveit, angajuklerpāk erniangokārninga pitjutigællugo, nukardlerpāglo innuosungninga pitjutigællugo. Tamanale pivlugo tattamminiadlarput ingmingne.

34 Nerkiksenniglo ätsivut Josefib nerrimavianut tapkonunga, Benjaminemulle ätsivut telimaitorlutik unnunersennik assinginnit, immerpullo immerkattigivæello namaksilutik.

KAPITEL XLIV.

Josefib ermguſinget illijauninganik Benjaminib põnganut.

JOSEFIB pimaklertokotine perkova, okautilälo: Angutit tapkoa põngit illulikit nerkiksennik, kannok unnuktigijunnik neksarungnarmangættalonēt, attunillo kēnaujakottinginnik illijilerit põngita ilulingita kānginnut.

2 Ermguseralo Silbere illiuk nukardlerpāb põnganut, kēnaujello, kakkōjeksennik akkilliutigilauktangit tappilugit. Josefib okausingit tapsoma mallikpeit tagva.

3 Tāvlekut, kaugiartillugo, angutit tapkoa aularkoveit siutekōktojokottingit illagilugit.

4 Iglugaseksoarnille aularmetta, kannitomētilugillo sulle, Josefib pimaklertokotine okautiva: Atte, tuavilutit angutit tapkoa malligasuarkeit, angukungnelo okarvigikit: Sōg ajungitomik akkinniarpiſe idluitomut?

5 Tamna angajokama ermguseringila, tukki-sitiginginiva (illiornipsingnik?) Idluitulliarlauk-pose.

6 Angugamigit, okautsit tamakkoa okautigiveit tapkonunga.

7 Tapkoa kiovæt: Angajokävit, sōg imaitunik okausekarkit? Kivgettīt taimailiorniatsengilet.

8 Ahāk, kēnaujet nachvarlauktavut pōptingne, uttertilaukpavut Kanaanib nunanganit illingnut. Uvagulle angajokävit iglunganit Silberemik Goldemiglonēt tigliktuksaujungnarpita?

9 Nelliellonēt kivgavit akkorngænne matto-minga nachvartauviōjok tamna tokkojuksauvok; uvagullo illunata kivgaujomavoguttauk attennek illingnut.

10 Okautiveit: Sorlo okarapse taimaile: Nelliellonēt mattominga nachvartauviōjok kivgarilarpara; illipsele kivgauniængilase.

11 Mannakullo attunit pōtik illiveit nunamut, attunillo pōtik kellerudsarpeit.

12 Kennerasuarporlo angajuklerpāb pōnganīt nukardlerpāb pōnganut; tagvale ermgusek Benjaminib pōngane nachvarpa.

13 Tava annorātik alliktorpeit, attunit siutekōktojokottimingnut illijivut, iglugaseksoarnullo uttermilutik.

14 Judalo kattangutinne illagilugit itterpok Josefib iglunganut, tagvanēmet sulle; pamangalerpullo nettimut tapsoma sāngane.

15 Josefible okautiveit: Kannok taimailiorungnalaukisse? Kaujimmangilase angumut taimaitomut uvaptut nellonartokangimet.

16 Juda okarpok: Attannik, sumik okarung-

narkita, kannorlonët okausekariakarkita, kannorlo passijeksaunginivut kigligiutigilugo? Gudib kivgavit idluitulliarningit nachvarpeit. Ahäk, tagga uvagut, tamnalo ermgusermik nachvartauvik, illingnut attannek kivgaulerpogut.

17 Tapsomale okautiveit: Taimailioromat-sengitunga. Angulle tamna, ermgusermik nachvartauvik kivgarivara; illipsele ullapirsautekar-luse majorarkovapse atätapsingnut.

18 Tagva Judab sädlugo okautiva: Attannik, kivget okausiksakalaule siutingnut, attannik; ningaumajarnivillo kivget illungertutigiganiuktök; Faraotun igavit

19 Attannik, kivgettit apperilaukpettitokarlutillo: Atätakarpise kattangutekarluselonët?

20 Tagva kiolaukpaptigit: Itomik atätakarpogut, nukapiakarivoktauk, tamna innutokautilugo erniangovok; oma angajoalo tokkovok, tamnalo kissime amiakōvok anānanganit, atätangello nægligidlarpa.

21 Tagva kivgettit okautilaukpettit: Attersärkattaussiuk uvamnut; tækkojomagapko.

22 Uvagulle kiolaukpaptigit Attannik: Nukapiak taimna kemmajungnangilak atätaminik, kemmekpagole tokkonajarpok.

23 Tagva okalaukpotit kivgarnut: Nukase illagilugo tamaunga tikkingikupse, kēnara tæk-koniarungnērpasse.

24 Taimainet kivgarnut atätamnut majorarlaukpogut, okautsitillo attannik, okautigilaukpavut taipsomunga.

25 Atätaptalo okautivätigut: Aularmititse, nerkiksaptigniglo pissinniariartoritse.

26 Uvagullo kiovogut : Attersärungnangilagut, nukapta illagikpattigut kissiane, tava attersäromavogut, angutib taipsoma kēnanga tækkojeksaringinaptigo nakavut illagingikuptigo.

27 Tagva kivgavit atātama okautivātigut : Kaujimmavose, nulliara maggungnik ernekalaungmet ;

28 Tapkoa illangæk aularsimmavok uvamnit, alliktortauningalo okautigijauvok, mattoma kingorngagullo tækkojungnērpara.

29 Tapsomingaletauk pējaivigigupsinga, kan-noētomullo tikkitaulerpellonēt, tava kiksadlartitauvlunga nujakka kachortet illuvermut pititso-märpasse.

30 Kivgarnut atātamnut manna angeralerumale nukapiarlo una illagingikuptigo ; tarninget oma tarninga ungagingmago,

31 Imaitsomärpok : Tækkogune, nukapiak illaginginaptigo, tokkonajarpok ; uvagullo, kivgavit, atātapta kivgavit nujangit kachortet, kiksartitaunermut illuvermut illijartorniarajarpavut.

32 Uvanga kivget nukapiak tamna passijeksaujutigigapko atātamnut, okautigigapko : Tamna uttertingikupko illingnut innōsera nāvlugo passijeksaujutigijomavara.

33 Tamanna pivlugo kivget uvanga tamanēt-sainarlanga, nukapiak simmerlugo, illingnut attannik kivgaulerkovlunga, nukapiarlo majorarkolauruk kattangutinne illagilugit.

34 Kannorle atātamnut majorarungnarkik, nukapiak aiparingikupko ? Illa atātama kiksarnermut tikkitauninganik angijoksoarmik tækko-najarama.

KAPITEL XLV.

Josefb illitarijauuninganik kattangutiminut.

TAGVA Josef nunojungnarungnèrpok, najortime illunatik sānginne, nipliavorlo : Illunatik uvamnit annilit. Innublo attautsiblonèt najungila Josefb kattangutaunerminik nellojungnèrtiniaramigit.

2 Taimak angitigijomiglo keavok, Egiptenmiut, Faraublo kivgangita tussarmatsuk aqlæt.

3 Kattangutiminullo okarpok : Josefeðvunga. Atātaga sulle innöva? Kattangutingitalo kiolugo sapperpæt, taimak angitigijomik kënanga kvaknurutigivæt.

4 Kattangutinnele okautiveit : Kaigialeritno uvamnut. Tava aivigivæt. Okautiveillo : Josefeðvunga kattangutise niorgutigilauktanne Egiptenmut.

5 Mannalo kappiasukojomangilapno, ningaumajarasuginiarassingalo niorgutigilaurapninga tamaunga ; innösise pivlugit Gudib sivunapsigut tamaunga tillilaungmanga.

6 Jaringnik maggungnik manna kängnartoksoakalaukpok nuname ; sullele Jarinnik tellimannik poagregarviksakaromāngilak katterniviksukaromāngilarlonèt.

7 Gudible sivunapsigut tamaunga tillilaupānga nunamekojomagamise, innösise piulijomagamigit piulijaujutiksamut angijoksoarmut.

8 Tagvalo illipse tamaunga tillilaungilapninga, Gudible ; tapsoma atātangortilaukpanga Faromut, nalegangortilarmalo tapsoma iglungamut,

attanningortilungalo Egiptenib nunanganut illunānut.

9 Tuavisāleritse manna majorarluse atātamnut, okautijartorlugolo: Tamattominga ernerpit Josefib okautsaukovātit: Gudib attanningortipānga Egiptenib nunanganut illunānut, attersālaurit uvamnut, mulludlarniarnæk;

10 Gosenib nunangane nunakarkovagit, kannitamnēlutillo, igvit kittorņgetillo, erngutettillo, nergjutekottitillo angijut mikkijullo, perkutitillo tamaita illuēngardlugit.

11 Taikane pattangaititsomavagit, sulle manna Jarinnik tellimānnik kängnartoksoakarniarnmet, igvit perlerkonnæk, iglomiokattitillo najortitillo tamaita illagilugit.

12 Ahāk, ijipse tækkovānga, nukkamalo Benjaminib ijikita tækkovānga, uvanga illipsingnut okarama.

13 Ananaunera illunāt Egiptenme okautigisiuk atātamnut, tækkolauktasselo tamaita; tuavidlarluse atātaga illagilugo attersāritse ovunga.

14 Nukkanelo Benjamin erkipa kealunelo; Benjamintauk keavok erkilugo.

15 Kattangutinelo tamaita kunnikpeit keajutigilaitalo. Mattoma kingorngane kattangutinigita okarkattigivæt.

16 Faraub iglungane tussaumajaungmet Josefih kattangutinigita tikkininget; Faraub kivgangita illunatik kувiasutigivæt.

17 Faraublo Josef okautiva: Kattangutitit okautikit: Imailioleritse, nergjutekottise nangmartiniarsigik aularluselo.

18 Kanaanib nunanganut tikkikupse, tava

atātase illasselo tamaita illagilugit tikkileritse uvamnut; perkutiksennik tunnitsivigijomavapse Egiptenib nunangane, nunab ajungitanginnik nerkiksakarkovluse;

19 Perkolugillo taimailiorkovlugit, kammutillo neksarniarsigik Egiptenib nunanganit, kitkorn-gapsingnut nulliapsingnullo, atataselo illagilugo tikkilermititse;

20 Perkutisselo ivleriniarassigik, Egiptenib nunanget illunāt perkutingit nangmineri-jomārap-sigik.

21 Israëlib kittorngangit taimailiorlaukput. Josefiblo kammutinnik takkoaksenniglo ingeran-ninginne tunnitsivigiveit, Faraub perkojanga mal-liklugo.

22 Illunaita attunit annoratsiarmik tunnit-sivigiveit; Benjaminele kēnaujennik 300 nik an-noratsienniglo tellimænnik tunnitsivigiva.

23 Atātaminullo siutekōktojut tellimaujortut nangmartitaujut perkutinnik Egiptenmit, siute-kōktojullo arnaujut tellimaujortut kakkōjeksen-nik, kakkōjamiglo, takkoaksamiglo nangmartitau-jut atātame attoreksanginnik apkome neksartau-koveit.

24 Kattangutinne tava ingerakoveit, aularmet-talo okautiveit: Akkerartortigēngniarase apkome.

25 Tava Egiptenmit majorarput, atātatiglo Jako Kanaanib nunangane tikkipæt.

26 Unipkarvigilugolo okautivæt: Josef innō-vok sulle, attanniovorlo Egiptenib nunangane illunāne. Oma omættingale assianik issumakar-pok, okperinginamigit.

27 Tagva Josefib okausingit tamaita, okauseri-

lauktangit tapkonunga, okautigiveit tapsomunga. Kammutille Josefib tujoutigilauktangit omunga, tapkonuna taikunga ingerakovlugo; atätangeta Jakob annerninga omaridlalerpok.

28 Israëlelo okarpok: Namaksivunga, ernera Josef sulle innöngmet; tækkojartoromavara tokkokärtinnanga.

KAPITEL XLVI.

Jakob ingeraninganik Egiptenmut, ernerninut Josefemut.

ISRAËL tava aularpok, perkutinne tamaita neksarlugit. Bersabamullo tikkiname tunnergutinik ikkoälavok atätame Isaakib Gudinganut.

2 Gudiblo unnuangotillugo tækkotitjutikut okautiva: Jakob, Jakob! Tamna kiovok, Manëpunga.

3 Okautivälo: Uvanga Gudeovunga, atätavit Gudigivānga; attersärnit Egiptenmut sivorajutiginiarnago pīt, taunane innugaseksoangortitso-magapkit.

4 Attersärkattigijomavagit Egiptenmut, amatauk uttertitsomärivagit tamaunga; Josefiblo agganne ijingnut illijomärpeit.

5 Tagva Jako aularpok Bersabamit; Israeliblo kittorngangita atätatik kittorngatiglo nulliatiglo ikkiveit kammutinut Faraub tujoutigilauktanginnut, kemmuksiotilugit.

6 Nergjutekottitiglo perkutitiglo piksarsiogarilauktattik Kanaanib nunangane neksarlugit Egiptenmut; Jakob kinguvānne tamaita illagilugit.

7 Kittornganne erngutannelo, panninne, tapkoa kittorngangillo, kinguvännelo tamaita Egiptenmut illagiveit.

8 Tamedsa Israëlib kittorngangita Egiptenmut tikkilauktut, Jakob erningitalo attingit: Ruben Jakob ernerikarpa.

9 Tagva Rubenib kittorngangit: Hanoch, Pallu, Hezron, Garmilo.

10 Tagva Simeonib kittorngangit: Jemuel, Jamin, Ohad, Jachin, Zohar, Saulelo arnab Kanaanemiub erninga.

11 Tagva Levib kittorngangit: Gerson, Kahat, Meranilo.

12 Tagva Judab kittorngangit: Ger, Onan, Sela, Perez, Seralo. Gerele Onanelo tokkolaukpuk Kanaanib nunangane. Tagvale Perezib kittorngagik: Hezron, Hamulelo.

13 Tagva Isascharib kittorngangit: Tola, Fua, Job, Simronelo.

14 Tagva Sebulonib kittorngangit: Sered, Elon, Jaleelo.

15 Tapkoa Leab kittorngariveit erniarilauktangit Jakomut Mesepotamiamē panningalo Dina illautilugo. Tapkoa tamaita erneret pannigēllo, kittilugit 33 övut.

16 Tagva Gadib kittorngangit: Zifion, Haggi, Suni, Ezbon, Eri, Arodi, Arelilo.

17 Tagva Asserib kittorngangit: Jemma, Jesua, Jesui, Bria, Seralo tapkoa najanget. Bribable kittorngagik Heber, Malchielelo.

18 Tapkoa Silpab, Labanib tunnillauktanget panningminut Leamut kittorngarilaukpeit, kittorngarēt 16 öjut tapkoa kittorngiariveit Jakomut.

19 Tagva Rahelib Jakob nullianget kittorn-gagik Josef Benjaminlo.

20 Josefelo ernertarpok Egiptenib nunangane Manassemik Efraimemiglo, tapkoa Asnatib Potiferab ajochertuijub Onemētub panninget erniari-laukpak.

21 Tagva Benjaminib kittorngangit: Bela, Becher, Asbel, Gera, Naaman, Ehi, Ros, Mupim, Hupim, Ardelo.

22 Tapkoa Rahelib kittorngarilaukpeit. Jakob kinguvāngit tapkoa 14 öjut.

23 Tagva Dinab kittornganga: Husim.

24 Tagva Naftalib kittorngangit: Jahzeel, Guni, Jezer, Sillemlo.

25 Tapkoa Bilhab Labanib tunnilauktanget panningminut Rahelemut kittorngarilaukpeit, kittorngarēllo 7 öjut tapkoa kittorngiarilaukpeit Jakomut.

26 Innöjut tamaita Jakob illagællugo Egiptenmut tikkilauktut, tapsoma ernertarilauktangit (erningita nulliangit kissēta pinagit) tapkoa tamaita kittilugit 66 övut.

27 Josefiblo kittorngagik Egiptenme erniari-lauktagik maggövk, taimaitomik innöjut Jakokunnut illingajut, Egiptenmullo tikkitut tamaita 70 övut.

23 Jakoblo Juda sivunerminut aikova Josefe-mut namut ainermik Gosenmut unertojaujomav-lune tapsomuŋga; Goseniblo nunanganut tikkil-erput.

29 Josefiblo kammutingne annoriviokovak Gosenmullo ingeravok atātane Israēl pachrearomav-lugo. Tækkogamiuglo erkipa kongesingagut, erkilugolo kongesingagut keadlarpok akkunit.

30 Tagva Israëlib Josef okautiva: Manna tokkojomagalloarpunga, kënet tækkolaurapko, sulle innöjotit.

31 Josefib kattangutinne atätamelo iglomio-kattingit okautiveit: Majoraromavunga, Faraolo kaujititsomavlugo okautijomavara: Kattangutikka, atätamalo iglomiokattingit uvamnut tikkilaukput Kanaanib nunanganit,

32 Tapkoalo nergjutinnik mianersijövut, nergjutit mianerivakkamigit; nergjutekottitik angijut mikkijullo perkutitiglo tamaita neksarlaukpeit.

33 Farauble kaikoppasse appersorluselo: Sumik pinnasuarviksakarkisse?

34 Okartuksauvose: Uvagut kivgettit nergjutinnik mianersivakpogut sorrusioniptingnit manna tikkilugo, uvagullo, sivorlivullo; Gosenib nunangane nunakarkovluse. Egiptenmiut nergjutekottinnik mianersijut makkojucingmagit.

KAPITEL XLVII.

Jakob nunakarninganik Gosenib nunangane. Kängnartoksub pivallianinganik Egiptenme.

JOSEFIB Farao okautijartorpa, okarlunelo: Atätaga kattangutikkalo, nergjutekottitik angijut mikkijullo, perkutitiglo tamaita neksarlugit, Kanaanib nunanganit tikkilaukput; ahäglo, tapkoa Gosenib nunanganëput.

2 Kattangutiminillo nuk kardlionsset tellimæt ittertipeit Faraomut.

3 Tagva Faraub kattangutingit okautiveit: Simik pinnasuarviksakarkisse? Kiovæt: Uvagut

kivgettit nergjutekottinnik mianersivakpogut, uvagut sivorlivullo.

4 Okarivullo Faraomut: Tikkisimmavogut nunakaromavluta nunangne, kivgettit iviksukkalik-sakanginamik nergjutekottimingnut, taimak ang-itigijomik kängnartoksoak missiginarmet Kanaanib nunangane; taimaitomik manna kivgettit Gosenib nunangane nunakarkolaukit.

5 Faraub Josef okautiva: Tapkoa atätet kattangutitillo tikkilaungmetta illingnut;

6 Egiptenib nunanga illunät angmarpok illingnut nunab änanaunerpängoningane nunakarlit, Gosenib nunangane nunakarlit; tapkoa akkorngænnelo angutekarpet illigsimmajunnik, tava mianersijungortilaukit nergjutekottimnut.

7 Josefib atätanetauk Jako ittertupa, Faraomut tessiorlugo: Jakoblo Farao saimarpa.

8 Farauble Jako apperiva: Kapsinik Jarekarpit?

9 Jakob Farao kiova: Innöserma sivituninga Jarekarpok 130 nik, innöserma uvlungillo ikkiput ajorlarmiglo, sivorlimalo uvlungit arvertarninginne nuname innorpeit.

10 Jakoblo Farao saimarpa, tapsomangello annivok.

11 Josefelo iglulliorkojivok atätame kattangutimelo igluksanginnik, Egiptenib nunanget illanga perkutautupa tapkonunga, nunab tamatoma änanaunerpängoningane Raemeses attelingme, Faraub perkojanga malliklugo.

12 Atätanelo kattangutinnelo, atätame iglomiokattungillo tamaita, kittorngangit illagivlugit pattangaitiniveit.

13 Kakköjajakarungnërporle nunenne tamaine, kängnartoksoak okumainalualerporlo, Egipten-

miut Kanaanemiullo kängartoksoak pivlugo perlilerput.

14 Josefiblo kënaujet tamaita Egiptenmëtut Kanaanemëtullo kakköjekset akkingit kattessorpeit; Josefiblo kënaujet tamaita Faraub iglunganut pitipeit.

15 Egiptenible Kanaaniblo nunagingne kënajakarungnëramigle, Egiptenmiut illunatik Josef tikkipæt, okautilugolo: Kakköjamik tunnitsivigittigut; Sög sängne perlertuksauvita, kënaujakanginapta?

16 Josefib okautiveit: Nergjutekottisse nek-sarsigik, tagva nergjutekottit akkigilugit kakköjeksennik tunnitsivigijomavapse kënaujakanginapse.

17 Tagva nergjutekottitik horsit, saukello tuktuvallo, siuteköktojullo tikkiutiveit Josefemut, täpsomalo kakköjeksennik tunnitsivigiveit. Taimagle kakköjeksennik nerritipeit Jare nävlugo, nergjutekottingit tamaita akkigilugit.

18 Jare tamanna nängmet, Jarib aipangane ama tikkinivut tapsomunga, akautilugolo: Tamedsa angigutigijomangilavut attanniptingnut kënaujavut kissëtaungitut, nergjutekottivulle-
tauk pissiangongmetta attanniptingnut, assianiglo akkilliutiksakangilagut attanniptingnut timip-
tingnik perorsëviptingniglo kissënik.

19 Sög perlertuksauvita sängne perorsëvivullo asserortuksauvæt? Pissinialaurit uvaptingnik perorsëviptingniglo kakköjakarkovluta, uvagut perorsëvivullo perkutaulit Faraomut; karngasut-
nik tunnitsivigilaungmittigut innökovluta, per-
lerkonnatalo perorsëvivullo asserorkonnagit.

20 Tagva Josefib Egiptenib nunanga illunät

pissiariva, Faraomut pitilugo; Egiptenmiut illunatik attunit perorsēvitik niorvgutigingmagit kängnartoksoak angiluarmet tapkonunga. Taimaitomik Faraub nuna tamedsa perkutigiva.

21 Innuillo avipeit iglugaseksoarnut pitilugit Egiptenib nunanget illunānit.

22 Ajochertuijulle perorsēvingit kisseta pissiaringileit, tapkoa Faraub tunnilaungmagit ajo-chertuijunnut, okautaujut tapkoa nerkiksarsiorutigijeksaringmagit; tunnitsiviōgamik tapgoninga, taimaitomik perorsēvitik niorvgutigijeksarilaungileit.

23 Tagva Josefib innuit okautiveit: Okokse, uvlome illipsingnik perorsēvipsingniglo pissilauk-punga Faraomut pitilugit, okokse, karngasute-karkovapse perorsēvit perorsijeksakartilugit.

24 Kakkōjeksello kattimmajungita unnurn-ingita tellimangit tunnijeksarivasse Faraomut, kattimmajulle sittamait attoreksauvut illipsing-nut, perorsēvingmik karngatitsiluse, nerkiksa-karkovluse illipse kittorngasselo iglomiokattisselo.

25 Okarput: Innokolaungmittigit, takopsoa-gilaungmittigullo Attannek, kunnutuiluta kiv-gaujomavogut Faraomut.

26 Tagva Josef Egiptenmiut perorsēvingit pivlugit perkojivok sokkoserungnangitomik uvlok tamanna tikkilugo, imak: Kakkojekset kattimmajungita unnurningita tellimangit tunnijeksaringmagit Faraomut; ajochertuijulle perorsēvingit kisseta pinagit, tãpkoa Faraub perkutigingileit.

27 Israēlekulle nunakalerput manna Egiptenme Gosenib nunangane, tamedsa nunakotigilugo aglissivalliaavut unnuksivallialarmiglo.

28 Jakolo Jarinnik 17 nik innöngmet Egip-
tenib nunangane, Jaringit illunatik 147 övut.

29 Israëlible tokkoviksanga nelliutingmet
ernine Josef kaikova ingminut, okautilugolo:
Saimartauniksasiguma illingne, tagva aggaktit
sibviamnut illilaukit, næglinermik nellagörner-
miglo sakkertitsijomaguvit uvamnut, illuverniar-
nanga Egiptenme.

30 Sivorlikka illuverkakattigijomavakka, Egip-
tenmillo âteksarivarma taipkonunga illuvingenne
illuverlunga. Okautiva: Taimailioromavungo
sorlo okalauravit.

31 Okarivorlo: Tagvale sokkoserungnangito-
mik angerviginga. Angervigivalo. Israëlib tava
sinnigvingmine akkitiminut innärpok.

KAPITEL XLVIII.

Jakob saimartitsiniganik Efraimenik Manassemiglo.

MATTOMA kingorngane Josef okautsauvok: Ahäk,
atätet kannimmalukpok. Tagva ernængne Ma-
nasse Efraimelo illagivak.

2 Taimaimet Jako okautsauvok: Ahäk, ernit
Josef kailerpok illingnut. Israëlelo sōngosilune
ingilerpok sinnigvingmine.

3 Josefemullo okarpok: Gudib ajugakangito-
tōjub sakkervigilaujovānga Luseme Kanaanib nu-
nangane saimarlaukpāngalo.

4 Okautivāngalo: Ahäk, aglissivalliatitsoma-
vagit unnuksivalliatitsomalarpillo, innugasekso-
angortitsomavagillo, nunalo tamedsa perkūtautit-
somavara illingnut kinguvāngnullo issokangito-
mut.

5 Taimaitomik ernikik Efraim Manasselō

Egipteni nunangane ernertakik, tikkerkärtin-nanga illingnut; nangminerijomavakka Rubenetut Simeonetullo.

6 Ernerijomärtattille tapkoa kingorngængne nangminerijomärpettit, taijaujomärpullo kattangutingititut kingormgutijamingne.

7 Mesopotamiamit tikkinama Rahel tokkovok, Kanaanib nunangane ingeratilluta Efratib kan-nitakasangane, tagvanelo apkome Efratemut to-rartome mannale Bethlehemik attelingme illi-jartorlaukpara.

8 Israëliblo Josefib ernijik tækkogamigik, okarpok: Kikuk ukkoa?

9 Josefib atätane kiova: Ukkoa ernerivakka Gudib tunnilauktagit uvamnut. Okarivok: Kailik uvamnut saimaromagapkik.

10 Israëlible ijigiik innutokaunermut takpēleramik tækkojungnalaungilak namaktomik. Tap-somungalo tessiorpak. Jakoblo kunniklugiglo erkipak.

11 Josefemullo okarpok: Ahäk, kēnet tækko-laukpara issumagilaungitamnik, ahäglo, Gudib kinguvängniktauk tækkotipānga.

12 Josefiblo tapsoma sānganit pērpak, okkung-avlunelo nettimut tapsoma kēnanget sāngane.

13 Tagva Josefib tamarmik tiguvak, Efraim tallerpingminut Israëlib saumia sād-lugo, Manas-selo saumingminut Israëlib tallerpia sād-lugo, tessiorlāniglo omunga.

14 Israëlible agganne tallerpit issakpeit illi-laitalo Efraimib nuk kardliub niakoanut, saumin-elo illiveit Manassib niakoanut, pijarællunelo aggangminut taimailiorpok Manasse erniangok-ārtongmet.

15 Josefelo saimarpa, okarlunelo: Gudib atā-

tama Abraham Isaakiblo arvertartigilauktakita, Gudib nerrititsilauktub uvamnik innösimne tamät uvlok tamanna tikkilugó.

16 Engelib piulijima idluitunnet tamainit, tap-soma nukapiæk ukkoa saimarligik taijaulerkov-lugik atätængma Abraham Isaakiblo attigingnut, aglissivalliakovlugik unnuksivalliakovlugiglo nu-name.

17 Josefible tækkogame, atätanget agganne tallerpít illilaungmagit Efraimib niakoanut, idlu-aringila, atätamelo aggangit tiguveit peromavlu-git Efraimib niakoanit, pititsomavlugillo Manas-sib niakoanut.

18 Okautivalo: Taimailiornæk atätaga; tamna erniangokärtövok, oma niakoanut aggaktit taller-pit illilaukit.

19 Attäängelle taimailioromanane okautiva: Nellungilanga ernik, nellungilanga. Omanget-tauk innukattigëksuit pijomärput, pijarialiksöjo-märporlo, oma nukkangale pijarialiksönersaujo-märpok omanget, kinguväksangillo innukattigëk-soangortitaujomärput.

20 Taimagle uvlorme taipsomane saimarpak, okarlunelo: Israëleme saimajomajokarpet innung-mik okartuksauvok: Gudib illiorvigilitit Efrai-metut Manassetullo. Tagvalo Efraim pijaria-liksonsautipa Manassemit.

21 Israëlelo Josefemut okarpok: Ahäk, tok-kolarpunga, Gudiblo illagijomärpäse, uttertitso-märpäselo atätapse nunangenut.

22 Nunab illanga perkutaulilaukpara illing-nut, kattangutivit nunangeta assia, tamedsa sa-viksöamnut pittiksimnullo aksarnigarilauktara Amoriterit agganginnit.

KAPITEL XLIX.

Jakob nellautaininganik sorērutiksanganiglo.

JAKOBLO erninne kaikoveit ingminut, okarlune: Kattimmatitse, okautsauniarapse uvamnut illingajomārnipsingnik, nelliutome pijomārtome.

2 Kattimmatitse illunase, tussarluselo, erniojose Jakomut, atātasselo Israēl tussarsiuk.

3 Ruben igvit ernerikārpagit nukkimnit pitsartunimnillo sivorlerpāmit pivotit, ajochertuijuksaunerōvotit angajokaunerōvlutillo.

4 Kuksalaidlarlutit immektut kōktotun-īlaukpotit. Igvit angajokaunerōjuksaujungnērpotit; atātavit innangavianut pilauravit, tagvane sin-nigviga sujuktilaukpet pinniarnernut.

5 Kattangutigēk Simeon Levilo; tapkoa saviksoagik sakkōvuk tokkonartuk.

6 Tarniga illaukojomangitara tapkoa kajusivigingnut, nertornarneralo ituksaungilak kachimiovigingne; ningaumajadlarlutik angut imna tokkomakko, kuksalaidlarlutiglo tuktuvait nungutimagit.

7 Ominarsile tapkoa ningaumajarnigik taimak angidlarmet, kassēnigiglo taimak sōngojoksōngmet. Tapkoa avitautitsomavakka Jakokunne, siamartilugiglo Israēleme.

8 Juda, taimnauvotit, igvit nertortaujomārpotit kattangutingnut. Aggakpit omīgijivit kongēsingit tigumiartoromārpeit, sāngnelo atātavit kit-torngangit okkungajomārput.

9 Juda Loeviarauvok. Igvit ernik salakadlarnernut ivlernartitauvotit angijomik. Serkor-

torpok innangalerporlo Loevetut angusalloktut, Loevetullo arnaujutut; kia akkerartoromavauk?

10 Opigijautiksak Judamit aksarnigauniatsengilak, ajochertuijorlonèt tapsoma ittigangin-nit, ajugakangitotōjok tikkerkärtinnago; tamnalo nunakattigěksuit ungagijomärpæt.

11 Tapsoma nergjutekotimne kittornganga pit-tütseromärpa Weinelihsab napartunganut, siute-kōktojokotimelo erniarijanga Weinelihsab akker-oanut. Annoräne Weinemut ubvaromärpa, ul-liksoanelo Weinelihsab iptinganut.

12 Ijigik aupalunersauvuk Weinemit, kigu-tingillo kachornersauvut immungmit.

13 Sebulon immarbiksub umiakoviane nuna-karomärpok, umiaksuillo umiakoviane, Sidonelo tikkilugo.

14 Isaschar nergjutetun nukkekadlartotun-īpok, tamna nunet kiglinginne inniksakaromär-pok.

15 Merngoërservik tækkolugo idluariva, nuna ānanaugilālo; erksugeksennulle kunnutsenginame kippalungortitauvok.

16 Danib nunakattinne erkartoromärpeit sorlo Israēlitit kinguvarëninginnut illingavlune.

17 Dan kuglugiangojartotun apkome itsomär-pok, kugligiaräluktun apkosinerme, horselo king-mingagut kējomärpa, oma kängane iksivajok ni-verkovlugo.

18 Nalegak piuliklernīt nerriugivara.

19 Gad sorsuktuksoarnut unnuktovaksoarnut pagvisärtaujomärpok, sālagijomärpeille.

20 Asseremit kakkōjatsiak orksulik pijomär-pok, attennersoatullo nerkiksatsiakaromärpok.

21 Naftali tuktutun sukkallijotun-ïpok, okaut-sinniglo tussarominartunnik tunnijivok.

22 Josef aglissijomärpok, sorlo puailaviub sen-nianëtok agglissijomärpok. Pammigët attanningor-titaulerput.

23 Nauk pittiktartut ningaumatigalloarpæt unatadlarvigingmatsuk, unangmilugolo.

24 Oma pittiksinga sokkosingilak, talligiglo aggangillo pitsartutitauvut, ajugakangitotõjub ag-ganginnut Jakokunne. Tapkonanget mianersijut, Israëliblo ujarangit tikkisimmavut.

25 Atätavit Gudinganut ikkajortauvotit, ajuga-kangitotõjomullo saimartauvotit, saimanartomut killangmit pijomut, saimanartomullo ittinerub attänetomit pijomut, saimanartomullo ivianging-inne nänginnelo.

26 Atätavit saimarsainingit pitsartunelioner-sauvut sivorlima saimarsaininginnit, sorlo attan-nionerset sillaksoarme tussudlarmetta: tapkoalo Josefib niakoanut tikkituksauvut, Nasiriblo kab-singanut kattangutingita akkorngænne.

27 Bejamin kësuktoksövlune ammarõvok uv-längotillugo pinnasuartane nerrijomärpa, unnu-lertillugole pinnasuartanne aitutigijomärpeit.

28 Tapkoa Israëlib kinguväriveit 12 õjut, okautsillo tapkoa atätangeta okautigilaukpeit tapkonunga, saimaramigit, attunit saimarnermut ingmigolingajomut.

29 Perkolugillo okautiveit: Illelliudsaujomär-punga sivorlerilauktamnut, illijartorissinga sivor-lima akkorngænnut kairosungmut Efronib Heti-terib perorsëvinganëtomut.

30 Kairosungmut maggolimmajomut, Mamrib

nellänetomut, Kanaanib nunangane, Abrahamib pissiarilauktanganut, perorsëvik illaliudlugo, illuverviksakotiminut kinguvängminullo, Efrone-mit Hetiteremit.

31 Taikunga Abraha nulliangalo Sara illijartorlaukpakit. Tagvungatauk Isaak nulliangalo Rebekka illijartorlaukpakit. Tagvungatauk Lea illijartorlaukpara.

32 Perorsëvingmut kairosungmullo pissiango-jomut Hetib kittornganginnit.

33 Jakoblo perkojanne kittorngaminut sorër-amigit ittikanne sinnigvingminut pitipeit anner-nengerdlnelo, illelliudsauvorlo sivorlerilauktang-innut.

KAPITEL L.

Jakob illuvertauninganik, Josefib innojungnërninganik.

TAGVA Josefib atätame kënanganut pülune, kea-jutigiva kunniklälo.

2 Josefib kivganne äniasiortit perkoveit atätane mingoartaukovlugo. Aniasiortillo Israële mingoarpæt,

3 Uvlut 40 git nāvlugit, taimak unnuktigijunik uvlunnik mingoarsijariakangmetta. Egip-tenmiullo uvlunnik 70 nik keavæt.

4 Kiksarnerub uvlungit tapkoa nāngmetta, Josefib Faraub kivgangit okarvigiveit, okarlune: Saimaunekaleruma illipsingne, tagva Farao okarvissiuk, okautilugolo:

5 Atätama angerkovānga, okautilungalo: Ahāk, tokkolerpunga, illijartorlaungminga illuviksamnut poagrejarlauktamnut Kanaanib nunangane. Tai-

maitomik manna majoraromavunga atātaga illijartorlugo, utteromalarmalo.

6 Faraub okautiva: Majoralerit atātet illijartorlugo, angernit tapsomunga malliklugo.

7 Tagva Josef majorarpok atātane illijartoromavlugo. Faraublo kivgangita illunatik, angajokaunersello iglungane, Egiptenib nunanganelo angajokaunerset illunatik illagivæt.

8 Taimaktauk Josefib kivgangit, kattangutingillo, atātamelo kivgangit illaulerput. Kittorngatigle, saugakottitiglo, tuktuvakottitiglo kisseta kemmekpeit Gosenib nunanganut.

9 Kammutillo ablangajullo horsinne majorarkattigiveit, ingerakattigëllo tapkoa unnuktoksõlaukput.

10 Atadib tulervianut (kakkojeksennik) Jordanib ungatānut tikkinamik, tagva kiksarnermut keadlalauput; Josefiblo atātane uvlunnik 7 nik kiksarutigiva.

11 Nunakattigëllo Kanaanemiut, kiksadlarnek tamedsa, Atadib tulervingane tækkogamitsuk, okarput: Egiptenmiut tagvane keaviksakadlarput. Taimaitomik nuna tamedsa, Jordanib ungatanētotoke taijauvok: Egiptenmiut keavinget.

12 Kittorngarëllo tapkoa pinniarlaukput perkojaunitik malliklugit.

13 Kanaaniblo nunanganut āpæt, illijartorpælo perorsēviub kairosunganut maggolimmajomut, Abrahamb pissiarilauktanganut, perorsēvik illaliudlugo, illuerviksakottiminut, kinguvāngminullo, Efronemit Hetiteremit, Mamrib nellāne.

14 Illijartorēamitsuk Josef kattangutinne majorarkattigilauktannelo atātame illijartortauvia-

nut illunaita illagilugit ama uttilerivok Egiptenmut.

15 Josefible kattangutingit sivorälerput atätatik tokkolaungmet, okarpullo: Josefib kennugilarpallukpätigut akkinniaromärpätigullo idluitulliarniptingnik tamainik, tapsomunga pinniarlauktaptingnik.

16 Taimaitomik okautsaukovæt: Atätavit perkolaukpätigut tokkokārane, okarlunelo:

17 Imāk okariakarpose Josefemut: Omæt, kattangutitit issumagijungnërlaungmigut idluitulliarninginnit, ajortulliarninginnillo, taimak idluiluktomik pinniarlaungmetta illingnut. Omæt, taimaimet issumagijungnërvigilaungmittigut idluitulliarniptingnit, atätavit Gudinget kivgaringmattigut. Josefele keavok, taimaitomik okarvigingmatsuk.

18 Kattangutingitale pamangavigijartorpæt, okautilälo: Ahäk, kivgaulerpogut illingnut.

19 Josefib okautiveit: Sivoräniarase, Gude Nalegarigapko.

20 Illipse issumakalaukpose idluitulliarvigijomavlunga; Gudele ajungitulliarnermik issumakalaukpok, sorlo manna pinniarningit sakkijadlarmetta, innuit unnuktovaksuit piulijaukovlugit.

21 Taimaimet sivoräniarase manna. Pattangaititsomavapse kittorngasselo. Mannigorpeillo illannakarnartomiglo okarvigiveit.

22 Tagvale Josef illane illagilugit Egiptenmet-sainarlaukpok, Jarinniglo 110 nik innölune.

23 Efraimiblo kittorngangit erngutärsungillo tækkoveit. Taimaktauk Machirib Manassib erninget kittorngangit kittorngakalaukput Josefib tækkokane.

24 Josefible kattangutinne okautiveit: Tokkolerpunga, Gudiblo nellipsaromärpäse, nunamillo omanget aulartitsomärpäse nunamut angerutigilaktaminut Abrahamut, Isaangmullo, Jakomullo.

25 Taimaitomik Israëlib kittorngangit perko-
veit angerkovlugit, okautilugillo: Gudib nellip-
sarpasse, tagva saunikka ovanget aularutissigik.

26 Tagva Josef tokkovok Jarekardlune 110
nik. Tamnalo mingoarpæt, illivælo iklerving-
mut Egiptenme.

al

H. M.

